


Justweife Couldwindige Family Mail Thems Grogtium Der hing morfaj fragiskuj umi regimentu lotelaku preferent ser son would Pordkirchen

Digitized by the Internet Archive in 2017 with funding from Getty Research Institute



Au vray l'art du graueur imite L'auteur de cet ceuure diuin ; Mais de faire voir son merite Ce n'est pas leffect d'un burin.



La vraye posture du bel homme de cheual comme il est descript au chapitre 17 de la premiere partie du present liure, page 34.

Chez Guillaume l'Oxfon, et Iean Baptiste l'Oxfon, au Palais au nom de Iesus, et a la Croix d'Or.

Auec privilege du Roy.



LA PRATIQUE

DV

CAVALIER

o v

L'EXERCICE DE MONTER A CHEVAL.

QVI ENSEIGNE LA METHODE de reduire les Cheuaux dans l'obeissance des plus beaux Airs & Maneiges.

Par Messire RENE' DE MENOV, Cheualier, Seigneur de Charnizay.

REVEV, CORRIGE ET AVGMENTE PAR LVY MESME; Auecles Figures, pour en donner l'intelligence.

ENSEMBLE UN TRAITE' DES MOYENS d'empescher les Duels, & bannir les Vices qui les causent.



A PARIS,

Chez

G V I L L A V M E L O Y S O N, en la Gallerie des Prisonniers, au Nom de Iesvs.

E T

I E A N B A P T I S T E L O Y S O N, en la Salle Dauphine, à la Croix d'or.

au Palais.

M. DC. L. AVEC PRIVILEGE DV ROY.

L'EXELVELLE A CHANGE

OVI H M S & M T M E L M A L V O de reduire les Labers un dans des des plus bleatin Airs & Llucidies

Part Hoffing For MEVEL State of the Market M

KEVEY, CORRIGE FOR AVOID OF DISTENSION OF THE AVOID OF TH

The second of th

ALC: THE

A DARIS



AVROY



IRE,

Puis que VOSTRE MAIESTE' fait connoistre que son inclination se porte à aymer l'exercice de la Caualerie, le plus beau, le plus necessaire, & le plus honorable qui se pratique dans le monde, comme celuy qui fait paroistre auec esclat dans la Guerre, les plus grands

Monarques à la teste de leurs Armées: Et dans la Paix, aux entrées des grandes Villes, aux triomphes des Tournois, combats à Cheual, & autres magnificences publiques: Il est bien raisonnable, SIRE, que ceux qui ont parfaite connoissance de cette science, trauaillent à faciliter les moyens de l'apprendre à toute la vertueuse & genereuse Noblesse de vostre Royaume, afin de la rendre capable de bien seruir Vostre Maieste dans le peril des combats, ou dans les exercices militaires qui se font pour le plaisir. C'est ce qui m'a obligé de reuoir ce que i'ay escrit

sur ce sujet, il y a plusieurs années; Et apres y auoir corrigé & augmenté, ce que i'ay estimé necessaire pour le rendre exempt de la censure des plus grands Maistres en cét Art; l'ay crû que VOSTRE MAIESTE'n'auroit pas des-agreable de le receuoir de moy; & de plus, qu'elle ne trouueroit pas mauuais, si je la suppliois tres humble. ment de le vouloir lire. La raison, SIRE, pour laquelle je luy fais cette tres humble supplication est; Que dans tous les Arts, la Teorie luy est beaucoup plus necessaire que la pratique, & particulierement en celuy duquel je parle;

D'autant que Vostre Maieste n'a besoin que de sçauoir de bonne grace, tirer d'vn Cheual dressé, ce que les Escuyers qui la seruiront luy auront enseigné. Mais sçachant parfaitement la Teorie, elle remarquera incontinent toutes les fautes que ceux qui se presenteront deuat elle pourront faire: Et si elle desiroit passer outre, & se donner le plaisir de pratiquer quelque leçon en la science, de laquelle je traite, son esprit estant des-ja instruit de la veritable methode pour rendre vn Cheual acheué, trouueroit beaucoup plus de facilité en l'execution, que si elle n'en auoit point

entendu parler auparauant. C'est ce qui m'a fait prendre la hardiesse, SIRE, de donner cét aduis à VOSTRE MAIESTE', qu'elle receura (s'il luy plaist) en bonne part; puis que le respect que je luy doits, & le zele que j'ay pour son seruice, me porte à n'auoir jamais autre dessein que de luy plaire, & de luy tesmoigner par toutes mes actions, que ie seray iusqu'au dernier soupir de ma vie.

SIRE,

De vostre Majesté,

Le tres-humble & tres-obeissant serviteur & sujet, CHARNIZAY.

HEISTRE .

enten-in-parties auparanant - Can estations of all orbitate property on the pass S.L. F. Commer cet acids in elling Training and to sand as (flish will like brown mentification of and and account autre dell'ette joe de luy plaire. Se - เมื่อเหตุ (สุดใช้เราะสายใช้เกาะ สุดใช้เหตุ (สุดใช้เหตุ สุดใช้เหตุ (สุดใช้เหตุ (สุดใช้เหตุ (สุดใช้เหตุ (สุดใช้

dido A Mandasus.

PREFACE.

En'est pas sans grande raison que de tout temps les Hommes ont estimé le Cheual le plus noble g & le plus vtile de tous les animaux; Iln'y en a point qui approche si fort du naturel de l'Home, qui soit de plus belle taille, qui ayt plus de vigueur, de force & de courage, & qui auec cela soit si doux, si docile & sireconnoissant enuers celuy qui le nourrit,ny qui le serue plus fidelemet & à plus d'usages. On n'en voit point qui soit capable d'apprendre de plus belles choses; on ne sçauroit trouuer de seruiteur qui ayme mieux son maistre, qui le soulage plus dans ses affaires er dans ses voyages, qui le deffende de meilleur cœur, qui le seconde mieux dans les hazards de la guerre et, qui soit plus agreable dans les plaisirs de la paix. Il n'y a iamais eu d'exercices illustres, ny de combats d'importance, où les Cheuaux n'ayent fait paroistre l'aduatage qu'il y a d'en auoir de bons; C'estoit auec eux que l'on r'emportoit les plus beaux

prix dans la carriere des Ieux Olympiques; cestoit eux qui faisoient les plus beaux spectacles du Cirque: Souuent ils ont esté cause du gain des batailles, & souvent encore ils ont sauvé les plus grands Princes & les plus braues Hommes que la fortune abandonnoit au peril. Aussi les plus glorieux vainqueurs & les plus puissans Monarques les ont aymez auec tat de passion, qu'ils leur ont quelque fois erigé des Statues, a signé des pensions, & basty des monumens pour eterniser leur nom & leur memoire. Nous lisons entre mille exemples de cela, qu' Alexandre le Grand, le plus fameux de tous les Conquerans, bastit la ville de Bucephalie pour monument à son incoparable Bucephale: Que Iules Cesar mit la Statuë de son Cheual de cobat deuant le Temple de Venus; Que l'Empereur Auguste fit éleuer un tobe au à un Coursier qu'il auoit infiniment estimé; Es les plus curieux sçauet que Rome n'a point de plus belle antique que le Cheual de Marc-Aurele. Les Histoires ont bien voulu prendre le soin de marquer quelque fois les noms, & d'écrire les actions de ces nobles animaux. Elles ont dit que. le Cheual sur lequel cobattit Rodrigue le dernier Roy des Gots en Espagne, s'appelloit Orelio, que celuy de l'Empereur Adrian se nomoit Boristene;

Et que dans la bataille de Fornouë, nostre Roy Charles VIII. s'estant engagé trop auant dans les Ennemis, celuy sur lequel il estoit monté, quoy qu'agé de vingt-huit ans, comme s'il eust eu sentiment combien estoit chere la personne qu'il portoit, seconda les coups de sa main auec son maniment, & combatit furieusement despieds, des dents & du choc, se faisant faire largue de tous 😹 costez iusqu'à ce qu'il fust arriué de l'ayde. Les noms de Bayard & de Bridedor ne se trouuent pas moins souvent dans les anciens Romans & dans le diuin Arioste, que ceux de Roland & de Renaud; ces Autheurs ayans voulu monstrer par-là que les Cheuaux ont bonne part à l'honneur des victoires es des belles entreprises. C'est pourquoy le plus beau titre dont les Souuerains puissent honorer ceux que la grande naissance ou l'éminente valeur releuent par dessus les autres; c'est la qualité de Cheualiers: Ettous ces Ordres qu'ils ont instituez auec des marques esclatantes, lesquels ils portent eux-mesmes, & qu'ils distribuent aux plus grands de leurs Royaumes, n'ont point de nom plus illustre que celuy de Cheualerie.

Nos Roys faisoient autrefois de grandes despenses pour peupler la France de bons Cheuaux: leurs Escuries estoient tousiours remplies des plus beaux qui se pussent trouuer au monde, & ils entretenoient des harats en diuers endroits pour en auoir en quantité es de la plus belle race. Il n'y ausit point de Gentils-homes dans le Royaume qui se pleussent dauantage, ny qui entendissent mieux à manier vn Cheual & à le dresser, que les Roys Louys XII. François I. es Henry II. es à leur exemple, toute la Noblesse s'efforçoit de se monter aduantageusement & d'estre bien à Cheual, pour donner deuant leurs Princes des preuues de leur addresse & de leur valeur, dans les tournois & dans les combats. Apres ces heureux regnes, les Guerres ciuiles ayans renuerse tout l'ordre & aneanty les plus belles choses, on discontinua de tenir si grand conte des Cheuaux, & la Noblesse perdit le soin d'en nourrir & d'en dresser. Cette noble passion fut remise en vogue & plusen lustre que iamais, par le Roy Henry III. qui a son retour de Polongne trouuant sa grande Escurie desgarnie de bons Cheuaux, enuoya en Italie Monsieur de Sour dis son premier Escuyer, pour luy en amener des plus excellens es des mieux manians; ce qu'il fit, au nombre de cinquante, qui luy cousterent quarante mille escus. Il faut aduoüer que iusques-là ce bel exercice de monter à Cheual n'estoit point encore en sa perfection dans les pays de deçà les Monts, & que la Francen'en auoit point une methode certaine & un art reduit en preceptes, chacun trauaillant selon son inclination, & auecles moyens qu'il se siguroit de luy-mesme. C'est pourquoy Monsieur de Sourdis amena auec luy Monsieur de Pluuinel, Gentil-homme de Dauphiné, qui pour lors estoit à l'Eschole du Seigneur Iean-Baptiste Pignatel, le meilleur Escuyer de toute l'Italie: Et ainsi, la science de la Caualerie commença à s'establir en France, les beaux airs & maneges à s'y pratiquer, & les hommes à s'y dresser.

Mais comme Monsieur de Pluuinel, qui auoit commencé ce belestablissement, esperoit de le continuer sous le Regne de Henry le Grand, et le mettre au plus haut poinct d'honneur et de perfection, arriva la déplorable mort de ce grand Roy, qui causant une infinité de mal-heurs à cét Estat, interrompit aussi ce beau dessein, et sit naistre des affaires generales, qui ne permirent pas de songer aux particulieres. La crainte que jeus alors que la mort n'enleuast aussi cét homme illustre Monsieur de Pluvinel, et qu'ainsi ses belles maximes ne sus sent en seuelies aues

luy, me persuada que s'estois obligé pour éniter ce mal-heur, de prendre la plume & de les mettre par escrit. Pour cét effet, ie voulus voir auparauant tout ce qui auoit esté dit de cét Art dans les liures de ceux qui en auoienttraité, particulierement dans celuy qu'en auoit fait Monsieur de la Brouë, le meilleur de tous ceux qui ont precedé Monsieur de Pluuinel. Mais à dire wray, jy remarquay beaucoup de leçons, qui selon la façon qu'il les expose, sont tout à fait impossibles à pratiquer, ou quelquefois ne signifient rien du tout: Et d'ailleurs, ie croy que luy-mesme, sil reuenoit au monde, ne sçauroit par la methode qu'il enseigne, faire venir vn Cheual à son but en deux ans, C'est un temps si ennuyeux, tant pour le Cheual qui se gaste durant un si long trauail, que pour le Caualier qui se fasche d'auancer si peu, que s'il n'y auoit un chemin plus court que celuy-là, sans doute les François, qui de leur naturel sont impatiens, s'addonneroient peuà cette science, & ceux qui ont de bons & excellens Cheuaux ne les voudroient pas abandonner entre les mains de gens si tardifs, & des mains desquels ils ne les pourroient retirer que plus de demy vsez, & presque inutils pour le Cerwice.

Comme j'eus reconnu ces defauts, & que j'estois bien asseuré d'auoir puisé de meilleures choses à une meilleure source, je creus que ce n'estoit point temerité de les donner au public, & que ie contribuërois quelque chose à l'honneur de mon pays & à l'instruction de la Noblesse, siie leur faisois part de ce que j'ay appris & souuent pratiqué auec le plus excellent maistre qui ayt jusqu'à present chaussé les esperons, soit pour faire bien conceuoir aux Hommes ses preceptes & samethode, soit pour estre court & facile en toutes sortes d'inuentions pour faire venir les Cheuaux à ce qu'on desire d'eux, soit pour donner la grace & la politesse à un Caualier. C'est Monsieur de Pluuinel, duquel on peut dire auec verité qu'il a plus dressé d'Hommes & de Cheuaux que tous ceux qui s'en sont meslez depuis cent ans, & que la France luy a cette obligation, que les Hommes qui sont sortis de ses mains ontestably de si bonnes Escholes, qu'an lieu que nous allions chercher cét Art en Italie, nous le trouuons aujourd'huy en France plus parfait qu'au pays mesme de son origine, & capable d'attirer chez nous les Estrangers, qui ne seroient pas estimez en leur pays, s'ils n'auoient passe par nos Academies.

Ie ne m'estendray point icy à monstrer comme la methode de Monsieur de Pluuinel excelle pardessus les autres; c'est une verité qui se prouue mieux par les effects qui s'en voyent, que par tous les discours qu'on en sçauroit faire: le me contenteray d'escrire le plus succinctement. qu'ilme sera possible, le chemin qu'il faut tenir pour la suiure, selon que ie l'ay veu pratiquer par un si sçauant maistre, & que ie l'ay souuent pratiquée auec luy. Que si ie ne m'explique pas si bien que la chosele merite, ceux qui ont puisé en la mesme source que moy, m'excuseront, s'il leur plaist, & suppleeront à mon defaut. Pour les autres, ie les tiens incapables de censurer ce que j'en dis, parce que la pluspart d'entr'eux trauaillent plustost par routine, que par vraye connoissance, es qu'il n'a pas encore paru au iour un homme fait de leur main, qui est, comme ie croy, la vraye pierre de touche pour esprouuer la suffisance d'un Caualier en cét Art. Car de dresser des Cheuaux, il s'en trouue encorequelques vns qui y arrivent en quelque sorte; Mais de dresser des hommes, ien en ay point remarqué qui le puissent faire que ceux qui sont sortis des mains de feu Monsieur de Pluninel, ou de ceux qui suinent sa doctrine.

Ie parleray donc en ce Traité de la nature des Cheuaux, j'entends de la nature qu'il les faut choisir pour en faire quelque chose de bon; car de parler de leurs maladies, tant de gens en ayant escrit deuant moy, ce seroit plustost ennuyer le Lecteur par des redites, que de luy apprendre quelque chose de nouveau. Ie feray voir en suitte la methode qu'il faut tenir pour les rendre capables de paroistre sur la carrière, obeyssans à l'ordre des plus justes proportions de tous les plus beaux airs et des plus agreables maneges. Et sinalement, ie donneray à connoistre au Caualier le chemin qu'il doit suivre pour estre fort bien à Cheual, et acquerir la perfection et la grace que cét Art luy doit donner.

The state of the s

• Ov.

PRIVILEGE DV ROY.



OVIS par la grace de Dieu, Roy de France & de Nauarre; A nos amez & feaux Conseillers, les Gens tenans nos Cours de Parlement, Maistre des Requestes ordinaires de nostre Hostel, Baillifs, Seneschaux, Preuosts, leurs Lieutenans & tous autres qu'il appar-

tiendra; Salut. Nostre tres-cher & bien amé René de Menou, Seigneur de Charnizay, Nous ayant fait remontrer qu'en l'année 1614. il composa & sit imprimer vn petit Liuret, intitulé la Pratique du Caualier, lequel ayant depuis peu reueu & remarqué en iceluy beaucoup de fautes, & vn nombre infiny d'autres dans les diuerses impressions qui en ont esté faites depuis la premiere, ausquelles voulant remedier; & ayant consideré, qu'outre la correction d'icelles, qu'il pouuoit encore augmenter audit Liure plusieurs choses tres-vtiles & necessaires: Ce qu'ayant sait, & desirant le mettre au iour fous le tiltre de la Pratique du Canalier, ou l'Exercice de monter à Cheual, reueu, corrigé & augmenté par luy mesme, auec les Figures necessaires pour en donner l'intelligence, auquel il a join& vn petit Traité pour empescher les Duels & bannir les vices qui les causent, s'il nous plaisoit luy accorder nos Lettres à ce necessaires. A CES CAVSES, Nous auons permis & permet. tons par ces presentes à l'Exposant, d'imprimer ou faire imprimer, vendre ou debiter en tous les lieux de nostre obeiissance, ledit Liure en vn ou plusieurs volumes, en telles marges & tels carracteres, & autant de fois qu'il voudra, durant dix années entieres & accomplies, du jour que ledit Liure sera acheué d'imprimer pour la premiere fois; Et d'autant que l'intention de l'Exposant est plus estenduë & plus correcte dans ledit Liure, nouuellement reueu, corrigé & augmenté par luy; Nous faisons tres-expresses def-

fenses à routes personnes, de quelque qualité ou quelque condition qu'elles soient, d'imprimer ou faire imprimer, non seulement ledit Liure, reueu, corrigé & augmenté; mais encore le premier imprimé en l'an i614, pour les causes cy-dessus deduites, vendre ny debiter en aucun lieu de nostre obeissance, sous pretexte d'augmentation, correation, changement de tiltres, fausses marques, ou autrement, en quelque sorte & maniere que se soit, sans le consentement de l'Exposant, ou de ceux qui auront droist de luy, à peine de trois mil liures d'amende, payable par chacun des contreuenans, & appliquables, votiers à Nous, vn tiers à l'Hostel Dieu de Paris, & l'autre tiers audit Exposant, de confiscation des Exemplaires contrefaits, & de tous despens, dommages & interests, à condition qu'il sera mis deux Exemplaires dudit Liure en nostre Biblioteque publique, & vn en celle de nostre tres-cher & feal le sieur de Chasteauneuf Garde des Seaux de France, auat que de l'exposer en vete, à peine de nullité des presentes; du contenu desquelles nous voulons que vous fassiez iouyr plainement & paisiblement l'Exposant ou ceux qui auront son droist, empeschant qu'il ne leur soit fait aucun empeschement. Voulons aussi qu'en mettant au commencement ou à la fin de chaque volume dudit Liure, vn Extraict des presentes, elles soient tenuës pour deuëment signissées, & que foy y soit adjoustée, & aux coppies collationnées, par l'vn de nos amez & feaux Conseillers & Secretaires, comme à l'Original. Mandons au premier nostre Huissier ou Sergent sur ce requis, de faire pour l'execution d'icelles tous exploists necessaires, sans demander autre permission: CAR tel est nostre plaisir, nonobstant Clameur de Haro, Charte Normande, & autres Lettres à ce contraires. DONNE' à Paris le cinquiesme iour d'Aoust, l'an de grace 1650. Et de nostre Regne le hui cliesme; Par le Roy en son Conseil, LE BRVN.

Ledit Sient de CHERNIZAY a cedé & transporté le susdit Privilege à Guillaume & lean Baptiste Loyson, ainsi qu'il est porté par l'accord sait entreux.

CE LIVRE EST DIVISE' en six Parties.

LA PREMIERE.

Raicte de la nature des Cheuaux en general & particulier, & les moyens qu'il faut tenir pour leur donner la premiere obeissance, & les reduire iusques au point de se laisser conduire à l'homme de la main & du talon, ayant pris la cadence des courbettes & terre à terre.

LA SECONDE.

'Ait voir ce qu'il faut faire pour rendre le Cheua! obeissant aux plus grandes iustesses. LATROISIESME.

Arle des Airs les plus releuez, comme Capreoles, Groupades, Balotades, & vn pas, vn fault, & la methode qu'il faut tenir pour y rendre les Cheuaux biens manians.

LA QVATRIESME.

Nseigne à bien courre la Bague, rompre en lisse, & combattre à Cheual.

LA CINQVIESME.

Eclare quelles sont les emboucheures les plus propres pour les Cheuaux auec les considera-tions necessaires pour s'en bien seruir.

LA SIXIESME.

St vn traité des moyens d'empescher les Duels, & de bannir les Vices qui les causent.





LAPRATIQUE DV CAVALIER OV LEXERCICE

de monter à Cheual.

PREMIERE PARTIE.

Cheuaux en general & particulier, & les moyens qu'il faut tenir pour leur donner la premiere obeissance, & les reduire iusques au point de se laisser conduire à l'homme, de la main & du talon, ayant pris la cadenses des courbetes & terre à terre.

De qu'elle sorte de Cheuaux nous auons plus communement en France pour nous seruir.

CHAPITRE PREMIER.

E S François, contre la coustume des autres Nations, se servent indifferemment de toutes sortes de Cheuaux, & sont curieux d'en faire venir de diuers endroits, & mesmes d'en esseuer dans

2 LA PRATIQUE DV CAVALIER, toutes leurs Prouinces; & ceux desquels ils font estat, viennent d'Espagne (auec difficulté toutesfois.) Il nous en arriue d'Italie, & en peut-on faire venir plus commodément, mais pourtant les vns & les autres se recouurent auec assez de peine, & encores fort peu de bons, les meilleures races estant à present abastardies ou perduës. Des Turcs & des Arabes, il nous en vient si peu, que ie n'en parleray point. Les Barbes nous sont plus frequents que ceux d'Espagne ny d'Italie, en ce qu'ils viennent par mer iusques à Marseille; & là nous en pouuons auoir tant que nous voulons. Mais ceux des pays estrangers qui nous sont les plus communs, ce sont les Cheuaux d'Allemagne & de Flandres, d'autant que nous auons quantité de Marchands en France qui en trafiquent, de sorte que presque tous les Gentils-hommes & Marchands ne se seruent d'autres pour le trauail que de ceux-là: Tellement que ce sont les plus ordinaires & lesquels nous auons en plus grande abondance. Toutefois mon opinion est, que ceux qui naissent len nos pays sont meilleurs que les vns ny les autres: L'Auuergne & la Gascongne nous en produisent d'excellents,

PREMIERE PARTIE.

le Lymousin en a aussi de fort bons, le Poictou n'en doit ny à l'vne ny à l'autre Prouince, la Normandie ne leur cede en rien, la Bretagne nous en donne & mesmes quantité de bestes Damble, que nous tenons pour les meilleurs, & la Comté de Bourgongne nous en fournist quelques-vns; mais ils ne sont si bons que les autres.

De la Nature des Cheuaux en particulier.

CHAPITRE II.

PREMIEREMENT, Du Cheual d'Espagne.

E Cheual d'Espagne est d'un naturel chaud & sec & plein de seu, d'autant qu'il est nourry dans un pays sort chaud. Les meilleurs & les plus nobles qui nous en viennent, sont d'Andalousse: Ils sont detaille assez deschargez, les jambes sort seiches, nersueuses & peu peluës, le pied beau & bon, sort peu sujets à maladie, hardis, courageux, de A ij

4 LA PRATIQUE DV CAVALIER, grande force, de bonne haleine, & capables de contenter le Caualier en ce qu'il desirera.

Du Cheual d'Italie.

CHAPITRE III.

E Cheual d'Italie est communément de plus forte taille que celuy d'Espagne, & vn peu plus chargé de chair, ne differe en rien de toutes ses perfections, & mesmes en ayant dauantage: En ce qu'outre qu'il est capable de tout ce que peut faire l'autre, il est plus propre à trauailler, & ne s'vse pas tant ny si-tost les jambes.

Des Cheuaux Barbes.

CHAPITRE IV.

Es Barbes sont cheuaux fort deschargez de taille, & fort petits au prix des autres, les jambes fort seiches & desliés, & les pieds beaux & bons, sujets à se serrer, qui n'y prend garde; La bouche communément fort esgarée & la teste en mauuaise posture, à cause des mords à la genette qu'ils ont portez dans le pays. Ils sont grandement vistes & de longue haleine, laquelle ils reprennent bien plus promptement qu'aucuns autres Cheuaux que nous connoissions, & capables de faire tout ce que le Caualier desirera. Ils sont ordinairement tristes & mornes à la campagne, mais pleins de gentillesse quand on les recherche.

Des Cheuaux d'Allemagne.

CHAPITRE V.

Lautre taille que ceux cy-dessus, en ce qu'ils sont d'vn corsage fort gros, les jambes fort grosses & peluës, bien qu'elles ne laissent d'estre nerfueuses: Ils sont sujets à plusieurs incommoditez, tant aux yeux (à cause que la pluspart sont chargez de teste) qu'aux jambes, des galles, malandres, soulandres, arestes, mulles & autres choses, & aux pieds qu'ils ont A iji

fort humides & gras: La raison est, qu'ils sont nez & nourris dans vn pays fort froid & humide; tellement qu'ils tiennent la pluspart de la nature du lieu. Il s'en trouue bien peu qui soient hardis, courageux, n'y qui ayent de la gentillesse: mais on s'en sert pour le trauail, comme j'ay dit cy-deuant, parce qu'ils y durent plus long-temps que les autres; on ne laisse pourtant pas d'en trouuer quelques-vns capables de contenter le Caualier, mais ils ne sont pas si communs queles autres.

Des Cheuaux d'Auuergne & de Gascongne.

CHAPITRE VI.

Es Cheuaux d'Auuergne & de Gascongne sont de la mesmetaille que les Cheuaux d'Espagne, sinon qu'ils ne sont pas si nobles ny si bien proportionnez, & la pluspart sont plus hauts montez sur jambes, lesquelles mesmes ils ont plus foibles. Ils sont de grande force & pleins de seu, mais ils n'ont pas tant de gentillesse & de bon naturel que les autres: au contraire, ils sont coleres & fort malicieux,

& le plus souvent ennemis des hommes & des autres Cheuaux, lesquels vices ils gardent fort volontiers, encores qu'ils soient reduits à la raison.

Des Cheuaux de Lymousin.

CHAPITRE VII.

Es Lymousins ont accoustumé de faire leurs haras de Cheuaux d'Espagne & d'Italie, & de juments d'Allemagne ou de juments qui naissent dans leurs haras, de legere taille, auec vn Cheual d'Allemagne: Si bien que les Cheuaux qui en viennent sont ordinairement plus chargez de chair que les Cheuaux d'Italie. Ils naissent grands & forts, mais ils sont sujets aux mesmes incommoditez de m'aladies que les Cheuaux d'Allemagne, d'autant que le pays est humide & fort couvert de bois: Leurs inclinations sont aussi d'estre vicieux, d'autant qu'ils les retirent fort tard du haras, & ne sont iamais en leur boute (quand ils se doiuent rencontrer bons) qu'ils ne prennent sept ans.

Des Cheuaux de Poictou. CHAPITRE VIII.

Lymousins en leurs haras, tellement que Es Poicteuins suiuent la methode des les Cheuaux en viennent de mesme taille; mais ils different, en ce que les Lymousins laissent leurs Caualles dans les bois à manger de l'herbe fort humide & mauuaile, & ne les font point promener pour leur consommer cette mauuaise humeur qu'elles acquierent à leurs poullains, par ce mauuais pacage, & les Poicteuins nourrissent fort bien leurs juments de foing & d'auoine, les promenant doucement & sans efforts; puis le poullain pouuant manger, ils le retirent de bonne heure, luy faisant manger force paille fraische, & luy tenant les pieds dans leurs escuries tousiours sur le caillou; Tellement que cette forme de nourriture les affermit de telle sorte, que ien'ay point veu de tous les Cheuaux cy-dessus aucuns plus capables que ceux-cy, pour paruenir à quelque chose de bon.

Des Cheuaux de Normandie.

CHAPITRE IX.

Es Cheuaux de Normandie ne se treuuent pas communément de taille si forte que ceux de Poictou, d'autant que les Caualles sont volontiers de Bretagne, qui sont plus trapes que celles d'Allemagne, mais elles sont bien plus vigoureuses: Et pour les Estelons, ils se seruent la pluspart de Barbes ou de Cheuaux d'Espagne, qui est la raison qu'ils ne sont pas si forts que les Poicteuins & Lymousins; mais ils ne laissent de se trouver fort bons, & mesmes il s'y en rencontre peu de mauuais. Ils sont de meilleure nature que les Cheuaux d'Auuergne & ceux de Lymousin, & s'accommodent plus volontiers à la volonté du Caualier. Ils sont fort vigoureux & bons au trauail, & si ne laissent d'estre gentils & legers.

Des Cheuaux de Bretagne.

CHAPITRE X.

A taille des Cheuaux de Bretagne est ap-prochante de celle des Cheuaux d'Allemagne, sinon qu'ils sont plus petits & moins chargez de chair; les jambes plus nerfueuses, plus seiches & moins peluës; les pieds meilleurs, plus beaux & plus releuez du talon, la teste plus seiche & moins chargez d'ancollure; Et la raison est, que la pluspart de leurs Caualles sont Angloises ou Escossoises, & leurs Estelons sont Cheuaux de Dannemarch ou d'Allemagne, & les choisissent les plus petits qu'ils peuuent, d'autant que les Caualles Angloises & Escossoises sont fort grandes & deschargées. Ils sont excellents pour le trauail, hardis & courageux, & se trouuent le plus souuent legers, vigoureux, & propres à ce qu'on les desire mettre.

Des Cheuaux du Compté de Bourgongne.

CHAPITRE XI.

Es Cheuaux du Compté ne sont pas si bons que ceux cy-dessus, d'autant qu'il n'y a personne qui soit soigneux d'auoir, ny Caualles propres pour le haras, ny Estelons beaux, ny de belle taille. Il n'y a que les Payfans qui font couurir leurs juments aux premiers Cheuaux qu'ils rencontrent; ne desirant autre chose que d'en auoir pour leur labourage; Si bien que la pluspart de ceux qui en viennent sont Cheuaux tous abastardis, que l'on retire le plus souuent de la charuë pour les amener : Et si quelquesfois il s'en trouue aucuns bons, c'est peu souuent, encores ne sont-ils iamais de belle ny de forte taille; d'autant que comme jay dit, ceux du pays ne sont curieux, sinon d'en auoir pour les seruir à leur trauail seulement.

Il se peut donc connoistre par ce que j'ay dit cy-dessus, que nous n'auons que faire d'al-

ler emprunter des Cheuaux à nos voisins, veu que nostre France en est garnie de meilleurs & de plus excellents qu'aucun autre lieu de l'Europe, & s'en garnira encores d'oresnauant dauantage; d'autant que cy-deuant l'exercice n'estant en vsage parmy la Noblesse, comme il est, & qu'il falloit qu'ils l'allassent chercher iusques au fonds de l'Italie; D'où encores la pluspart retournoient aussi ignorans qu'ils y estoient allez, & partant incapables de dresser vn Cheual. Cela faisoit qu'ils estoient peu curieux d'en esleuer; mais maintenant que chacun apres auoir gousté la douceur & la promptitude qui se rencontre en l'escholle de Monsieur de Pluuinel, ou de ceux qui suiuent sa methode, s'en retourne en samaison auec ce contentement de se sentir pouuoir reduire vn Cheual à la raison en peu de temps, & sans hazard de se blesser, ny d'estropier son Cheual. Cela sera cause que la Noblesse, qui de son naturel est desireuse d'espargner pour despenser honnorablement auprés de son Prince, aymera mieux se rendre soigneux d'esseuer chacun chez soy des Cheuaux pour les accommoder, afin de s'en seruir, que non pas d'estre contraints

d'en faire venir d'Espagne & d'Italie à si grands frais; Que pour vn qui leur venoit de ces payslà, ils en pourront icy auoir dix, peut-estre meilleurs pour le prix. Et pour moy, c'est mon opinion, que nostre France dés à present fourniroit de bons Cheuaux en plus grande quantité naiz dans le pays, que toute l'Espagne & l'Italie ensemble. Ie vous laisse donc à penser quand chacun s'efforcera d'en auoir chez "soy, ce que se pourra estre. Mais lors qu'il » plaira au Roy de rendre son Royaume fertile » en bons Cheuaux; quand sa Majesté me com-» mandera, ie luy donneray les moyens pour "faire en sorte que sans qu'il luy en couste, la "France en produira si grand nombre, qu'il y en "aura à sustire, non seulement à ses armées, ar-"tillerie, charois, labourage, carrosses, postes 2. & tous autres seruices: mais encores pour "fournir les Prouinces ausquelles on est con-"traint de porter des sommes immenses pour en » auoir, lequel argent demeurera dans l'Estat.

La maniere de choisir un Cheual qui soit propre pour contenter le Caualier au Manaige, & quelles qualiez il faut qu'il aye.

CHAPITRE XII.

Eux qui ont pratiqué l'Italie, nous font remarquer que les Caualiers de ces payslà font vne espreuue fort exacte des Cheuaux qu'ils veulent choisir pour le Manaige: Et s'ils n'y treuuent toutes les qualitez que ie diray cyapres, ils ne veulent pas prendre la peine de les faire trauailler, ains les renuoyent pour estre mis au Carrosse, soit ou qu'ils ne veulent pas se pener apres, ou bien qu'ils doutent de pouuoir les faire reufsir où ils desirent. Premierement, ils veulent vn Cheual de belle taille, beaux pieds & belles jambes, qui puisse fournir aux longues & penibles leçons qu'ils ont de coustume de luy donner, qu'il portenaturellement la teste en bon lieu, sans bransler en aucune sorte, ou pour le moins fort peu; qu'il. aye de la force, de la gentillesse & de la legereté tout ensemble: Et qu'à la premiere fois

qu'ils mettent vn homme dessus pour reconnoistre quelle est son humeur, lors qu'il l'anime de la gaule, des talons, de la voix, ou de tous les trois ensemble. S'il se presente de luy-mesme sur les hanches, soit terre, à terre, ou à faire quelques courbettes, sans se dessendre contre le Caualier d'autre sorte que cela: Alors ils en-

treprennent d'en venir à bout.

Ie serois bien de cét aduis & voudrois que cette coustume fust parmy nous ; car si cela estoit, nous en dresserions par nostre methode plus de douzaines, qu'ils n'en acheuent de pieces; & parcemoyen acquererions dauantage de reputation. Mais les François, qui de leur naturel veulent que tout aille selon l'ordre de leurs fantaisses, si vn Caualier leur auoit renuoyé quelque Cheual, & donné sentence contre luy pour le mettre au Carrosse, quoy qu'il fust sans force & sans legereté, abandonné sur les espaules, retif & mille autres imperfections; ils l'accuseroient d'ignorance sans autres considerations, sinon que puis qu'ils desirent que de leur rosse on fist va bon Cheual, il faudroit qu'il le fust. C'est pourquoy ceux qui se messent de l'exercice en

France, qui ont voulu suiure les maximes anciennes qu'ils auoient esté puiser dans les Campagnes de Rome, se sont trouvez court quand ils ont rencontré vn Cheual ayant ses imperfections, & tellement embarrassez, qu'ils ont esté contraints de quitter ou d'auoir recours à nostre methode; à laquelle n'estant accoustumez & trauaillant à tastons, ils se sont encores plus trouuez embroüillez, & de telle sorte, que cela en a conuié plusieurs, à fulminer contre, sans sçauoir non plus ce qu'ils disoient que ce qu'ils faisoient. C'est ce qui m'a obligé pour rembarrer leur ignorance, de faire voir au iour queles moyens dont Monsieur du Pluuinel vse, & desquels il a obligé la France par son invention, estant suivis distinctement comme: il faut. Non seulement vn Cheual de bonne nature peut estre dressé en fort peu de iours, mais aussi le plus fascheux & rebours qui se puisse rencontrer en moins de temps qu'ils n'y en mettent, à ceux qu'ils choisissent pour auoir le plus de gentillesse.

CHAPITRE XIII.

Des moyens qu'il faut tenir pour commencer vn Cheual.

Beaucoup de gens trauaillent en l'exercice des Cheuaux, mais pe usçauét ce que c'est d'vn Cheual qui est dans la main & dans les talons; Tellement qu'à grande peine, ils luy pourroient mettre; mais auparauant que passer outre, ie diray que cét exercice de la Caualerie est le plus beau, le plus difficile à apprendre, & le plus necessaire pour le corps & pour l'esprit de tous ceux qui se pratiquent pour rendre les hommes parfaits.

Et pour le donner à connoistre tres-clairement, c'est que toutes les Sciences & les Arts que les hommes traitent par raison, ils les apprennent en repos sans aucun tourment, agitation, ny apprehension quelconque, leur estant permis, soit en la presence ou en l'absence de celuy qui les enseigne d'estudier en leur particulier ce que leur Maistre leur aura monstré, sans estre inquietez dequoy que ce soit.

Mais en l'exercice de la Caualerie, il n'en est pas de mesme; d'autant que l'hommene le peut apprendre qu'en montant sur vn Cheual, duquel il faut qu'il se resolue de souffrir toutes les extrauagances qui se peuuent attendre d'vn animal irraisonnable. Les perils qui serencontrent parmy la colere, le desespoir & la lascheté de tels animaux joint aux apprehensions d'en ressentir les efforts. Toutes lesquelles choses ne se peuuent vaincre ne esuiter qu'auec la connoissance de la science, la bonté de l'esprit & la solidité du jugement, lequel faut qu'il agisse dans le plus fort de tous ses tourments, auec la mesme promptitude & froideur que fait celuy qui estant dans son cabinet, tasche d'apprendre quelque chose dans vn liure. Tellement que par-là, il se void tres - aysément comme ce bel exercice est vtil à l'esprit, puis qu'il l'instruit & l'accoustume d'executer nettement & auec ordre toutes ses fonctions parmy le tracas, le bruit, l'agitation & la peur continuelle du peril; qui est comme vn acheminement pour le rendre capable de faire ses mesmes operations parmy les armes & aumilieu des hazards qui s'y rencontrent; y ayant

encores vne chose digne de remarquer pour les grands Roys, Princes & Seigneurs. C'est que la pluspart des hommes, & mesmes ceux qui sont destinez pour leur enseigner la vertu, les flattent le plus souvent. Mais en l'exercice duquel ie parle, si ceux qui auront l'honneur d'enseigner les grands Monarques estoient si lasches de les vouloir flatter, ils auroient la honte qu'vn animal sans raison les accuseroit de faux deuant eux, & par consequent d'infidelité.

Quant à cequi touche le profit que le corps reçoit aux continuels vsages de ce bel exercice; c'est qu'outre qu'il oblige l'homme à viure reglement & sobrement, il le rend libre en toutes ses parties, le fait esuiter toutes sortes d'exceds & de desbauches, qui pourroient troubler sa santé; sçachant bien estre impossible à celuy qui ressent la moindre incommodité de pouuoir entreprendre ny executer quoy que ce soit à Cheual, de bonne grace, ny autrement.

Quelle taille est la plus aduantageuse pour estre bon homme de Cheual.

CHAPITRE XIV.

Es hommes de moyenne taille sont les plus propres à cét exercice; en ce qu'ils font fermes, legers, libres, les aydes plus iustes & vigoureuses, donnant par ce moyen plus de plaisir au Cheual. Les grands ne sont pas ordinairement fermes, & ne peuuent garder tant de iustesse; & par consequent le Cheual ne prend pas tant de plaisir à manier sous eux. Car c'est vne maxime, que le Cheual doit prendre plaisir à manier; autrement le Caualier & luy ne sçauroient rien faire de bonne grace. Les petits hommes sont les plus fermes, mais aussi c'est tout cequ'ils ont; car leurs ay des ne donnant pas grande crainte quand il est necessaire: Le Cheual ayant ce sentiment ne s'employe pas auec la vigueur requise; & le plus souuent quand il est besoin de chastiment, il ne le reçoit pas tel qu'il le deuroit. Tellement que trouuant vn Caualier de moyenne taille, auec les

qualitez que j'ay dites, il peut atteindre facilement à la perfection de la science.

Quels ornements es habits sont les plus propres pour la bien-seance & pour la commodité de l'homme de Cheual, pour paroistre sur la carure.

CHAPITRE XV.

Sen ce qui cocerne les habits, lesquels changent à tous moments selon le caprice de ceux qui les seruent, ie ne m'amuserois pas à parler sur ce sujet, ne desirant pas obliger personne à s'habiller autrement qu'à sa fantaisse, d'autant que tout homme de bon iugement cherchera tousiours & treuuera aysément ce qui sera de la bien-seance, & en pratiquant rencontrera sa commodité. Mais d'autant que le long vsage que i'ay en l'exercice duquel ie parle, m'a fait reconnoistre la commodité & l'incommodité qu'il y a dans les habits de diuerses saçons, ie conseille à celuy qui y prendra plaisir, de ne porter iamais de chappeau pesant, n'y qui ait le

bord trop large, pour éuiter le danger qu'vn Cheual incommode en maniant ne le fasse tomber, ou l'oblige d'y porter la main; lesquelles choses outre la bien-seance quin'y seroit gardée, embrouillent le Caualier'& diuertissent l'esprit de ce qu'il doit, & la main de l'espée ou de la houssine, de faire son office. Il ne faut iamais aussi que le chappeau soit sans plume, estant vn des ornements qui pare dauantage le Caualier. Les juppes roupilles ou collets ont beaucoup meilleure grace à Cheual que les pourpoints. Pour les chausses, il n'y en a point de plus commode ny de plus propre que celles à bande sans bourlet, pourueu qu'elles ne soient ny trop longues ny trop courtes, afin que la cuisse du Caualier se voye & se treuue iuste dans la selle, pour parfaitement faire sentir les aydes à son Cheual. Il faut les bas d'attache de chamois ou de buffetin, à cause de sa douceur contre la cuisse, & le bas à botter iuste; les bottes doiuent estre de cuir aisé & mollet, comme vache desliée ou fort maroquin, les genouillieres vn peu longues, assez estroites & bien taillées; en sorte que le genouil soit libre, que la cousture qui les separe soit à droit fil, mais plus

haut derriere de trois doigts que pardeuant; parce que la greuë de la jambe en paroistra plus longue & plus belle. Il ne faut pas que la tige soit courte, afin qu'elle plisse vn peu par le bas: Il est besoin que le pied soit quarré ou large par le bout, & non pointu; d'autant qu'outre la commodité, il a meilleure grace, emplissant mieux l'estrier, lequel s'en portera plus droit & plusiuste sur le pied. Quant aux esperons, les mieux tournez que i'aye remarqué, sont ceux que l'on nommoit à la Danville du temps de deffunt Monsieur le Connestable de Montmorency, dont la mode continuë encores à present. Ien'approuue point les grandes molettes, mais celles qui ont six pointes rondes en forme de quille, chacune d'vn trauers de doigt de long.

for all a second and a second

Balling of Assessment Control of the Control

the transfer of the second of

held the region of the state of the state of the state of the

Ce qu'il faut necessairement que le Caualier acquierre, pour atteindre à la perfection de l'exercice duquel ie parle.

CHAPITRE XVI.

Ly a deux choses, sans lesquelles l'homme Ine se peut dire parfait en cette science. L'vne, qu'il soit bel homme à Cheual, & l'autre bon homme de Cheual; Et quoy que ces deux qualitez soient differentes, neantmoins le Caualier les doit posseder pour exceller en cét Art. Mais d'autant que plusieurs pourront auoir la curiosité de sçauoir la difference qu'il y a entre le belhomme de Cheual & le bon homme de Cheual, ie leur diray que ie la faistresgrande, en ce qu'on peut estre bel homme à Cheual, sans estre bon homme de Cheual; comme aussi on peut estre bon homme de Cheual, sans estre bel homme de Cheual: Et pour apprendre cette verité, c'est qu'il suffit d'estre bien placé sur le Cheual, depuis la teste iusques aux pieds, pour se faire estimer bel homme de Cheual: Et celuy que l'on aura veu

en cette posture, cheminant seulement au pas, se pourra dire beau; Et si il a assez de fermesse pour souffrir vn plus rude mouuement, en gardant sa belle posture, il acquierrera tousjours la reputation de bel homme de Cheual, quand mesmes le Cheual ne feroit rien qui vaille, quoy que bien dressé: Car si l'homme garde tousiours sa bonne posture, on accusera plûtost son Cheual que luy, & n'y aura que les tres-sçauants qui reconnoissent d'où vient la faute; d'autant que la pluspart ne peuuent pas s'imaginer qu'vn homme puisse estre ferme & en bonne posture, sans estre bon homme de Cheual; Comme aussi pour bien faire & acquerir la perfection de la science, il faut commencer, continuer & finir par la bonne posture du Caualier; parce qu'il y a bien plus de plaisir devoir vn bel homme de Cheual ignorant en la science, qu'vn tres-sçauant de mauuaise grace. Mais pour estre parfaitement bon homme de Cheual, faut sçauoir par pratique & par raison, la maniere de dresser toutes sortes de Cheuaux à toutes sortes d'airs & de Manaiges, connoistre leurs forces, leurs inclinations, leurs habitudes, leurs perfections & imperfections,

& leur nature entierement, sur tout cela faire agir le iugement, pour sçauoir à quoy le Cheual peut estre propre, afin de n'entreprendre sur luy que ce qu'il pourra executer de bonne grace; & ayant cette connoissance, commencer, continuer & acheuer, le Cheual auec la patience & la resolution, la douceur & la force requise pour agriuer à la fin ou le bon homme de Cheual doit aspirer; lesquelles qualitez se rencontrant à vn Caualier, on le pourra veritablement estimer bon homme de Cheual. Ie reuiens donc au propos que i auois quitté, des moyens qu'il faut tenir pour commencer vn Cheual; & diray qu'apres auoir consideré toutes les voyes dont on trauaille, soit en Italie ou ailleurs, quenostre methode est la plus briefue & la moins perilleuse, pource que le Caualier met tout son soin à espargner sa peine, & conseruer les jambes de son Cheual. Or le Cheual ne se pouuant gueres dresser, qu'il n'obeysse parfaitement à la main & aux talons, il faut par necessité qu'il se laisse conduire par la bride, qu'ilse range deçà & delà pour les talons, & qu'ilse leue deuant & derriere à la volonté du Caualier. Lors cela estant, ie l'estimeray bien dressé, & doit manier iuste selon la force & vigueur. Mais il faut encores remarquer vne chose tres certaine, & dont ie me suis tousiours bien treuué, qui est de donner les premieres leçons au Cheual, parce qu'il treuue le plus difficile, en recherchant la maniere de luy trauailler la ceruelle plus que les rheins & les jambes, en prenant garde toutefois à ne l'ennuyer si faire se peut, crainte d'estouffer sa gentillesse: Carelle est au Cheual comme la fleur sur les fruits, laquelle ostée ne retourne iamais. Demesme, si la gentillesse est perduë, on ne la peut redonner que difficilementaux Cheuaux de legere taille & pleins de feu, & point du tout aux Cheuaux d'Allemagne; estant vne chose infaillible que celuy qui ne trauaille aucc consideration, il oste la gentillesse à son Cheual, ou le fait tomber dans des vices incorrigibles: Sçachant donc que la plus grande difficulté du Cheual est de tourner pour faire de bonnes voltes terre à terre ; ie commence le Cheualignorant par-là.

Et pour esuiter à toutes sortes de perils, qu'il pourroit faire coure à vn homme que l'on mettroit dessus, sans auoir auparauant jugé de

sonhumeur, il faut le faire sortir auec le filet sans selle; puis apres luy auoir fait mettre va caueçon de cordes ou de fer; mais ceux de cordes sont meilleurs, en ce qu'ils ne rompent iamais & ne desesperent pas le Cheual, auquel il faut plustost donner du plaisir au commencement & à la fin, que non pas de luy faire du mal. Cars'il se peut accommoder sans luy faire mal, c'est le meilleur: Ayant le careçon on troussera la corde gauche à l'entour du col du Cheual, & le Caualier prendra la droite; Puis menera le Cheual à l'entour du pillier, & tenant la corde assez longue & ferme, il luy laissera quelque temps arresté pour luy faire connoistre, le carressant de fois à autre pour l'obliger.

En apres, fera suiure le Cheual par quelqu'vn, qui aura vne gaule ou vne chambriere en la main (laquelle chambriere n'est autre chose qu'vne longue courroye de cuir attachée à vn baston de quatre à cinq pieds de long à la sin) de laquelle il animera le Cheual tout doucement pour faire trotter à l'entour dudit pillier; puis apres luy auoir fait reconnoistre, on le pourra presser vn peu dauantage, pour l'obli-

ger de prendrelegallop, ou se presenter de luymesme à ce qu'il voudra. Si c'est vn Cheual plein de feu & fort vigoureux, il ne le faudra pas presser, ains le laisser accommoder si faire se peut de luy-mesme, sinon qu'il se voulust deffendre de malice; auquel cas ille faut fort presser de la chambriere, de la gaule & de la voix, iusquesà ce qu'il obeysse & qu'il fuye; durant lequel temps le Caualier, qui aura bon iugement, pourra incontinent iuger, sans hazarder vn homme, de quelle nature est le Cheual; en quel temps il fera seur de mettre l'homme dessus, qui sera lors qu'il ira pour la peur & qu'il fuyra; mais il se faut garder d'ennuyer le Cheual, ains deslors qu'il respond à ce que l'on desire ou de trot ou de gallop, il le faut arrester & luy faire force carresses, pour luy donner à connoistre ce quel'on luy demande, & le faire apperceuoir que l'obeyssance & non le long trauail engendre cette carresse.

Il faut noter qu'à ces premiers commencemens, le naturel du Cheual est d'employer le plus souuent toute sa force & son industrie pour se desfendre de l'homme, quand il le peut, comme il luy est tres-aisé, en le trauaillant par

vne autre methode que la nostre.

Apres qu'il aura conneu que c'est du pillier, & que l'on luy aura fait apperceuoir qu'il faut fuïr l'aide de l'homme (ce qui se fait en fort peu de temps.) Il le faut oster delà, & le mener attacher entre deux pilliers plantez à neuf ou dix pieds l'vn de l'autre, les deux cordes esgallement attachées, où s'il y en a vne plus courte, que ce soit plustost la droite, & le Cheual estant au milieu, luy laisser vn peu de temps pour reconnoistre la placeoù il est, & luy faire de fois à autres caresses, pour l'obliger à ne se mettre en colere de se voir là attaché; puis apres le Caualier passera derriere, & luy touchera de la gaule du costé droict en parlant à luy, comme s'il estoit dans l'Escurie pour le faire tourner, estant tourné, il se laissera constderer au Cheual & ne bougera, afin qu'il connoisse qu'il faut qu'il se tourne pour l'amour de luy; Ayant demeuré-là quelque peu, il passera de l'autre costé, luy touchant encores par derriere en parlant à luy, & ainsi le sera obeyr par cinq ou six fois; Et si le Cheual faisoit quelque difficulté d'obeyr & de se tourner à la volonté de l'homme, il luy fera donner de la

chambriere, du costé mesme qu'il refusera; Et encores s'il refuse d'obeyr par cette voye, on peut le détacher & prendre la reinne droite, & en luy tirant la teste à main droite, luy donner de la gaule au flanc; & ainsi malgré qu'il en air, le Cheual fuira la gaule sans trop le trauailler & sans trop le tourmenter. Toutesfois si le Cheual estoit vicieux, & qu'il voulust frapper l'homme du pied de deuant, & se ietter sur luy, il luy faudra mettre des lunettes, & luy faire obevrauec.

Le Caualier remarquera qu'en cette leçon, il aura fait diuers effects: Le premier reconnu, à quoy son Cheual est capable, & de quelle humeur il est, sans hazarder l'homme, luy aura appris à fuir la gaule ou la chambriere à l'entour du pillier; à aller de trot & de gallop, selon qu'il sera pressé; à se chastier luy-mesme, s'il se vouloit transporter hors de-là, plus à temps, mieux à propos, & plus ferme, que celuy que luy pourroit donner vn homme qui seroit dessus, empesche à se tenir, & apprehendant le hazard dudit Cheual fantasque, en ce qu'vn pillier est plus fort que le bras d'vn homme; il aura encores appris à fuir la gaule

de pas, tant deçà que delà. Toutes lesquelles choses ne sefont pas en peu de temps, sans cette methode, par laquelleil se void que les plus grands perils qui se puissent rencontrer dans cét exercice sont esuitez; d'autant que les plus dangereuses leçons pour les hommes & pour les Cheuaux, sont les premiers ausquels illes faut faire venir d'vne extremité à l'autre, qui est de la liberté à l'obeyssance & à la subjection; & encores à l'incommodité de porter la selle, la bride, & l'homme: Desquelles choses toutes sortes de Cheuaux se deffendent ou plus ou moins selon leur nature, leur force & vigueur; Tellement que suiuant ces premiers mouuemens, & les faisant obeyr aux leçons cy-dessus, il n'y a nul doute qu'obeyssant en vn point, ils obeyront à tout, si leur force le permet, & si le Caualier de bon iugement se sçait seruir des occasions.

Ayant conduit le Cheual à ce point, & auparauant que mettre l'homme dessus, ie desire qu'il execute volontairement & auec facilité les leçons cy-dessus, auec la selle & la bride: Ce qu'il peut en peu de temps, pourueu que celuy qui le fera trauailler aye bon esprit, bon iugement,

iugement, & y procede de bonnesorte: Car il arriue quelquefois que faute de ces deux cho-ses bien ajustées, on gaste le plus souuent le Cheual, & met-on l'homme au hazard; ce qu'il faut esuiter de tout son possible. C'est pourquoy ie desire qu'il obeysse aux leçons cydessus selon sa puissance, auec la selle & la bride seulement; & si ie veux que les estriers soient abbatus pour deux raisons: Principalement, pour les Cheuaux sensibles. La premiere, afin que les estriers en battant contre le ventre du Cheual, le fasse apperceuoir qu'il n'en reçoit point de mal, & l'accoustume à souffrir que quelque chose luy touche. L'autre raison est, que cela luy donne occasion de tenir la queuë ferme, plustost que de la remuer: A quoy il est necessaire de prendre bien garde, d'autant que c'est vne des plus desagreable & messeantes actions que le Cheual puisse faire en maniant.

Le moyen & l'action que doit tenir l'homme pour monter sur son Cheual, quand il iuge estre temps.

CHAPITRE XVII.

Plusieurs qui ont appris à monter à Cheual, lesquels peut-estre ne sçauent pas les choses necessaires qu'il faut obseruer auparauant, seront peut-estre bien aise de les remarquer icy. Pour cét effect, i'aduertis le Caualier qu'il ne faut iamais approcher d'vn Cheual sans soupcon. C'est pourquoy celuy qui luy amenera son Cheual pour monter dessus, le doit prendre du costé droit auec la main gauche, & les rennes estant sur le col, le conduire en cette sorte pour deux raisons. La premiere, que le tenant en cette maniere, il oblige tousiours le Cheual à porter la teste à main droite: Et l'autre, qu'il faut que celuy qui tient le Cheual à son Maistre soit tousiours de ce costé pour luy tenir l'estrieux, & empescher que le Cheual gaillard ou vicieux ne donnast de la dent au Caualier, lors qu'il monteroit sur luy.

Le Cheual estant donc tenu en cette sorte, lors que le Caualier en approchera, il prendra gardeque cene soit pas tout droit pardeuant, crainte que le Cheual ou fascheux, ou gaillard, le frappast d'vn ou des deux pieds de deuant. Il nefaut pas aussi que ce soit par derriere, de peur du mesme accident: Il faut que ce soit du costé gauche, vn peu plus deuant que derriere, & vis à vis de l'espaule; où estant, auant que mettre le pied en l'estrieux, le Caualier iettera l'œil sur la bride, pour voir si elle est bien placée dans la bouche, vn peu au dessus des crochets, si la gromette n'est point entorse ou trop lascheoutrop ferme; puis considerera les sangles & le reste du harnois, si le tout est bien: Car puisque la vie despend de ces choses, il est tres-raisonnable d'y regarder de prés ce qui se fait presque en vn moment, quand on y est accoustumé; & lors ayant reconnu tout en bon estat du mesme endroit, proche de l'espaule gauche, le Caualier prendra les deux rennes de la main gauche, & le pommeau de la selle; puis ayant mis le pied en l'estrieux, s'appuyera de la main droite sur l'arson de derriere, & se placera dans la selle; mais s'il est possible, il faut

que le Caualier s'accoustume à faire cette action si legerement, que le Cheual le sente fort peu, & n'en reçoiue ny apprehension ny incommodité; puis ayant bien ajusté les rennes en sa main, il pourra faire ce qu'il luy plaira. Mais auparauant que le Cheual commence à marcher, il faut que le Caualier prenne garde de se mettre en la belle & bonne posture requise pour se faire estimer bel homme de Cheual; qui est qu'estant dans la selle, il se doit laisser tomber dans le fonds, puis ajuster ses estrieux à ce point-là: Car ie n'entends pas que le Caualier soit assis sur l'arson de derriere; mais au contraire, qu'ilse pousse le plus qu'il pourra sur celuy de deuant; d'autant qu'estant assis sur celuy de derriere, il en arriue plusieurs mauuais effects: Le premier, que l'on voit l'homme du tout racourcy & demauuaise posture dans laselle, que la cuisse n'est pas dans sa place; & par consequent, le temps qui prouient d'elle est perdu, d'autant que l'ayde de la cuisse est celle qu'vn Cheual acheué prend le mieux, & qui fait le Caualier plus poly. De plus, il n'est pas si ferme, en ce qu'vn Cheual incommode, quandil manie, fait voir le iour entre les cuis ses; ce qui ne seroit pas, estant bien enfoncé en la selle. Il faut aussi que la jambe soit bien estenduë le plus prés du Cheual que faire se pourra, afin que les aydes en soient plus proches & le chastiment au besoin plus prompt: Que le pied soit bien tourné & le talon bas, le bout du pied proche de l'espaule, regardant lenez du Cheual, le corps droit, l'espaule droite, plus auancée que la gauche, & le contrepoids du corps vn peu plus en arriere; à ce que la charge estant plus sur le derriere que sur les espaules, oblige le Cheual à se mettre plustost sur les hanches, & fasse que le Caualier ne se sente pastant incommodé si son Cheual venoit à se deffendre de lesquine; Estant vne chose, qu'il faut que le Caualier obserue tousiours & à toute heure d'auoir le dos en arriere, soit en arrestant de pas, de trot, de gallop, à toute bride, ou à quelque autre air que ce soit : Le bien qui en arriue est, qu'en faisant de la sorte, l'homme en a bien meilleure grace, & le Cheual'y sent de la commodité, pour mettre plus facilement les hanches basses, à cause des poids que le Caualier met par cette action sur les reins du Cheuali L'inconuenient qui en arrive faisant le contraire

cst, que le Caualier a tres-mauuaise grace d'arrester son Cheual court, & pancher sa teste prés du crain, & son estomach prés du pommeau de la selle: Auquel temps, si le Cheual faisoit quelques tours d'esquine (comme cela arriue souuent aux Cheuaux de force) il incommoderoit sort le Caualier, & luy seroit perdre sa

bonneposture.

Le Caualier estant donc placé en cette sorte, il doit conduire son Cheual au mesme pillier où premierement il luy a donné leçon, sans estre dessus; puis s'estant fait prendre la corde, il se fera suiure par quelqu'vn qui aura vne gaule ou vne chabriere en la main, si tant est que le Cheual en aye debesoin, sinon ille conduira luymesme & taschera à le faire trotter & galopper; & si le Cheual est leger & gentil, & que l'homme l'anime doucement, tant de la voix, de la gaule, quedu gras de la jambe, ayant le contrepoids du corps en bon lieu, & le laissant accommoder sans le presser, sans doute il se presentera à prendre la cadence terre à terre. Que si le Caualier en peut tirer quelque tant soit peu, par surprise ou autrement, il doit arrester & le fort carresser, pour luy faire connoistre ce

qu'il desire de luy. Si aussi le Cheual se dessendoit, il faudroit le faire suiure auec la chambriere; & lors qu'on luy donneroit le coup de chambriere, il seroit besoin que l'homme qui est dessus luy donnast en mesme temps de la gaule & de la voix tout ensemble, pour luy faire iuger que cela vient de celuy qui est dessus. Bref, le Caualier de bon iugement taschera de le faire obeyr plustost par douceur que par force.

Lors qu'il aura obey à l'entour du pillier, il l'ostera delà & le fera attacher, sans descendre entre les deux pilliers dont i'ay cy-deuant parlé; de la mesme sorte que j'ay dite; puis s'il iuge que le Cheualne se doiue ietter ny çàny là, pour luy faire mal, il approchera doucement la gaule sous sa botte droite, & taschera d'obliger le Cheual auec le plus de douceur qu'il pourra de la suyr.

Mais il faut bien prendre garde à le trauailler le plus doucement que l'on pourra, afin de l'accoustumer à souffrir en obeyssant, & à vaincre sa colere, laquelle le saisit plus volontiers, se voyant ne pouvoir eschapper, ny aller auant ny arriere, ny tourner à gauche ny à droit; & où

le Cheual ne voudroit obeyr (ce qui se trouue en fort peu) on pourra le ramener autour du pillier, racoursir la corde du cauesson, & luy tenant la teste proche du pillier, le fera cheminer des hanches tout doucement, auec le manche de la gaule ou celuy de la châbriere: car en cas de resus, il connoistra bien plustost ce que l'on luy demande au premier lieu où il estoit plus libre, que dans cette grande contrainte: Cela fait & ayant obey, il descendra, & apres l'auoir fort carressé, le renuoyera au logis.

Du moyen qu'il faut tenir apres que le Cheual a obey à cette leçon.

CHAPITRE XVIII.

Pres que le Cheual est asseuré de trot & de gallop, & mesme qu'il se presente à prendre la cadence terre à terre, le Caualier luy entretiendra le plus qu'il pourra, & mesmes luy conuiera auec toute sorte de douces ay des, tant de la voix, de la gaule, que du gras des jambes, & l'obligera le plus qu'il luy sera possible, quelquesois par douceur, quelquesois en raffermissant

sant ses aydes, & luy faisant peur, à se mettre

à la mesure qu'il desire, & s'y asseurer.

Que si toutes ses voyes ne le pouuoient obliger à s'accommoder, il faut que cela vienne de deux deffauts: Si le Cheual est leger, qu'il foit desvny naturellement, car s'il est leger & vny, infailliblement les aydes cy-dessus dites le feront presenter à ce que l'on desire, ou bien il faut qu'il soit pesant, & abandonné sur les espaules; auquel cas, s'il est leger & desvny, il sera besoin que le Caualier à l'entour du mesme pillier, tasche de le faire leuer deuant vne fois, ce qu'il pourra faire, s'il est leger; puis apres cheminer deux pas en auant, & leuer encores vne fois, allant cheminant & leuantainsi sans ennuyer le Cheualsi faire se peut, & ayant obey à l'entour du pillier, il le renuoyera, où s'il n'est trop trauaillé, le menera attacher aux mesmes deux pilliers, & luy fera fuir tout dousement le talon, qui sera secouru de la gaule, afin de donner à entendre au Cheual, en approchant la gaule & le talon, enfemble que le talon est la mesme chose que la gaule, à laquelle il a cy-deuant obey.

Ayant contenté le Cavalier, il doit descen-

dre, puis apres luy auoir fait carresses, il doit tout doucement leuer deuant auec la gaule, asin de tascher par cette voye douce à le faire leuer; s'il resuse, il y aura derriere vn homme auce la chambriere en la main, de laquelle il luy donnera, & apres luy en auoir donné, celuy qui l'ayde leuera encores deuant auec la gaule, & ainsi faisant, le Cheual ne manquera pas de se leuer deuant, & lors qu'il aura obey à cela, il le faudra enuoyer, & le lendemain luy faire encores la mesme leçon, iusques à ce qu'il obeisse, & qu'il se leue facilement deuant.

Lors que l'on verra qu'il respondra facilement deuant, il saudra doucement toucher de la gaule derriere, pour l'obliger deruer, ou à tout le moins de leuer le derriere, & lors qu'il fera cela sans personne dessus, il luy saudra accoustumer à faire la mesme chose sous l'homme; & y estant accoustumé, pour peu qu'il soit, soustenu de la main, & que l'on luy monstre la gaule derriere, il pourra par ce moyen peu à peu s'vnir, & vsant souvent de cette leçon, il s'accommodera, ou terre à terre, ou à courbette, ou à balotade, ou à capriolles, qui est tout yn, pour ueu que le Cheual prenne yne

cadence; cars'il est d'vne si gaillarde humeur, qu'il se vueille leuer ou à balotades ou à capriolles, & que pourtant on connoisse sa force n'estre suffisante pour y fournir, il ne le faut toutesfois pas chastier de cela, ains au contraire l'entretenir en cette humeur, d'autant qu'il en reuffira de bons effects, en ce que cela luy donnera de l'appuy en la main, le rendra tousjours plus leger & en haleine, & l'empeschera de se desfendre d'autres malices, en luy faisant prendre plaisir d'employer sa force, car puis apres s'il se ressent n'auoir les reins assez bons pour continuer cette premiere boutade, il se rabaissera bien de luy-mesme, soit à courbette. soit terreàterre, desquels airs il ira bien plus legerement qu'il n'eust fait, si on luy eust voulu restraindre, & le forcer en le chastiant de ses gayetez; car c'est vne maxime infaillible, que pour qu'vn Cheual manie de bonne grace, il faut l'obliger de prendre son air luy-mesme, & non le forcer de ce faire, mais bien le faut-il contraindre de l'entretenir lors qu'il l'a pris, si tant est qu'il s'en voulust deffendre.

Voila donc le moyen d'vnir vn Cheual naturellement desvny, la methode de luy faire

prendre le bransle & le commencement de le mettre sur les hanches, & s'il est abandonné sur les espaules (comme l'ay dit cy-deuant) cette mesme leçon fera vn bon essect.

Pour commencer à mettre vn Cheual dans la main.

CHAPITRE XIX.

Omme vous aurez reconnu que moyennant les leçons cy-dessus, vostre Cheual
vous obey pour aller en auant, pour arrester,
pour aller en arrière de pas, pour suyr la gaule
& le talon de pas, & qu'auec tout cela il se leue
deuant & se presente sur les hanches, il saut
encores luy continuer quelques iours la mesme
leçon, pour tousiours l'asseurer dauantage à la
cadence qu'il aura prise, & en luy continuant,
il se faut tout doucement seruir de la main, soit
en la tournant, soit en la retenant, que le Cheual la sente, que le Caualier connoisse qu'il s'y
appuye, & qu'il s'y laisse conduire, & quand il
sent qu'il endure la main & qu'il s'y laisse memer, alors il doit prendre la corde du caueçon,

& s'en aller le long d'vne muraille; S'il peut en trouuer vne, & si à ladite muraille il s'y rencontre deux encoigneures à douze ou quinze pas l'une de l'autre, il tournera au dedans de la muraille, d'vn costéà main droicte, & de l'autre à main gauche, de pas: Premierement, en se seruant du caueçon ou de la renne droite tout doucement, à ce que le Cheual aye toussours la teste à main droite, puis apres de trot & peu à peu l'animant, il taschera dele faire accommoder au galop & de luy faire prendre les demies voltes de costé & d'autre, de la mesme cadence qu'il a dessa prise à l'entour du pillier, & s'il ne vouloit obeyr, & qu'il se deffendist de la main, il faut promptement faire reprendre la corde à l'entour du pillier & à la main qui ne veut obeir le pousser determinement, & luy donner des deux talons ou de celuy sur lequel il se iette, & se seruir fort de la main, & ainsi continuant cette leçon, le Cheual peu à peu s'accommodera, sans donner peine au Caualier, & endurera la main, se laissant conduire deçà & delà à la volonté de l'homme; & alors qu'il aura obey, s'il vous a fort contenté, le faudra renuoyer au logis, sinon le promener de

46 LA PRATIQUE DV CAVALIER;

pasà vne main & à l'autre, se seruant fort de la main, & le faisant aller de costé à vne main, & à l'autre, pour luy apprendre l'obeyssance du talon, principalement du droict; d'autant que naturellement les Cheuaux se iettent plus sur le droict que sur legauche, & lors qu'il aura obey de pas à la main & au talon, il le faut attacher entre les deux pilliers cy-dessus nommez, & luy faire encores fuyr tout doucement les talons, le retenant & sentant tousiours dans la main, sans le laisser abandoner sur les cordes du cauesson; puis s'aneruant dans la selle & se targant sur les estrieux en prenant le bout des rennes, le leuer deuant & tascher de luy faire faire des courbettes, en le sentant dans la main tousiours comme i'ay dit; & s'il n'accompagne, il faut luy ayder tout doucement derriere de la gaule & faire cetteleçon, iusques à ce que le Caualier sente tous les temps dans sa main.

Seconde Leçon pour tousiours auancer le Cheual, pour le mettre dans la main.

CHAPITRE XX.

Omme le Caualier sentira que son Che-ual se laisse conduire à l'entour du pillier, & qu'il se delibere terre à terre, seresoluant à cette cadence, & qu'entre les deux pilliers il fait quelque courbette dans sa main, ou sans aydede la gaule, ou auec l'ayde de derriere; il doit le leuer à l'entour du pillier de l'air qu'il se presente, en le sentant tousiours dans la main, luy faire faire la quantité de courbettes qu'il iugera à propos, continuant & reiterant cela par plusieurs reprises, puis l'attacher encores entre les deux pilliers, & les cordes estant vn peu lasches luy faire obeyr aux talons de pas, & apres le leuer, en le sentant tousiours, le descendre & l'enuoyer, & ainsi continuer cette leçon iusques à ce que le Cheual soit asseuré de sa cadence, & le Caualier le sente dans sa main.

Comme il faut mettre vn. Cheual dans le talon.

CHAPITRE XXI.

Ors que le Cheualest asseuré de sa cadence, qu'il se laisse conduire & retenir, il faut encores pour le rendre capable de quelque chose de meilleur, qu'il obeysse au talon, aussi bien qu'à la main, qu'il sousser le chastiment sans colere & qu'il endure les aydes, pour le pouuoir conduire tant des épaules que des hanches, à la discretion du Caualier, d'autant que s'il n'enduroit l'ayde du talon à tous les coups, les hanches demeureroient en arrière, sans moyen de les pouuoir faire cheminer à la fantaisse de l'homme, pource que c'est le talon qui conduit les hanches, & la main les espaules.

Pour donc commencer à faire souffrir le Cheual, estant comme j'ay dit, bien asseuré de sa cadence, il le faut mettre tousiours au commencement de sa leçon, au pillier seul, & le faire aller sur les voltes de son air, & lors qu'il est entrain, tascher tout doucement à le pinser

le plus delicatement que faire se pourra, ou d'vn talon ou de l'autre, selon le besoin ou de tous les deux ensemble, vn temps ou deux sculement : S'il le souffre, faut l'arrester & luy faire carresse; s'il ne le souffre, arrester cette ayde & acheuer la volte sans luy toucher, de peur du desordre, puis l'attacher entre les deux pilliers, les cordes vn peu courtes, & en le leuant le pinser tout doucement, & s'il se detraque desa mesure, faisant desordre, le redresser tout doucement derriere auec la gaule, & en luy aydant, que celuy qui est dessus le pinse delicatement, afin qu'il remarque qu'il faut qu'il responde à l'ayde du talon, comme à celle de la gaule : & hile Cavalier quiest dessus Cheval &ccluy quiluy ay dera de la gaule derriere s'entendent, ils auront bien-tost accoustumé le Cheual, soit par surprise, soit autrement, prendre l'ayde du talon, comme celuy de la coff, a courbettes, & luyen faire fair slugg ou deux, puis acheuer le pas & le carresser fort, afin de lay faire connoistre que ce qu'il a fait pasyn long-temps de pas, il-faut qu'il le faile deson air: C'est dequoy le Cheual s'apperceura bien-cost, sile Caualier enrend bren

Seconde Leçon pour mettre un Cheual dans le talon.

CHAPITRE XXII.

E Cheual s'estant apperceu de cette ay de, la souffrant & y respondant, il luy faudra continuer quelques iours auant que luy demander autre chose, le faisant à la fin de sa leçon fuyr les talons entre les deux pilliers, de pas, deçà & delà, puis en vne place le leuer, le sentant dans la main & dans les deux talons esgalement; ce que le Cheual sçachant, il faut apres l'auoir fait aller sur les voltes à l'entour du pillier, pour tousiours l'asseurer en son air (s'il ne l'estoit assez) le remettre entre les deux pilliers & là, apres l'auoir fait aller de costé, deçà & delà, commencer du talon droit à l'ayder de costé, à courbettes, & luy en faire faire vne ou deux, puis acheuer le pas & le carresser fort, afin de luy faire connoistre que ce qu'il a fait par vn long-temps de pas, il faut qu'il le fasse de son air: C'est dequoy le Cheual s'apperceura bien-tost, sile Caualier entend bien prendre son temps, & lors que le Cheual se sera apperceu de cela, on luy en pourra faire faire dauantage: Tellement que peu à peu continuant cette leçon en peu de jours, les hanches du Cheual chemineront de costé, reprenant deçà & delà par l'ayde du talon, & les espaules demeureront en vne place, le Caualier tenant la main ferme & y sentant tous les temps.

Pour mettre vn Cheual dans la main & dans le talon tout ensemble.

CHAPITRE XXIII

E Caualier ressentant son Cheual dans la main & y remarquant tous les temps de ses courbettes & dans ses talons, les prenant pour aller en auant ou pour aller deçà & delà, ainsi qu'il approche ou l'vn ou l'autre: llest de besoin qu'il fasse en sorte que son Cheual soit dans sa main & dans ses talons tout ensemble; ce qu'il peut faire en cette sorte.

Qui est qu'apres auoir fait aller son Cheual sur les voltes, il faut qu'il mette la teste contre le pillier où il l'aura fait aller, & qu'il le fasse

G ij

52 LA PRATIQUE DVICAVALTER,

aller de costé, des espaules & des hanches tout ensemble, faifant toutesfois scheminer lessel paules vn peu deuant, à ce que le Cheualy treul ue plus de facilité pour le commencement, puis apres luy auoir fait reconnoistre de pas, le les uer de son air & l'aider des deux talons, pour le porter en auant plus forte de celuy duquel on le chasse pour le faire obeyr; se au oir est, le sou! stenir seulement de celuy opposite, que l'on le chasse & le pinser, ou presser fort le gras de la jambe de celuy que vous voulez qu'il fuye, & ainsi continuant tant d'yn talon que de l'autre, faisant tousiours cheminer la main, sans doute en peu de iours il sera dans la main & dans les talons; mais il faut pourtant en luy donnant ces leçons-là, l'attacher quelquefois entre les deux pilliers, auant que de le descendre, pour tousjours l'entretenir en plus grande obeyssance, & quelquesfois le descendre apres l'auoir fait aller sous le bouton en vne place, pour luy continuer facadence. anolas zol ango 13 ag an a same

Mais le Caualier iudicieux considerera soigneusement d'espargner le plus qu'il pourra la rigueur des esperons, se seruant de la vigueur des jambes, des cuisses, des contrepoids du

corps, de l'ayde de la gaule, voire du corps, afin d'espargner le ventre du Cheual & la bou-che, & ne les endureir ny Fyn ny l'autre, car si les Cheuaux ne manioient philauttes ay des que par les coups d'esperons & par la force de la main, lie quitter dis l'exercice de la readualerie, n'y ayahe nub plaisir de faire quanter on Oheual par la seule force des esperons & par la rudesse de la main parce que la mais l'homme n'aura bonne grace tant qu'il sera contraint de battle fon Cheual; & iamais le Cheual ne sera plaid fant à regarder en son manege, s'il ne prend plaisir à toutes les actions qu'il fera: C'est pourquoy il se faut servir de la gaule selon qu'on le juge à propos, pour donner connoissance au Cheual des talons, en ce que le mouvement du bras & la veue que le Cheual à d'elle, l'oblige à obeyrplustost pour la peur qu'autrement, joint qu'à toutes les fois qu'il faut qu'il l'a sente estant à l'endroit du talon, cela le prepartapres à les souffrires en livre ground et le le control en la control de, & qu'ils n'auoient pas la delicatette ny l'inuction defaire faire aux Cheuaux, ce qu'ils font aujouid Duy; blasphemant apres contre Monsieur de la Brouë (yn des premiers hommes,

Contre ceux qui blasment l'vsage des Pillers. CHAPITRE XXIV.

Plusieurs sortes de gens se messent de cen-surer beaucoup de choses, desquelles si on leur demandoit en conscience les raisons, ils n'en pourroient dire aucune valable, mais ils allegueroient l'ordinaire, qui est que deuant les ignorans il n'est que de trouuer à redire sur tout, afin de faire estimer qu'ils feroient beaucoup mieux s'ils vouloient en prendre la peine, & principalement en l'exercice dont ie parle, ou chacun pense en sçauoir sa prouision, ou pour le moins le veut faire croire : car il me semble que ie ne voy autre chose que discourir des moyens qu'il faut tenir pour dresser les Cheuaux, blasmer les opinions de tous ces bons peres qui ont trauaillé deuant nous, difant qu'ils estoient trop grossiers en leur methode, & qu'ils n'auoient pas la delicatesse ny l'inuétion de faire faire aux Cheuaux, ce qu'ils font aujourd'huy, blasphemant apres contre Monsieur de la Brouë (vn des premiers hommes,

certes qui ait regné de son temps.) l'accusant d'estre trop long & trop exact à la recherche de toutes ces iustesses, & non contents de tout cela, fulminent encores plus aigrement contre Monsieur du Pluuinel, & contre ceux qui suiuent sa doctrine, disant que tout nostre moyen n'est que les pilliers, & que ce sont des estrapades qui gastent autant de Cheuaux que l'ony en met; que hors delà ils ne font chose du monde, & qu'il faut toussours porter des pilliers auec nous & des lieux reserrez pour faire manier nos Cheuaux, autrement nous ne pourrons faire rien de bon, n'ayant nulle autre inuention que celle-là; Mais il est tres-certain que ceux qui chantent ce langagene sont pas les plus sçauants; car s'il leur plaisoit de mettre le cul sur la selle, ils feroient iuger à ceux qui croyent vne partie de leurs dires (bien que peu entendus en la science) le peu de raison qu'ils ont de parler & leur peu de iugement, en ce que l'on les verroit si mal placez dans la selle & taster vn Cheual de si mauuaise grace, que l'on ne rechercheroit autre tesmoignage de leur insuffisance; Mais pource que ie voy plusieurs galands hommes se laisser per-

16 LA BRATIQUEIDU CAVALIER,

suader aux charlatanneries de ces discoureurs, quin'estallent leurs paroles à autre fin que pour attirerà eux ceux qui s'y voudront laisser aller, les repaissant de grande quantité de langage & de peu d'effect, disant qu'il paroist bien que ceux qui suiuent nostre chemin ne sçauent ce qu'ils font, veu que pas vn n'en a encores rendu raison: mais les pauures gens ne considerent pas que toutes les sciences & les arts qui consistent en action, la meilleure raison qu'on en puisse donner est la demonstration, & faire voir l'effect de ce qu'eux ne sont que babiller; Toutefois pour montrer qu'ils n'entendent pas se qu'ils disent, ny quelquefois gequ'ils sont; que nous sçauons aussi bien les methodes qu'ils suiuent comme eux, si nous en voulons vser, & qu'estans hommes raisonnables, ayant la connoissance du wray & du faux, nature nous enseigne à choisirtousiours le meilleur: Ie leur veux faire voir au moins de paroles qu'il me fera possible, que nous scauons bien rendre raison de ce que nous faisons, quandil nous vient àgré, & faire remarquer à tous que c'est vne imprudence bien grande & vne ignorance par faite, de blasmer ce que l'on n'entend pas, you Neantmoins

Neantmoins ie ne laisseray pas de dire qu'il n'y a rien de si certain que les Cheuaux, qui sont bien obeyssans aux pilliers & aux leçons precedentes, le sont encores dauantage hors de cette sugession, & manient plus gayement hors des pilliers, chose qui se croiroit peu facilement, qui ne l'auroit pratiqué: Mais aussi il est tres necessaire de se bien seruir de cette methode, autrement il y auroit peril; qu'au lieu de rendre le Cheual au point où on le desire, que le contraire n'arrivast, faute de l'intelligence parfaite, requise en l'execution des precedentes leçons: C'est pourquoy ie conseille charitablement ceux qui ignorent l'vsage de nos moyens, de les apprendre, ou de ne s'en seruir pas, crainte de tomber en mille accidens inéuitables, ou l'ignorance de nostre pratique les pourroit conduire.

The man and the second state of

- e

Les facilitez que le Caualier & le Cheual retirent de l'vsage des Pilliers.

CHAPITRE XXV.

PAR les leçons que i'ay cy-deuant don-nées, le Caualier de bon jugement à peu connoistre le profit qu'il retire de cét vsage; mais pour plus facilement le donner à entendre, ie dis que toutes sortes de Cheuaux se peuuent metre au pillier sans hazard, & qu'en tous il en peut reussir de bons effects, le colere impatient & plein de meschanceté, le leger, gentil & de bonne nature, le lasche & paresseux, le pesant & malicieux, le desesperé de bouche; Bref, iln'y en a point qui n'y reussile, pourueu que le Caualier soit sage & discret, & qu'il trauaille auec jugement & patience, ayant tout son soin de faire connoistre au Cheual ce qu'il veut de luy, & sur tout faire qu'il luy obeysse, ou defaçon ou d'autre; car c'est vne maxime infaillible, que si le Cheual obeyt à l'homme à vn point, il obeyra en tout, si la force luy permet, & si le Caualier de bon jugement se sçait seruir des occasions.

Du colere impatient & meschant tout ensemble.

CHAPITRE XXVI

CI vn Cheual de cette humeur, qui presque ne veut souffrir l'homme sur luy qu'auec impatience extréme, point endurer la bride ny caueçon, encores moins la gaule & les talons: Il n'y a personne qui me puisse faire croire, que mettant vn homme dessus à la campagne, ou dans vn lieu fermé de murailles, pour le trotter & galopper, qu'il ne luy fasse courre fortune de se blesser, pource que le Cheual ne sçachant aller ny auant ny arriere, si l'homme qui est dessus luy veut obliger de la voix, de la gaule ou des talons: Il est à craindre qu'en faisant quelque coup de desespere il ne tombe ou se renuerse, comme il s'en voit bien quelques vns de cette humeur; & quand il ne prendra cesextrémes meschancetez, il se pourra neantmoins deffendre de mille tours d'esquine, & de contre-temps, se jettant deçà & delà pour incommoder son homme, qui en effet aura pres-H ij

60 LA PRATIQUE DV CAVALIER,

queassez de peine pour se tenir, & par consequent ne le pouuant chastier si bien qu'il le desireroit, estant empesché ailleurs, & le Cheual sentant que le chastiment que l'on luy donnen'est pas iustement au temps desa faute, & que nonobstant iceluy il ne laisse pas de se transporter vne partie où il veut, n'estant retenu que de la main de l'homme, qui n'est pas assez fort pour cela: Il n'y a nul doute que si c'est vn Cheual vigoureux & malicieux, le Caualier aura beau aller de pas, trotter, 'galopper & exercer sa patience à endurer toutes les vilanies de son Cheual; premierement, que de l'obliger de se laisser conduire à luy & à souffrir la main & le talon, & se trouuera Cheual de cette nature, qu'auant que d'en venir-là par cettevoye, il aura estropié plusieurs hommes, & luy-mesme pourra auoir les jambes ruinées du long trauail qu'il luy aura conuenu faire sousseir pour le rendre à cepoint : On me dira que si ie mets vn tel Cheualau pillier, que se voyant pris de court & resserré, il se desesperera & se pourra doner quelques tours de reins; mais comme j'ay dit cy-deuant, le sage Caualier, consideratifen ce qu'il fait, donnera bien ordre que cela n'arriue pas, & esquiuera luymesme tous les hazards que j'ay fait iuger par l'autre voye, en ce qu'il est tout certain que iamais vn Cheual tout seul n'estant trop pressé de

personne, ne se fait mal luy-mesme.

Estant donc mis au pillier tout seul, sans homme dessus, comme j'ay cy-deuant dit, & estant doucement animé de la gaule, pour l'obliger de cheminer au pas, au trot, ou au gallop, comme il se presentera à main droite; premierement, s'il luy prend quelque meschanceté, il le faut laisser faire & le tenir ferme, sans luy donner en ce temps-là de fougues ny le presser, pource que sa malice s'executera' volontiers en auant, qui est ce que l'on cherche, & si elle tend afin de s'eschapper de-là, il prend luymesine à propos & ferme le chastiment que l'homme ne sçauroit pas luy donner; Ainsi ne le pressant pas, & se gouvernant avec prudence, on peut connoistre éuidemment que l'vsage du pillier ne ruine pas les Cheuaux, pourueu que celuy qui en vse l'entende; car les plus dangereuses leçons pour eux & pour les hommes sont les premieres, pource que lors qu'ils les connoissent ils s'y laissent conduire bien plus fa-

62 LA PRATIQUE DV CAVALIER,

cilement qu'ailleurs, en ce qu'ils s'apperçoiuent que là ils sont iustement chastiez de leurs fautes, au temps qu'ils les commettent.

Du leger, gentil, es de bonne nature. CHAPITRE XXVII.

L'interes danger, & la raison y est toute naturelle, car si vn bigearre malicieux & plein de seu s'y reduit auec la consideration requise à l'homme, il se peut croire que le gentil & de bonne nature y estant mis auec toutes les douceurs requises pour peu de chastiment qu'il se donne luy-mesme, il s'en apperceura bientost, d'autant qu'il ne s'enyure pas de colere comme l'autre, & lors qu'il s'en apperçoit & qu'il commence à se laisser conduire, on peut executer les leçons que j'ay cy-deuant dites auec iugement selon le besoin.

. Du lasche es paresseux. CHAPITRE XXVIII.

S'Il s'en trouue quelqu'vn qui soit lasche & paresseux, il s'y peut aussi mettre sans hazard, bien que son naturel fust plus propre au carrosse qu'au manege, mais pourtant il s'en treuue quelquefois de paresseux que l'on pourroit galoper long temps & se rompre les bras du caueçon & de la bride, se trauaillant le corps à tirer perpetuellement auant que de les pouuoir resueiller; mais les Cheuaux de cette nature estant mis à l'entour du pillier & suiuis auec vn ou deux hommes la chambriere en la main, l'apprehension qu'ils ont de se voir retenus & de ceux qui les suiuent, les obligent à se deliberer & s'accoustumer de faire auec action ce qu'ils ne faisoient auparauant qu'auec paresse & lascheté; & ainsi leur en donnant peu & souvent, on les accoustume à prendre cette cadence, & les fait-on quelquesfois paroistre plus qu'ils ne sont; car il est tres certain, & est vne maxime generalle, qu'il faut

64 LAPRATIQUE DV CAVALIER,

que tous les Cheuaux ne vont que par coustume: Téllement que c'est s'industrie du Caualier de leuren donner de bonnes, & n'y a point de plus asseuré moyen que de leur en donnes peu & souuent.

Du pesant & malicieux.

CHAPITRE XXIX.

E Cheual de cette nature s'y peut mettre Jaussi, & luy donner la mesme leçon qu'au precedeut, sinon que le connoissant malicieux, il faut que le Caualier tasche premierement de l'alegerir que de le presser, d'autant que si auparauant d'estre alegery on le pressoit, il ne manqueroit pas de se deffendre de sa malice, laquelle n'estant pas secondée deforce ny de legereté, il y auroit hazard que le Cheual estant attaché à terre à cause de sa pesanteur, cela l'obligeast, voyant que de sa force il ne se pouuoit desfendre, de se ietter contre terre, ou tascher de faire quelques essans, n'estant assisté de force ny de legereté, tomber ou se renuerser, & quelquefois se coucher, pour se deffaire de son homme.

A ces Cheuaux-là ie serois d'auis que doucement on leur fist connoistre le pillier de pas, de trot, ou degallop en main, & sous l'homme tout doucement, sans les presser, leur faire entendre la gaule entre les deux pilliers, puis les leuer deuant à l'entour dudit pillier & entre les deux (comme j'ay dit cy-deuant) pour les allegerir le plus que faire se pourra, auant que de les presser, & lors que l'on les iugera le deuant à commandement, on les pourra animer vn peu & les presser dauantage, d'autant que s'ils ont de la meschanceté à faire paroistre, ils se deffendront en leuant le deuant, qui vaut beaucoup mieux que d'estre attachez à terre; car se deffendant par cette voye, ils ne sont pas si coustumiers à se ietter contre terre pour se deffendre del'homme; mais ayant le deuant à commandement & estant pressez asprement de la chambriere, lors qu'ils se deffendent, ils seporteront plus facilement en auant, y estant comme obligez, ayant le deuant en l'air.

an Special of the many of the paper of

Du desesperé de bouche. CHAPITRE XXX.

TL se rencontre aussi des Cheuaux, ou de nature ou par accident, qui sont desesperez de la bouche & ne peuuent souffrir en aucune maniere que le Caualier se serue de la bride pour les conduire: Ceux-là, ie desire aussi qu'ils soient mis au pillier pour des raisons, dont la premiere est, que vous ne pouuez conduire vn Cheual que de la main. Or est-il, que s'il se deffend contreelle, & qu'il ne l'a veuille souffrir, il y a bien peu de moyen que le Caualier le puisse mener à la campagne, sans estre en danger de se faire mal, bien que la pluspart les endorment au petit gallop peu à peupar le droict & auec longueur de temps, leur font prendre quelque peu d'appuy; mais aussi ce n'est pas sans trauailler le Cheual dauantage, & sans quelquesfois se mettre au hazard de se blesser; deux choses que ie desire esquiuer le plus qu'il me sera possible, & que ie souhaitte, que ceux qui suiuent nostre methode, & qui ayment l'exercice se

gardent; car tout exercice du corps se fait pour le plaisir ou pour l'vtil, ou pour tous les deux ensemble, comme cettuy-cy: Si c'est pour le plaisir, il n'y en a point à se faire mal; si c'est pour l'vtil, la sin de l'art est de mettre vn Cheual au point de pouuoir rendre du seruice à son maistre: Il faut donc l'espargner le plus que l'on peut & luy conseruer les jambes & les reins pour s'en seruir au besoin, & en prendre plaisir

quand l'occasion s'offre.

Tel Cheual se doit donc mettre au pillier premierement (comme j'ay dit cy-dessus) pour luy apprendre à le connoistre & obeyr doucement à l'ayde que l'homme luy sera de sa gaule; puis quand il pourra monter dessus, tascher doucement à l'entour dudit pillier à le sentir dans la main, soit au pas, trot, ou gallop, sans presser le Cheual en aucune sorte; & ainsi il pourra plustost prendre connoissance de la bride, pour le moins, pour se laisser conduire sans faire mal à l'homme, & lors que l'on iugera le pouuoir mener par tout, au pas, trot, ou gallog, sans danger: Ie veux bien que tel Cheual se mene au petit gallop, à la campagne, & que l'on l'arreste souvent, quelquesois le poussant &

68 LA PRATIQUE DV CAVALIER,

l'arrestant doucement; puis sur la fin de sa leçon, auant que de le descendre, l'attacher entre les deux pilliers pour le faire suyr la gaule & les talons deçà & delà, comme j'ay souuent dit, & le tenir en obeyssance, ne luy demandant que cela iusques à ce que la teste soit asseurée, & qu'il aye de l'appuy à la main, sinon quelques ois commencer la leçon à l'entour du pillier, pour tascher sans le presser à luy faire prendre la cadence, puis l'oster hors de là & le galoper comme dessus, & sur la fin entre les deux pilliers.

Voila comme quelquesfois le trot & le galop à la campagne n'est pas mauuais: Mais premierement, il faut que le Cheual se laisse conduire à l'homme, pour esuiter aux accidents &

au long trauail.

Apres toutes lesquelles choses executées sur tous Cheuaux de diuerses natures, le Caualier s'y gouvernant selon ce qu'il iugera de leur humeur, il pourra continuer les leçons, suivant ce que j'ay dit cy-dessus, lesquelles faisant de la sorte, il rendra son Cheual prest d'adjuster en peu de temps & dans la main & dans les talons, comme j'ay cy-deuant fait remarquer.

Et comme c'est l'esprit du Cheual qu'il faut le

plus trauailler, il faut aussi que l'esprit du Caualier soit en perpetuel trauail pour espier toutes sortes d'occasions, asin de paruenir à ce qu'il desire, sans laisser passer aucun mouuement, ny aucun temps qu'il ne prenné.

Ie croy auoir assez parlé contre ceux qui n'approuuent l'vsage des pilliers, monstré comme la facilité y est bien plus grande pour les Cheuaux, le trauail moins penible, tant pour eux que pour les hommes, & le hazard presque du tout hors pour le Caualier; & si cette raison n'est suffisante pour leur faite croire cette verité qu'ils viennent voir trauailler & faire trauailler Monsieur de Pluuinel, il leur fera connoistre que ce sont des enfans de douze, quatorze & quinze ans les plus vieux, qui dressent ces Cheuaux, & des meilleures maisons de France, la vie desquels luy est trop chere pour la hazarder.

Il se void donc clairement par cét exemple, qu'il y a plus de facilité & de promptitude pour les hommes & pour les Cheuaux, suivant nostrepiste; Car qui auroit mis vn enfant sur vn Cheual de l'humeur dont j'ay parlé cy-deuant, pour le galoper à la campagne, vous pouvez penser qu'il n'en auroit pas la raison, & que

I iij

70 LA PRATIQUE DV CAVALIER,

& cependant tous les iours ils montent les plus fascheux & sont reüssis les leçons qu'ils executent dessus, de telle sorte, que la fin est telle que nous la desirons; Dechercher d'autres preuues plus sussissantes, ie ne m'en mettray point en peine; car ce que i'en fais est plus pour esgayer monesprit & soustenir la verité, la faisant voir toute apparente à vn chacun, que pour autre chose, qui fera que j'en demeureray à ce terme, pour reprendre le lieu où ie m'estois arresté.

Les raisons pourquoy il est besoin que l'homme soit intelligent en la science, auant que de le faire monter sur un Cheual ignorant.

CHAPTRE XXXI.

Vant que passer outre, ie diray qu'il est tres dissicile de dresser vn Cheual de grande sorce & plein de seu, si l'homme qui montera dessus est ignorant, quoy que celuy qui le regardera trauailler soit tres-sçauat en la science; & pour en faire voir la raison, c'est que la science de la Caualerie n'ayant pas esté au com-

mencement en la perfection qu'elle est, il estoit fort aisé aux hommes de mener leurs Cheuaux, parce que nos premiers Peres ne s'en servoient qu'à aller au pas, au trot, & à courir sans selle & sans bride, autre que quelques cordons ou filets dans la bouche, comme encores font presque toutes les Nations barbares: En apres ceux qui ont vn peu passé plus outre les ont fait tourner de toute leur force fort large, sans observer aucune iustesse à eux ny à leurs Cheuaux; mais depuis ces derniers siecles, que nous auons trouué l'inuention d'ajuster vne selle & vne bride au Cheual, pour donner belle & bonne tenuë au Caualier, & bonne posture au Cheual, l'obligeant d'obeyràl'homme, au pas, au trot, au gallop, terre à terre, à courbettes, balotades, groupades, capriolles, & vn pas & vn sault, soit en auant & en arriere, de costé, en vne place & sur les voltes, faisant toutes ses actions à tous les temps qu'il plaist au Caualier, endurant & souffrant les aydes & les chastimens, non sans inquietude, ny sans tesmoigner leur ressentiment; mais sans colere & sans desordre, j'ay creu que pour abreger il estoit aucunement necessaire de commencer à dresser

72 LA PRATIQUE DV CAVALIER,

l'homme & luy faire sentir tous les mouuemens du Cheual, au pas, au trot, au gallop, à coure à toutes sortes d'airs, à la justesse & bon appuy de la main, les temps & la delicatesse des aydes, comme quoy il en faut vser, & quand il est besoin se seruir des chastimens, ayant estimé que le moyen de paruenir à toutes ces choses auecla fermeté & la bonne posture que ie desire au Caualier, estoit de le mettre premierement sur vn Cheual dressé, pour luy donner parfaite connoissance de ce que ie viens de dire; afin qu'apres qu'ille sçaura, il puisse plus facilement juger le bien & le mal que le Cheual ignorant, executera sous luy pour le carresser du bien & le chastier du mal : ce que difficilement il pourroit faire par autre voye, car le Cheual ignorant faisant quelque desordre par colere ou autrement, metroit fort souvent l'homme peu sçauant, qui seroit dessus, au hazard de se blesser, ou à tout le moins en l'incommodant prendroit de tres-mauuaises habitudes: Voilapourquoy il faut commencer à dresser l'homme le premier, tant pour éuiter aux perils qu'ils pouroit encourir, le mettant d'abord sur vn jeune Cheual, que pour empescher les mauuaises leçons

leçons que le Cheual receuroit sous luy; car c'est vne maxime generale, qu'il ne faut iamais s'ilest possible aux exercices de plaisir, hazarder la vie des hommes, ny leur laisser prendre de mauuaises habitudes: C'est pourquoy en celuy qu'il s'agist, il est presque impossible d'empescher que l'homme & le cheual tous deux ensemble, s'ils sont ignorans, ne retiennent de mauuaises coustumes, & que l'homme souuent ne soit en peril, nonobstant sa longue habitude jointe au bon iugement de celuy qui le regardera trauailler.

Qu'il se peut quelque sois mettre un homme ignorant sur vn ieune Cheual non dressé.

CHAPITRE XXXII

Voy que j'aye dit cy-dessus, ie n'ay pas fait quelquessois dissiculté de mettre de jeunes personnes de quatorze ou quinze ans fur de jeunes Cheuaux tres-fascheux & non dressez, encores qu'il soit bien vray que les plus sçauans escoliers n'y sont pas trop bons, pour parfaitement venir à la fin de ce que ie desire,

74 LA PRATIQUE DV CAVALIER,

au moins ie ne l'ay pas fait sans consideration & sans qu'il en soit arrivé du peril à l'homme & au Cheual; mais pourtant cela ne se doit entreprendre sans avoir parfaite connoissance de l'yn & de l'autre, & sans sçauoir ce que l'homme peut souffrir sans incommodité, & preuoir ce que le Cheual doit faire, asin que si c'est plus que la portée du Caualier, esuiter par les moyens de cette connoissance les accidens qui en peuvent auenir.

Comme l'experimenté Caualier peut connoistre la portée de l'homme & du Cheual, & par ce moyen éuiter les accidens qui peuvent arriuer faute de cette connoissance.

CHAPITRE XXXIII.

A longue experience m'a fait observer, que pour bien connoistre la portée & le naturel d'vn ieune Escolier, il faut le regarder pour en juger quelque chose par sa phissonomie, le faire parler pour voir quel est son esprit, & le mettre sur vn Cheual duquel on soit asseuré, pour reconnoistre sa force & sa fermeté

naturelle: De mesme, il faut regarder le Cheualfixement dans les yeux, pour iuger de son naturel & de son inclination, le faisant remuer doueement, vigoureusement, & mesme rudement, pour sonder sa force, sa colere s'il en a, de quelle sorte il l'exerce, quelles sont ses deffenses, les actions qu'il fait auparauant d'entrer en colere, celle qu'il fait durat qu'elle dure, & celle qu'il demonstre quand il reuient à soy, afin qu'ayant connoissance de ces choses, il puisse aparier l'homme & le Cheual, de sorte qu'il n'en puisse reussir que du bien; estant à remarquer que pour atteindre à cette perfection, il convient que celuy qui enseigne & qui veut pratiquer cette methode aye vne grande patience & vne grande resolution.

Que la patience & la resolution sont les choses les plus necessaires en cét exercice.

CHAPITRE XXXIV.

IL faut que le Caualier qui a atteint la perfection de la science dont ie parle soit patient & resolu; car autrement vn hom-

76 LA PRAT. DV CAVAL. PREM. PART.

me qui ne se sert que de la patience ne se peut pas dire sçauant, & celuy qui ne met en vsage que la force & la resolution, & le plus souuent malà propos est encores plus ignorant, & plus capable de gaster des Cheuaux par cette resolution inconsiderée, que de les reduire à la raison; mais pour les bien adjuster ensemble & s'en seruir vtilement, il y faut prendre garde de prés; car si vn homme souffre quantité d'extrauagances & de desordres à son Cheual sans raison (pource qu'il en faut quelquesfois endurer auec iugement) & sans qu'il le chastie, celuy-là se doit veritablement nommer ignorant & non patient; comme aussi celuy qui bat son Cheual sans necessité, & lors qu'il n'a besoin que des aydes qui le tourmente des esperons, de la gaule, de la bride & du caueçon au moindre petit manquement qu'il faict, sans chercher autre invention pour le ramener, quad il commet ses legeres fautes; je nomme aussi. tres-certainement cét homme là, colere ignorant, & non pas resolu; car la resolution est proprement de chastier le Cheual quand il est temps, & non autrement.

Fin de la premiere Partie.





LA PRATIQUE

DV

CAVALIER,

OV L'EXERCICE

de monter à Cheual.

SECONDE PARTIE.

Qui fait voir ce qu'il faut faire pour rendre le Cheual obeyssant aux plus grandes justesses.

Des moyens qu'il faut tenir pour commencer d'ajuster vn Cheual.

CHAPITRE PREMIER.

OR s que le Cheual est reduit aux termes que j'ay cy-deuant dit, & qu'à l'entour du pillier il se laisse conduire dans la main & dans les talons, de son air sur les voltes, puis la teste

K iij

78 LAPRATIQUE DV CAVALIER,

contre le pillier de costé à chaque main, entre les deux pilliers de costé deçà & delà des hanches, le sentant sous le bouton à vne place dans la main & dans les deux talons, souffrant les aydes des jambes & des talons au besoin, sans se mettre en colere, alors le Caualier luy pourra oster le caueçon & commencer à le promener sur les voltes, seseruant fort de la main & luy faire porter les espaules ou bon luy semblera, & taster si hors du pillier il ne fera nulle difficulté d'obeyr: ce qu'il ne fera, si on l'a senty dans la main & dans les deux talons, comme j'ay dit cy-dessus; si toutesfois il refufoit, ce seroit vn tesmoignage que le Caualier ne l'auroit pas bien senty estre à luy; premierement, que de l'oster de la subjection des pilliers, auquel cas il luy pourra remettre, & connuer iusques à ce qu'il le sente capable de luy respondre; ce qu'estant & portant les espaules où il desirera, il doit approcher vn talon & puis l'autre, pour taster aussi & faire cheminer les hanches d'vn costé & d'autre, sans que les espaules bougent n'y cheminent que fort peu, & lors que l'on le connoistra obeyssant en cette sorte, on le pourra faire cheminer de costé à

vne main, & à l'autre de la main du talon tout ensemble, le sentant toussours sous le bouton. & plus prest à se mettre sur les hanches que sur les espaules; car en faisant toutes ces espreuues, si on le ressentoit abandonner quelque peu plus sur la main, que la fantaisse du Caualier, il le doit arrester plus souvent, & à tous ces arrests le leuer & le tenirsur les hanches le plus qu'il pourra, i qu'il i anne del se s'inne

Seconde leçon pour adjuster un Cheual.

CHAPITRE

Omme le Caualier sent cette premiere Jobeyssance de son Cheual estant sur sa foy & hors dupillier, & qu'il ne le refuse en aucune maniere, il doit le passager sur les voltes, seseruant pourtant tousiours de la main, sans tant le serrer des hanches; car il suffira que le Cheual chemine seulement vne hanche dans la volte pour le commencement; d'autant qu'ils ne se seruent que trop des hanches, & par ce moyense rendent paresseux des espaules: c'est pourquoy à ce commencement il se faut seruir

de la mainselon le besoin que le Caualier iugera; car il y a des Cheuaux qui se serrent trop des espaules & pas assez des hanches; à ceuxlà, le Caualier fera la guerre à l'œil, car son Cheual entendant la main & les taols, il le doit conduire rondement & l'apprendre à passeiger fur les voltes, pour accommoder ses jambes; en sorte qu'il ne se les choquent point; & si par hazard en le passeigeant, il se presentoit de son air, le Caualier prendra ce temps & l'aydera doucement, pour l'obliger de fairevn quart de volte, vne demie, ou vne toute entiere, selon le jugement qu'il fera estant dessus: puis apres luy auoir fait carresses, le repasseiger derechef, tant à vne main qu'à l'autre, & s'ilse presente faire, comme j'ay dit, smon l'animer doucement pour le faire presenter, & lors que le Caualier connoistra qu'il luy obeyt à cette leçon, il le doit descendre sans l'ennuyer & le renuoyer au logis, bien que ce qu'il aye fait ayt esté vne partie pour son plaisir.

Troisiesme le çon pour adjuster un Cheual.

CHAPITRE III.

E Cheual en cstant iusques-là, & en le passeigeant, se presentant & faisant pour son plaisir vn quart, vne demie, & iusques à vne volte entiere, si le Caualier sent qu'il obeysse de pas facilement aux passeiges, à la main & aux talons, & qu'en se presentant il souffre l'ayde de la main, du talon, estant en train, se serrant & essargissant tant des espaules que des hanches, suiuant la fantaisse des hommes, alors il n'y aura plus de danger, que le Caualier en le passeigeant, bien que le Cheual ne se presente, (& quand il se presenteroit ne prendre pas ce temps-là, mais lors qu'il ne s'y presenteroit plus) prenez le bout des rennes & l'animez de la langue & de la gaule; & s'il respond, luy faire faire vne volte, deux, ou trois, & l'arrester à la fantaisse du Caualier, & non du Cheual, pour luy apprendre à se leuer quand l'homme voudra, & s'arrester de mesme; & s'il refuse de se leuer pour la main ou pour la

gaule, le Caualier luy doit donner un bon coup des deux talons pour le chastier de son refus; puis recommencer à leuer, afin de l'obliger à estre tousionrs prest à faire la volonté de l'homme; mais pourtant encores que j'approuue icy de surprendre son Cheual, pour l'accoustumer à estre tousiours preparé; si est-ce que ie ne conseille pas au Caualier, estant en bonne compagnie, de commencer à faire aller son cheual par surprise, mais en le passeigeant doucement & luy faire sentir tantost vn talon tantost l'autre; puis quelque petit coup de gaule pour l'animer & l'obliger de se presenter, & lors qu'il le sentira venir, il se pourra aneruer doucement sur les estriers, en s'estendant dans la selle; puis en prenant le bout des rennes à l'instant que son Cheual se voudra presenter, & se mettant le corps en bonne posture, il pourra de meilleure grace se faire paroistre & son Cheual tout ensemble, que s'il le surprenoit; mais ce que j'en ay dit cy-dessus, n'est que pour accoustumer le Cheual à estre tousiours prest.

Quatriesme leçon pour adjuster vn Cheual.

CHAPITRE IV.

E Caualier ayant reduit son Cheual à ce point d'obeyssance, de se laisser conduire tant de la main que du talon, & respondant aux aydes de la langue, de la main & des talons, selon la volonté de l'homme: Il dois apres le promener sur les demies voltes de pas, & qu'il y ait de la distance entre les deux demies voltes de huit ou dix courbettes; puis le Cheual obeyssant de pas, le Caualier doit commencer à main droite, & en prenant le bout des rennes (comme dit est) leuer quatre ou cinq courbettes, le chassant en auant, puis luy faire carresse & acheuer de pas tout doucement la demie volte & l'arrester, en faire de mesme à main gauche, se servant de la main & des talons, selon que le Caualier iugera le besoin; & ainsi continuëra cette leçon pour seulement accoustumer son Cheual à faire ces quatre ou cinq courbettes en auant, estre droits & arrester où il plaist à l'homme.

Cinquiesme leçon pour adjuster un Cheual.

CHAPITRE V.

Beissant à ces quatre ou cinq courbettes, s'arrestant droit & finissant ses demies voltes de pas, le Caualier taschera en commençant ces quatre ou cinq courbettes de le faire passer plus outre, en l'ay dant de la main & des talons, selon le besoin, pour luy faire acheuer la demie volte, & sur tout se seruir de la main, & faire que le Cheual bien qu'il aye les hanches dedans y ayt aussi la teste, & lors qu'il aura fourny vne demie volte, tantà vne main qu'à l'autre; l'arrestant à chacune, il le faudra promener de pas & ne leleuer pas tousiours, de peur de l'ennuyer; & aussi que le leuant toûjours, le Cheual prendroit de l'imparience, il se presenteroit auec ardeur, qui le feroit precipiter: Tellement que pour éuiter cét accident, il ne le faut pas leuer à toutes les fois, mais lors qu'il n'y presentera pas; car s'il se presentoit auec trop d'action, il le faudroit appaiser & cheminer de pas, d'autant que ce

que le Cheual fait auec ardeur & impatience, il ne le conçoit iamais, & ne luy sert que de le trauailler.

Sixiesme leçon pour adjuster vn Cheual.

CHAPITRE VI.

E Cheual estant asseuré de bien com-Imencer ces demies voltes par quatre ou cinq courbettes en auant, & deles bien finir de son air, aulieude l'arrester à la fin, le Caualier luy en doit faire faire quatre ou cinq à vne place apres auoir serré sa demie volte, ou s'il s'entretenoit trop les luy faire faire en auant, le chassant des deux talons selon le besoin, & le sentant tousiours dans la main; puis apres que le Cheual aura obey en ce lieu-là, il le doit mener lelong d'vne allée droite & le promener deux ou trois tours de pas par le droict; puis obligeant son Cheual de se presenter, luy faire faire en auant selon ce qu'il iugera à propos, ou peu ou beaucoup, ou selon ce qu'il sentira son Cheual disposé, & luy ayant obey, le descendre auec carresse, continuant cette leçon ius-

ques à ce qu'il soit asseuré sur les demies voltes & par le droit: Que si durant toutes ces leçons il luy prenoit quelque malice extrauaganto contre l'attente du Caualier, sans s'opiniastrer dauantage, on le peut remettre aux piliers auec le caueçon, & le chastier vertement de la gaule & des talons, le faisant rendre-là, & demander par ses actions obeyssantes pardons de sa faute.

Septiesme leçon pour adjuster un Cheual.

CHAPITRE VIII.

Pres que l'on connoistra le Cheual asseurésurles demies voltes & par le droist, il faudra luy donner leçon de costé, & pour y commencer, il sera besoin le promener de pas, de costé, deçà & delà, tant de la main que du talon; & pourra le Caualier pour se faciliter dauantage cette leçon se seruir d'une muraille, & là apres luy auoir fait reconnoistre de pas, le leuer deux outrois courbettes; puis le carresser, cheminer de pas & leuer, & ainsi aprestrois ou quatre reprises de chaque costé, les

sentant tousiours dans la main, & luy continuer cette leçon tant qu'il obeysse; puis apres, il sera à propos de luy faire reprendre cinq ou six courbettes de chaque cossé, sans l'arrester: ce quise pourra faire à l'heure que l'on le sentira bien libre à fuyr vn talon; car lors le soustenant tousiours de la main sans quitter les aydes de la langue & de la gaule (s'il en a besoin) il faudra ayder de l'autre talon deux ou trois courbettes; & s'il y respond, l'arrester & luy faire carresse: S'il n'y respond, les deux pilliers pourront seruir à cela, & à le remettre en cette obeyssance; & par ce moyen, le Cheual apprendra à reprendre de costé & d'autre, de sorte que luy continuant cette leçon sans l'ennuyer, en peu de iours il pourra aller de costé la teste hors de la muraille.

Huictiesme leçon pour adjuster un Chenal.

CHAPITRE VIII.

Estant asseuré de costé sans aller en auant, il sera bien à propos de luy donner la mesme leçon de costé; mais au lieu de le faire aller

deçà & delà sans auancer, ic veux qu'il chemine en auant six ou sept pas de costé du talon droict, puis en reprenant six ou sept pasde costé du talon gauche aussi en auant, & ainsi luy faire conceuoir deçà & delà de pas; & lors qu'il aura conceu cela & qu'il s'y laissera conduire de pas, on luy pourra bien faire faire de son air, d'autant que le Cheualle treuuera plus aisé, en ce qu'allant en auant il n'est pas si contraint qu'en vne place; mais pour ce faire, l'ay de del'homme est vn peu differente de celle de costé, sans aller en auant; pource que de costé seulement, sans aller en auant, le Canalier n'a que faire qu'à empescher que sons Cheual ne le transporte, en le soustenant & portant la main doucement du costé qu'il veut qu'il aille, approchant le talon: commes'il veut qu'il aille à main gauche y porter la main; & ayder du talon droit, soustenant du gauche si besoin est; mais pour aller de costé en auant, si c'est du costé gauche, il faut porter la main, comme dit est, en la soustenant; mais il faut soustenir le Cheual des deuxtalons en le chassant en auant & l'aydant, toutes fois en le chassant du droict plus que du gauche, & ainsi de melme

mesme à l'autre main, & peut seruir cette leçon-là au Cheual, en ce qu'allant par le droiet, s'il venoit à se jetter ou sur vn talon ou sur l'autre, & qu'il ne sust accoustumé de prendre les ay des d'vn talon seul, en allant en auant; on ne pourroit pas le tedresser sans desordre, d'autant que sentant approcher vn talon plus que de l'autre, il penseroit qu'on le voulust faire aller de costé seulement; mais estant accoustumé à prendre l'ay de de l'vn ou de l'autre en auant, cela le redresse sans incommodité.

Neufiesme leçon pour adjuster un Cheual.

CHAPITRE IX.

Comme le Caualier aura reduit son Cheual à luy respondre à ce que dessus, il sera besoin qu'il luy donne leçon en arriere; ce qu'il fera en cette sorte.

C'est que dans vne carriere ou le long d'vne muraille, il le doit tirer en arriere de pas, puis luy ayant fait reconnoistre, le leuer deux ou trois courbettes ou plus en vne place, & tirer arriere deux ou trois pas, & ainsi aller leuant

& tirant arriere de pas quatre ou cinq reprises, puis arrester son Cheual.

Et remarquera le Caualier que pour faire aller vn Cheual par le droict sur les demies voltes, sur les voltes & de costé, il ne faut que tenir la main ferme, sans en ayder le Cheual à tous les temps; mais en arrière, c'est le contraire, pource qu'il faut ayder le Cheual de la main à tous les temps, comme le deuant, retomber à terre, le tirer doucement, & l'ayder des talos vn peu plus en arrière, & ne se tarquer pas du tout tant, ny ne pezer si fort sur le derrière, comme aux autres aydes.

Le Caualier vsant de cette sorte pourra obliger son Cheual & le porter à demy par surprise, en l'aydant à propos à en faire quelques vnes en arrière; auquel cas il l'arrestera court & luy sera carresses; & si apres il y retourne, le descendre & le renuoyer au logis, & continuer cette leçon tous les iours (apres l'auoir quelques sois auparauant desennuyé à luy faire faire quelques voltes ou demies voltes pour luy donner du plaisir; car s'il y a moyen, il faut obliger le Cheual à prendre plaisir à tout ce qu'il fait) iusques à ce qu'il y aille librement, &

SECONDE PARTIE.

alors il s'en faudra peu que le Cheual ne soit au poin & où on le desire.

Dixiesme leçon pour adjuster un Cheual.

CHAPITRE X.

Ors que le Caualier sentira son Cheual Lasseuré par le droict sur les demies voltes, sur les voltes, de costé sans aller en auant, de costé allant en auant, en vne place & en arriere; Ille doit passeger sur les voltes & le teniriuste & droict, les hanches dedans, & continuer ce passege assez log-temps pour accoustumer son Cheualàla patience, & à setenir en cette justesse tant qu'il plaira à l'homme; puis luy ayant fait faire des voltes les plus iustes que faire se pourra, il luy doit donner leçon sur le chagement de main, qui estqu'en le passegeant droict, & les hanches iustes, comme j'ay dit, le Cheual estant dans la main, dans les talons & sur les hanches (comme i'ay monstré le chemin de luy mettre cy-deuant) & ayant de la patience pour attendre ce que l'home luy veut demander, il doit estre prest à tous les temps

de changer de main; si tant est que le Caualier luy aye donné leçon bien à propos de costé, tant de la main que du talon; neantmoins il luy doit monstrer ce qu'il desire de luy, & en le passegeant de pas luy faire connoistre le changement de main; & lors qu'il l'aura bien reconnu, il luy fera faire de sonair, puis pour le contenter, le descendre & le renuoyer, & aux autres iours qui luy fera repeter cette leçon, il le descendra ou de costé, ou par le droit, ou en arrière, selon ce qu'il iugera son Cheual en auoir besoin.

Vnziesme leçon pour adjuster un Cheual.

CHAPITRE XI.

Our ce qu'il y en a qui admirent quand vn Cheual fait la croix, & que peut estre ils ne sçauent ce que c'est: le parleray icy du moyen de luy faire faire, qui n'est pas chose dissicile au Cheual reduit au poinct cy-dessus, d'autant que faire la croix n'est autre chose que faire aller son Cheual en auant, en arriere, à vne place & de costé, deçà & delà; ce qu'il faut accoustumer au Cheual à faire sans l'arrester: ce qu'il fera fort aysément, veu que
dessail le sçait & ne reste plus au Caualier que
d'y accoustumer son Cheual tout doucement
& prendre si bien garde de l'ayder, que le chagement de ses aides se fasse bien à temps, pource
qu'autrement le Cheual auec raison & sans sa
faute, pourroit faire desordre, & ainsi l'accoustumant auec discretion en peu de temps,
il luy sera pratiquer cette leçon sans difficulté.

Douziesme leçon pour adjuster un Cheual sur les passades releuées.

CHAPITRE XII.

l'on puisse sous grandes justesses que l'on puisse souhaiter à vn Cheual, il n'y a point de leçons qu'il treuue plus difficiles à faire que des passades releuées, ayat oùy dire à feu Mosseur de Pluuinel, & pratiqué à son escole que c'est la vraye pierre de touche pour esprouuer la suffisance du Caualier & l'obeissance du Cheual; car si l'vn & l'autre executent bien cette leçon, on ne peut accuser l'homme d'igno-

M iij

rance, & doit-on attribuer au Cheual vne parfaite bonté & obeyssance, comme il se peut

prouuer par raison éuidente.

Premierement, il faut que le Cheual auant que commencer, quelques fougueux & plein de feu qu'il soit, ayt la patience & l'obeyssance desetenir à vne place & droict, puis qu'il aye l'art de bien partir de la main, sans que ce soit ny sur l'esquine ny en faisant desordre; en apres qu'il arreste iuste sur les hanches, & que de la mesme cadence de son arrest dans la main & dans les talons de l'homme, souffrant ses ay des auec patience (quoy qu'animé de la courfe) il acheue la demie volte, au fermer de laquelle il attende sur les hanches allant en vne place, le: temps de l'autre repart, & ainsi deux; trois, quatre, ou six demies voltes à la fantaisse de l'hôme, en mesme patience, obeyssance & iustesse que la premiere: Tellement qu'auec raison il se peut dire qu'en cette seule sorte de manege le Cheual pratique tout ce qu'il sçait d'art de patience, d'obeyssance, de force & de gentillesse: ce qui se peut apprendre au Cheual, sçachant tout ce que j'ay dit cy-dessus, & me semble auoir assez donné le moyen d'y paruenir

par cette leçon au Caualier expert & entendu, ayant declaré ce que c'est, & la maniere de les faire. Reste seulement à dire qu'il y a plusieurs sortes de personnes & mesme des gens qui se messent de l'exercice, qui font partir leurs Cheuaux de la main d'autre sorte que iene serois d'auis, & les accoustument de cette maniere, qui est que lors qu'ils les veulent faire partir, ils ouurent les jambes & le bras de l'espée: Tellement que les Cheuaux accoustumez à cette routine, partent le plus souuent, mais cette action n'est pas à ma fantaisse pour deux raisons; l'vne, que tant moins le Caualier fait d'action à Cheual, & tant plus agreable il està regarder; & l'autre, qu'il peut arriuer que l'on surprendra vn Cheual, ou qu'il sera las & fatigué de telle sorte, que s'il ne part apres cette posture du Caualier, & que l'homme demeure les jambes ouuertes, le bras leué & son Cheual en vne place, cela sera de mauuaile grace; car de donner vn coup d'esperon apres, cette action c'est desia fait paroistre sans effect, ce qu'il ne fait pas; car il faut que le moindre mouuement de l'homme soit yn commandement absolu pour le Cheual.

le conseille donc au Caualier, lors qu'il voudra faire partir son Cheual de la main, qu'il lasche la main de trois doigts & presse les deux talons d'où ils sont, sans aller chercher son temps plus loin, & qu'il accoustume son Cheual à partir en cette sorte; car lors qu'il se sera apperceu de cela, pour peu que l'homme lasche la main, & approche seulement les deux gras de jambe, le Cheual eschappera de toute sa force; & quand mesmes il ne partiroit pour la peur du gras de la jambe, les deux talons sont tous contre pour y arriver, sans que l'homme fasse aucune action mauuaise du corps, des bras & des jambes.

Treiziesme le çon des aydes pour les raffiner, & les faire prendre au Cheual plus delicates.

CHAPITRE XIII.

I'Ay desia dit que le Caualier ne sçauroit trop peu saire d'action, tant du corps que des jambes, pour ayder son Cheual, suyant tant que saire se pourra la mauuaise coustume de ceux qui a tous les temps que leur Cheual fait,

fait, branslent les jambes de telle sorte, qu'ils trauaillent & ennuyent, les regardant de leur

mauuaise posture.

le desire donc, comme j'ay dit cy-deuant, que l'homme soit placéen la sorte queie l'ay aduerry, la cuisse & la jambe bien estenduë, & prés du Cheual, à ce que les aydes en soient plus proches; & si par hazard le Cheual estoit endormy aux aydes, les prenant auectrop de patience & trop grossieres, comme il aduiene souuent: car pour faire souffrir les ay des aux Cheuaux, il les y faut endormir par longues espaces, & mesmes les pinser à tous les temps, qui est la cause qu'ils les prennent grossierement: Mais pour les accoustumer à les receuoir plus delicates, c'est qu'il faut comme le Caualier sent le Cheual qui s'y endort, qu'il luy donne de fois à autre vn bon coup d'esperon, des deux ou d'vn selon le besoin; puis qu'il raffermisse ses jambes, & presse fort les cuisses, toutes les deux ensemble, ou bien l'vne plus que l'autre; selon ce qu'il iugera; & lors qu'il aura mis le Cheual en cette apprehension, ilmaniera pour icelle, dés qu'il sentira presser les

deux cuisses, ou l'vne plus que l'autre; & ainsi il fera paroistre l'homme auec peu d'action, qui est comme ie le desire.

Cette leçon luy pourra apporter le profit de luy faire remarquer que les talons sont les dernieres aydes que nous ayons pour faire aller nos Cheuaux: Si donc le Caualier peut premierement faire manier son Cheual par la seule peur; puis comme il voudra s'alentir, trouuer vne ay de dans la cuisse qui le releue, & encores apres vne autre plus ferme au gras dela jambe, il sera plus à propos de suiure cette methode & garder les talons pour le dernier; car par cette voyele Cheualira plus long-temps, & le Caualier paroistra en meilleure posture que s'il commençoit par vn grand temps de jambe & par l'ay de des talons qu'il doit conserver au besoin, & pour la fin de l'haleine de son Cheual; & peut-on tirer de-là vne consequence certaine, qu'vn homme expert en cét art & qui entend bien les aydes, peut mener plus longtemps & de meilleure grace vn Cheual, soit au gallop, terre à terre, à courbettes, ou de quelque autre air, qu'vn autre qui ne l'entendra

SECONDE PARTIE. 109

pas, & qui incommodera son Cheual par ses grands temps de jambes, estant tres-certain que pinser le Cheual bien à propos, se peut nommer la delicatesse principalle de toutes les aydes dont l'intelligence est la plus necessaire à l'homme & au Cheual, & sans laquelle il est impossible au Caualier de faire bien manier son Cheual de bonne grace, & en la sorte que iele desire, d'autant que le Cheual n'entendant, ne connoissant & ne souffrat les ay des des talons, s'il a besoin d'estre releué, animé ou chastié, il n'y aura nul moyen de ce faire; car le coup d'esperon est pour le chastiment & les jambes, & la fermeté des nerfs pour les aydes: Mais si le Cheual ne respondoit assez vigoureusement aux aydes de la jambe, il en faudroit démeurer là, si le Cheual ne connoissoit & ne souffroit le milieu d'entre le coup d'esperon & l'ay de de la jambe, qui est le pinser que ie viens de dire, lequel fort peu de gens pratiquent (volontiers plustost par faute de sçauoir que de bonne volonté) non plus que l'ayde de la cuisse, qui est la seule pour laquelle ie veux que les Cheuaux bien ajustez par nostre

N ij

dio LA PRAT. DV CAVAL. SEC. PART.

methode manient, & que peu de personnes connoissent, non plus que beaucoup d'autres choses requises pour la bien-seance & la politesse de l'homme & du Cheual.

Fin de la Seconde Partie.









CAVALIER,

de monter à Cheual.

TROISIES ME DARTIE.

Qui parle des Airs les plus releuez, comme caprioles, balotades, groupades, & vn pas, vn sault; & la maniere qu'il faut tenir pour y rendre les Cheuaux bien manians.

Qu'il y a de diuerses sortes d'Airs, & pourquoy on appelle l'action que faict le Cheual en maniant Air.

CHAPITRE PREMIER.

Ly a de plusieurs sortes d'actions que le Caualier apprend à son Cheual, soit pour s'en seruir, soit pour son plaisir, les vnes plus basses, les autres plus releuées, selon qu'il iuge son incli-N iii

nation, sa force, sa gentillesse & sa legereté, comme terre à terre, courbettes, ou mezert, balotades ou groupades, qui est vne mesme chose, capriolles, & vn pas & vn sault; toutes lesquelles actions le Caualier a nommées airs, & a pris ce nom-là de l'esseument que fait son Cheual en l'air, & dit-on celuy manier, du plus bel air qui s'en approche le plus prés, & qui s'esseue le plus haut; qui est, comme j'estime, la raison pour laquelle on se sert de ce nom Air.

Reprenant mon discours, j'aduertis le Caualier de prendre garde de prés, que si son Cheual se dessend contre les leçons cy-dessus, il est besoin qu'il considere sa dessense; car si il va en auant, & que seulemét il se dessende, (s'il est leger & vigoureux) de son esquine, en faisant des sauts au lieu de courbettes, il ne le saut pas chastier, pourueu que le Cheual aille bien deliberé àtoute bride, quand il plaist au Caualier, & qu'il ne se serue de cette dessense que lors que l'on le veut faire leuer deuant, mais saut entretenir le Cheual à la cadence qu'il prendra luy-mesme, soit capriolles, balotades, ou groupades, d'autant que c'est vne chose certaine que les airs

sont donnez au Cheual par la nature, & qu'il faut, s'il est possible, l'obliger à faire demonstration de celuy qui luy est le plus facile, & auquel il a plus d'inclination; car sans doute, c'est celuy auquel il aura meilleure grace en maniant; partant le prudent & iudicieux Caualier obseruera soigneusement, comme ie viens de dire, de ne battre pas son Cheual quandil prend quelque cadence, soit de bonne volonté, ou pour dessenses, encores que ce ne fut pas celle qu'il desire; d'autant que s'il se deffend des sauts, il le faut faire sauter & luy entretenir; car pourueu qu'il prenne vne cadence & qu'il obeysse, il suffit; estant trescertain que si le Cheualn'a assez de force pour continuer à capriolles, balotades ou groupades, il se rabaissera tres-aysément de luy-mesme à courbettes, ou terre à terre; & qui feroit, autrement tel Cheual vigoureux & plein de feu pourroit faire mille desordres, lesquels en retardant ce que l'on desire, apporteroient mille accidens fascheux, tant à l'homme qu'à

Que c'est que les capriolles, & le moyen d'y acheminer vn Cheual.

CHAPITRE II.

Yant dessa dit cy-deuant la maniere de resoudre vn Cheual terre à terre & à courbettes, ie parleray de l'air des capriolles & de la methode, pour luy faire manier.

Les vrayes & bonnes capriolles ne sont autre chose que des sauts que fait le Cheualà temps dans la main & dans les talons, se laissant sous stenir de l'vn & ayder de l'autre, soit en auant, en vne place, sur les voltes & de costé, à la santaisse du Caualier.

Tous sauts ne se peuuent pas nommer capriolles, mais bien ceux-là qui sont hauts & esseuez tout d'vn temps; & le Cheual estant en l'air à la fin de sa hauteur, auant que tomber à terre, esparer entierement du derriere, & non à demy, & faisant resonner la joincture du jarret, que l'on nomme vulgairement ruer ou nouer l'esguillette, & continuer cette action là selon sa force.

Tous

Tous Cheuaux ne sont pas propres à ce manege, en ce qu'il faut qu'ils soient premierement de grande force, fort legers, nerueux bien sondez sur leurs jambes, pource que cét exercice les ruine beaucoup, osant bien dire aucc verité que sans nostre methode, peu de Cheuaux (si de leur inclination seule ils ne s'y mettent) se pourront accommoder à cette cadence, d'autant qu'il s'en trouue rarement de force suffisante & de legereté pour y sournir, qui ne soient ordinairement impatiens & malicieux, se dessendans de leur sorce.

Ie laisse donc à penser au Caualier intelligent siles Cheuaux de telle nature sont dissiciles à reduire au pas, au trot, ou gallop, sans nostre Escole; ce qu'ils feront, quand on les voudra leuer, car s'ils se sont dessendus de pas, à plus sorte raisonle feront-ils auec surie quand on les recherchera de plus prés, & crois que pout en venir à bout, il faudra y apporter vn si longtemps si on ne se sert de nos remedes, que le Cheual auant auoir pris seulement cette cadence & y estre asseuré, ses jambes crieront misericorde & sa force sera tellement abbatuë & sa gentillesse perduë, qu'il ne sera plus ca-

O

pable de faire cette action-là de bonne grace; à laquelle pourtant, pour peu qu'il fasse, il n'aura pas esté reduit sans grand danger de celuy qui luy aura mis; d'autant que comme j'ay dit cydessus, tels Cheuaux impatiens ne se laissent pas forçer sans se deffendre; & durant leurs deffenses, qui n'a des moyens fermes pour les retenir, il y a danger qu'ils fassent souvent malà l'homme; car en ce manege icy, plus qu'aux autres, le Caualier doit vser de sagesse, de patience & de iugement, pour preuoir aux accidens à aduenir, qui sont bien plus grands pour l'homme qu'aux autres airs; d'autant que le Cheual prend plus de fougue & de colere aux sauts, laquelle est plus dangereuse, en ce que les temps sont plus incommodes qu'à aucune autre action que l'on luy puisse faire faire: Tellement qu'il faut que le Caualier soit bien plus consideratif à preuoir sa malice auant qu'elle arriue, pour y donner le remede qu'il verra bon estre; ce qu'il fera, pourueu qu'il soit expert & vsité en la science; car cela estant, il iugera par l'action & dans les yeux de son Cheual le bien ou le mal, qu'il doit faire, auant qu'il l'ait executé.

TROISIESME PARTIE. 117

Ic conseille pourtant à ceux qui se voudront messer de mettre leurs Cheuaux à cét exercice, de ne le faire pas seuls, ayant besoin d'auoir vn homme sur le Cheual & vn auprés pour luy ayder, qui ne soit pas ignorant pour les causes que j'ay dites cy-deuant; car celuy qui est à pied iuge mieux de la volonté du Cheual que celuy qui est dessus.

Pour donc acheminer le Cheual à capriolles, il faut premierement le mettre seul & sans personne dessus à l'entour du pillier, & faire comme j'ay cy-deuant dit, quand j'ay donné le moyen de commencer vn Cheual, & de connoistre ce qu'il a dans la fantaisse; pour esuiter aux accidens de mettre l'homme dessus sans cette connoissance; puis ayant obey de pas, trot, ou gallop, l'attacher entre les deux pilliers & luy faire fuir la gaule deçà & delà, comme dit est, & lors que sans danger on peur mettre vn homme dessus, luy faire saire la mesme chose sous luy; & ainst continuant; le deliberer terre à terre, & luy donner l'obeyssance d'aller en auant & de fuyr les talons, auparauant que de le rechercher de plus prés.

Lors que l'on le jugera assez deliberé, & qu'il

ne se retiendra point, ille faudra leuer deuant à la fin de sa leçon, & continuer cét exercice tant qu'il responde à l'ay de de deuant, & qu'il la trouue facile; mais il faut prendre garde de le faire leuer le plus haut du deuant que faire se pourra, & l'obliger à plier fort les jambes en touchant doucement dessus auec la gaule, pour dauantage embellir son air & luy donnermeilleure grace en maniant; car tous les Cheuaux qui manient par haut ou à courbettes ont bien meilleure grace quand ils plient les jambes que lors qu'ils les tiennent roides : C'est pourquoy il est tres-necessaire de les accoustumer à les bien ployer, afin que rendant leur air plus beau, ils soient plus legers à la main de la bride.

Il arriue souuent, & ie n'en fais point de doute, que les Cheuaux capables de manier à capriolles se trouuant siers & pleins d'orgueil par le ressentiment de leurs sorces extrémes, se dessendront; mais le Caualier prudent iugera par son experièce la maniere de sa dessense; car comme ie croy auoir dit cy-deuant en quelque lieu, si la dessense se fait allant en auant & que son dessein ne soit que d'incommoder l'homme

TROISIESME PARTIE. 119

qui sera surluy auec vn grand nombre de sauts, tant s'en faut qu'il faille le chastier (encores que ce soit par desfense;) au contraire, ilsera besoin le laisser sauter & employer sa force, taschant parmy ses sauts en auant de garder l'appuy & l'obeyssance de la main, & regler vne cadence esgale à ce quel'on desire; pource que se sera tou sours autant dédaigné sur le Cheual, qui peut estre en cette dessense, rencontrera de la facilité en l'execution de ce qu'on luy demande, qu'il pratiquera sans aucun refus pour le plaisir de l'homme; ce qui n'arriveroit pas, si on se vouloit opiniastrer à empescher le Cheual d'employer sa force & sa legereté, soit de bonne volonté ou en se deffendant; mais s'il employoit cette force par malice, s'opiniastrant à ne vouloir aller en auant, il faudroit le fort deliberer par le coup de chambriere, voire mesmes des talons (les connoissant) à aller en auant, à toute bride, ou terre à terre determiné (s'ilen sçauoit la cadence:) Bref, il ne faut iamais que le Cheual aille en arriere, si ce n'est pour le plaisir de l'homme. The state of the state of

Seconde leçon pour les Capriolles.

CHAPITRE III

E Cheual en cstant-là, on commencera L'tousiours sa leçon terre à terre autour du pillier & à tous les arrests, leuer deuant deux ou trois fois, & s'il luy eschappe quelques sauts ne l'en chastier pas, s'il les fait de gayeté, car c'est ce que l'on luy demande; & s'il se mettoit: dans la cadence, sans autre artifice tant mieux: mais s'illes faisoit de malice, il faut le redeliberer terre à terre & à l'arrest, le releuer encores & finir le deuanten haut, puis à la fin de sa leçon le faire attacher eutre les deux pilliers, les cordes assez fermes, & de peur d'accident faire descendre l'homme, puis commencer à leuer deuant; & s'il respond librement, il faudra tascher en luy aydant derriere auec la gaule à le faire esparer, c'est à direruer; & s'il se deffend contre la gaule par malice, & qu'il ne voulust obeyr, il sera à propos d'auoir vn poinson au bout d'vn baston d'assez bonne longueur, & que l'homme qui est à pied, sans luy

TROISIESME PARTIE. 141

dire mot, luy en pique la fesse doucement pour le faire ruer, ce que le Cheual sera sans doute; puis l'ayant fait vne sois seulement, il le faut fort carresser pour luy donner à connoistre que c'est ce que l'on desire de luy, puis dereches r'approcher le poinson du mesme costé & luy faire obeyr à cette ayde deux ou trois sois; puis l'ayant sort carressé, le renuoyer au logis.

Troisiesme leçon pour les Capriolles.

CHAPITRE IV.

Doinson, on commence d'obeyr au poinson, on commencera saleçon encore terre à terre & à courbettes, deux tours seulement à l'entour du pillier, pour toussours le tenir en l'obeyssance de se laisser conduire & de sentir la main, & aux arrests le leuer sort deuant pour le tenir tousiours leger (car c'est ce qui est le plus necessaire aux Cheuaux dispos, que d'estre legers deuant) puis l'aller attacher entre les deux pilliers, & le leuer encores deuant; & ayant obey, l'ayder dereches du poinson derriere, du mesme costé que dit est

cy-deuant; s'il respond sans difficulté, le faut carresser, puis passer de l'autre costé & l'ayder doucement du poinson à l'autre fesse, pour luy faire connoistre l'ayde des deux costez; & s'illa sousser & obeyt sans se faire battre, le faut carresser & resterer cela quatre ou cinq sois selon le iugement du Caualier, en changeant à chaque sois de costé.

Quatriesme leçon pour les Capriolles.

CHAPITRE V.

Vand le Cheual respond entre les deux pilliers deuant le leuant de la gaule, & à l'ay de du poinson deçà & delà derriere, chacunà part; sil y respond librement & sans colere, & que le Caualier iuge que sans hazard on pourra mettre vn homme dessus, l'homme commencera encores sa leçon vn tour ou deux terre à terre & à courbettes, comme dit est; puis aux arrests leuer deuant, & apres l'attacher entre les deux pilliers, & au lieu de descendre estant attaché, il le carressera fort & ne luy faut point remontrer le poinson, que l'homme

l'homme quiest dessus ne l'ait fait doucement aller de costé, deçà & delà; & ayant obey, le tenir droit à vne place; puis luy faisant carresse de fois à autre, le leuer deuant deux ou trois fois, & apres l'auoir leué, l'homme qui està pied s'approchera auec le poinson; & lors que celuy qui est dessus leuera le devant, il l'approchera de la fesse & taschera de faire faire yn saut au Cheual, soit vne capriolle entiere, soit vne demie; car quand pour le commencement il n'espareroit pas tout à fait, n'importe, pourueu qu'il prenne la cadence; s'il obeyt, le carresser fort, puis reiterer cela deux ou trois fois, l'homme qui est à pied passant deçà & dela, comme dit est, sans luy en faire faire plus d'vne, deux au plus, & apres le renuoyer au logis, & ainsi continuant cette. leçon peu à peu, si le Caualier trauaille auec iugement, son Cheual aura bien-tost appris cette cadence, & puis à faire vne bonne capriolle.

Et quand il l'a sçaura bien faire bonne, il sera à propos de gagner sur son haleine peu à peu, suy en faisant faire deux & trois, continuant de cette sorte par plusieurs reprises

sans le forcer ny l'ennuyer si faire se peut, crainte d'estousser sa gentillesse, carelle est au Cheual comme la fleur sur les fruicts, laquelle ostée ne retourne iamais; de mesme si la gentillesse est perduë, on ne la peut redonner que difficilement aux Cheuaux de legere taille & pleins de seu, & point du tout aux Cheuaux d'Allemagne; estant vne chose infaillible, que celuy qui ne trauaille auec consideration, il oste la gentillesse à son Cheual ou le fait tomber dans des actions incorrigibles. Sçachant donc que la plus grande difficulté du Cheual, est de tourner pour faire de bonnes voltes terre à terre: le commence le Cheual ignorant par là.

Cinquiesme le çon pour les Capriolles.

CHAPITRE VI.

E Caualier voyant son Cheual en train & presque asseuré à la mesure qu'il desire, suy respondant à l'ayde de la gaule deuant, & à celle du poinson derriere, il doit commencer à

TROISIESME PARTIE. 137

le soustenir doucement de la main, & peu à peu tascher de le retenir dans icelle & ne le laisser abandonner sur les cordes du caueçon, afin de sentir tous ses sauts dans sa main; ce qu'il ne fera pas en vne seule iournée, mais peu à peu & plustost, si le Caualier trauaille auec prudence & n'ennuye point son Cheual de sauter; car il faut, s'il est possible, qu'il luy donnele plus de plaisir qu'il pourra, pour l'obliger à ne se deffendre point s'il y a moyen; car par cette voye il en aura bien plustost la raison, en ce que si le Cheual s'ennuye vne fois des sauts & qu'il s'en rebutast, il faudroit vnelongue patience au Caualier, vn grand divertissement au Cheual auec du sejour ; vn long circuit, & d'autres leçons pour le ramener, à se plaire à sauter.

Sixiesme le çon pour les Capriolles:

CHAPITRE VII.

E Caualier sentant son Cheual dans la main apres auoir commencé sa leçon à courbettes, comme dit est, & rataché entre

les deux pilliers, le releuant deuant & derriere de la gaule & du poinson, il doit au mesme temps que le poinson approche approcher les deux gras de jambe, & en le sousseuant tout doucement auec, l'ayder le plus delicatement qu'il pourra des deux talons, le pinçant de telle sorte que cela n'oblige le Cheual de se mettre en colere; & s'il respond vne fois ou deux à cette ayde, il le doit arrester & le fort carresser, pour luy faire connoistre qu'il faut qu'il responde à cette ayde, comme à celle du poinson, puis reiterer cela deux ou trois fois, & quelquefois que celuy qui tient le poinson s'arreste, s'il voit que le Cheual prenne les talons; car à cette heure, il ne sert plus qu'à secourir les talons de celuy qui est dessus, en cas que le Cheual ne les prit.

Ayant donc obey, le faut carresser & renuoyer au logis, luy continuant cette leçon iusques à ce que le Caualier sente son Cheual asseuré de sa cadence, faire ses sauts esgaux & dans la main, sans s'abandoner sur le caueçon, & respondre aux ay des du talon au lieu du poinson; car ie n'entends pas que s'on fasse faire autre chose au Cheual, ny que s'on le mette

TROISIESME PARTIE. 41

Sur sa foy iusques à ce qu'il soit asseuré de cela & qu'il aille entre les deux pilliers, comme ie viens de dire, ny que l'on luy donne autres leçons, si cen'estoit quelques pour le desennuyer, le promener de pas, de costé, contre vne muraille, se servant de la main, du talon, de pas, sur les voltes, sans luy rien demander, sinon autour du pillier, quelques voltes à courbettes.

Mais comme il ne se treuue iamais de Cheuaux de grande' force & pleins de feu qui ne se dessendent, & se voyant pressez ne se portent facilement dans le desespoir; de sorte qu'au lieu de respondre aux aydes & les souffrir, ils font des tours si harzardeux pour les hommes & pour eux, que c'est à quoy il faut prendre garde de prés, afin de les éuiter, & particulierement aux Cheuaux que l'on iuge pouuoir fournir à l'air des capriolles, comme estant plus legers, plus vigoureux, & par consequent se ressent accompagnez de force suffisante pour respondre à ce qu'ils voudront entreprendre, pour secouer le joug de l'obeyssance & de la subjection où il les faut mettre, pour ce qu'on desire, estant beaucoup plus difficile de les re-

duire à la raison que ceux qui n'ont qu'vne force suffisante pour le terre à terre ou pour les courbettes; d'autant qu'en premier lieu on ne peut forcer vnCheual de sauter quand il est au bout de son haleine & de sa force, ou l'air des capriolles les met bien plustost que les autres, l'ennuye dauantage dans la continuation par la fatigue qu'en ressent ses reins & ses pieds; & par consequent estant necessaire pour ses causes de faire les leçons fort courtes, il faut que le prudent Caualier trauaille à l'air des capriolles auec beaucoup plus de iugement, de patience & d'inuention qu'aux autres, ou il peut forcer son Cheual, recherchant soigneusement toutes sortes de moyens pour luy faire conceuoir promptement ce qu'il luy demande, soit par courtoisse, soit par douceur, soit par surprise, soit en changeant de place où il scroit besoin, soit en gagnant l'obeyssance par le frequent changement de leçons, tantost entre les deux pilliers, tantost la teste à la muraille, tantost dans vne encoigneure ou lelong d'une carriere ou allée bien droite; & ainsi se seruant de tous ses moyens, des diuers mouuemens de la main, de la bride, du caueçon, des

contrepoids du corps, des aydes des cuisses, des jambes, des talons, de la gaule, des bastons & du poinson, faisant jouer tous ses ressorts selon les temps que le jugement dictera: Il est sans doute qu'on gagnera sur tel Cheual que ce soit ce que l'on en desire, si quelque deffaut de nature ne l'empesche; laquelle chose estant, ce n'est plus la faute du Caualier; Si bien que l'on peut iuger par-là, ce que i'ay desia dit cy-deuant, qu'il est impossible de pouuoir dire ou escrire par le menu tout ce qu'il est besoin de faire pour reduite les Cheuaux à la perfection de ce que l'on desire d'eux: La pratique seule de la main du Caualier & de ses talons adioustée à vn excellent iugement & vn long vsage en l'exercice, est ce qui luy donnera le moyen d'executer à temps mille & mille choses qui ne se peuvent escrireny dire que dans l'occasion & à l'instant qu'il en est besoin.

Septiesme leçon pour les Capriolles.

CHAPITRE VIII.

E Cheual estant reduit aux termes cydessus, le Caualier commencera sa leçon par vne volte à courbettes autour du pillier; puis l'homme qui ayde du poinson s'approchera, & celuy qui est dessus taschera de luy faire faire vneou deux capriolles, sclon ce qu'il iugera: S'il les fait pour son ayde seule, il ne faut point toucher du poinson, sinon luy approcher doucement pour le mettre en train, & ainsi tascher de luy en faire faire deux, puis se cheminer trois ou quatre pas, puis encores deux; & ainsi cheminant & leuant, carressant le Cheual de fois à autre & ne l'ennuyant pas sur tout, il pourra peu à peu continuant en cette maniere en faire quatre ou cinq; auquel cas» on le descendra & luy donnera-on ce plaisir de le renuoyer au logis, sans l'attacher entre les deux pilliers pour la premiere ou seconde iournée qu'il aura obey à cette leçon icy: Mais apres en continuant tousiours auec iugement,

le

le Cheual peu à peu fournira vne volte; mais quelquesois selon la consideration du Caualier, de sois à autre il sera à propos, apres que le Cheual aura obey à l'entour du pillier, l'attacher entre les deux pilliers & finir sa leçon pour tousiours le tenir en obeyssance, & quelquesois selon le besoin le leuer à courbettes haur deuant, pour empescher qu'il ne s'abandonne sur la main.

Huictiesme leçon pour les Capriolles.

CHAPITRE IX.

E Caualier sentant son Cheual asseuré entre les deux pilliers & sur les voltes, le tenant dans la main & dans les talons, il pourra tout doucement le promener de pas le long d'une carriere ou le long d'une muraille, pour ayder dauantage à son Cheual à aller droit, & l'animant doucement, s'illuy est possible, de le faire presenter de luy-mesme de gaillardise, ce sera bien le meilleur; auquel cas, sile Cheual se presente, il ne faut pas que le Caualier perde ce temps, mais bien qu'il l'ac-

compagne de ses aydes, le regaillardissant de la voix, comme il est en train, ou bien en sissant tout doucement la gaule & prendre de son Cheual ce qu'il voudra luy donner pour cette fois, soit cinq ou six, ou plus ou moins; puis le descendre, le carresser fort & le renuoyer au logis; & ainsi continuant, commençant le plus souuent sur les voltes, soit de son air, soit à courbettes selon le besoin, & siniffant entre les deux pilliers, au iugement du Caualier, le Cheual fera bien-tost vn droict de capriolles.

Neufiesme leçonpour les Capriolles.

CHAPITRE X.

L'entour du pillier & entre les deux pilliers en vne place, ie diray qu'apres auoir commencé sa leçon à l'entour du pillier ou par le droict, qu'il finisse entre les deux pilliers; où estant, & l'homme luy ayant fait connoistre de costé trois ou quatre sois, il taschera tout doucement de luy faire faire vne courbette,

TROISIESME PARTIE. 143

puis acheuer de pas, & ainsi peu à peu le mettre de costé, comme j'ay dit en la seconde leçon pour mettre vn Cheual dans le talon, à courbettes, & ce pourquoy ie desire que l'on l'achemine de costé, à courbettes, est pour deux raisons: La premiere, qu'il comprendra auec moins de trauail ce que l'on desire de luy: Et la seconde, qu'il se rendra toussours plus leger deuant; toutesfois si en faisant cette leçon à courbettes il se presentoit à la faire de son air, il ne l'en faut pas chastier, d'autant que c'est ce que l'on demande; mais il faut bienauoir soin d'apporter en l'execution de ses leçons vne grande patience & consideration, prendre garde d'ennuyer le Cheual; pource que comme j'ay dit cy-deuant, on ne le peut pas forcer de sauter, mais bien de faire des courbettes; c'est pourquoy il faut trauailler auxleçons de capriolles auec beaucoup plus de iugement, de patience & d'inuentions qu'aux autres airs, où l'on peut forcer son Cheual; La cause en est, qu'à cét air-làil faut que le Caualier cherche toutes sortes de moyens pour faire conceuoir promptement à son Cheual ce qu'il luy demande; d'autant qu'il ne luy peut pas

donner de si longues leçons de cette cadence que des autres, en ce qu'elles le trauaillent dauantage, & qu'il ne pourroit pas souffrit sans se trop ennuyer, ou quelquesois se de-sesperer.

Dixiesme leçon pour les Capriolles.

CHAPITRE XI.

Pres que le Cheual obeyst de costé à l'ayde des talons de son aire entre les deux pilliers, & que les hanches cheminent deçà & delà, il faut (apres auoir comme j'ay dit cy-deuant, commencé sa leçon à courbettes pour le desennuyer à l'entour du pillier) luy mettre la teste contre le mesme pillier, & le faisant aller de costé deçà & delà de la main & du talon, tascher de luy faire faire trois ou quatre sauts, cheminant de la main & du talon; & s'il obeyt, l'enuoyer au logis & continuer doucement par quelques iours iusques à ce qu'il soit asseuré; & lors il pourra, l'ayant promené de costé, la teste contre la muraille, obeyr de son ayde, cant deçà que delà, si le

TROISIESME PARTIE. 145

Caualier a trauaillé auec prudence pour le mettre dans la main & dans les talons, comme j'ay enseigné cy-dessus.

Vnziesme leçon pour les Capriolles.

CHAPITRE XII.

Homme connoissant son Cheual luy rendre obeyssance & estre asseuré de sa cadence entre les deux pilliers en vne place, au mesme endroit de costé, sur les voltes à l'entour du pillier, par le droict, & de costé la teste contre la muraille, le tout sous le bouton; selaissant conduire de la main & prenant les aydes des talons à la fantaisse du Caualier, il pourra alors luy donner leçon sur les voltes, en le promenant assez large & sans le contraindre des hanches, car à l'ay de des capriolles les hanches ne doiuent point estre dedans ny contraintes, ains seulement cheminer d'vnepiste, & se doit seruir le Caualier de la mainseulement, le menant rondement des hanches; puis l'ayant promené, tant à vnemain qu'à l'autre, si le Cheual se presente, il doit prendre ce teps,

Qiij

& s'ancruant dans la selle, l'ayder, & s'il le contente, l'enuoyer au logis pour luy donner plaisir, quand bien il n'auroit fait que demie volte; puis continuant cette leçon doucement en peu de iours, le Cheual le contentera sur les voltes; laquelle chose estant, & ayant reduit son Cheual à ce terme, ie luy conseille de le laisser reposer & de s'en seruir seulement à se donner du plaisir, s'asseurant qu'il se treuuera peu de Cheuaux à capriolles, qui fournissent

iusques à ce point-là.

C'est pour quoy lors qu'il s'en rencontre quelques-vns, on les doit bien cherir, d'autant que dans les triomphes & dans les magnificences, aux entrées & en mille autres endroits, il n'y a rien qui donne tant de contentement & d'admiration aux regardans, & qui fasse tant paroistre vn Caualier bien droit & bien adroit qu'vn Cheual bien maniant à capriolles, qui est le plus beau de tous les airs, en ce que s'éleuant dauantage en haut il participe plus dela qualité de l'air; qu'ainsi il est plus rare, & que les choses les plus rares sont ordinairement les plus estimées, joint qu'outre tout cela la perfection du bon Caualier se connoistà reduire

TROISIESME PARTIE. 147

les Cheuaux de cétair bien plus qu'aux autres airs, pour les difficultez qui se trouuent à ceux qui sont capables d'y fournir, pour les raisons que j'ay fait voir en la pratique de ses leçons de capriolles.

De l'air d'un pas & on saut, & le moyen d'y acheminer un Cheual.

CHAPITRE XIII.

Air d'vn pas & vn saut est vn air composé, sçauoir d'vne capriolle & d'vne courbette fort basse. Or est-il, que beaucoup de Cheuaux dispos sournissent ay sément à vn pas & vn saut, en ce que le Cheual ne trauaille pas tant en cét air-là qu'à l'autre, pource que faisant cette petite courbette que nous nommons le pas, il reprend sa force, & par ce moyen continuë plus longuement ce maneige: On y peut faire accommoder le Cheual dessa dressé à capriolles, comme j'ay dessa dit cy-dessus; car comme vous auez remarqué, on luy a donné sorce leçons à courbettes à l'entour du pillier; Tellement que les sçachans dessa, il ne

luy coustera pas tantà prendre cette cadence d'un pas, un saut. Ie desire donc qu'on luy remette le caueçon, qu'on le promene de pas à l'entour du pillier, & qu'auant que commencer on le carresse, asin de luy donner à connoisstre qu'encor qu'on luy ait mis un caueçon ce n'est pas pour luy faire mal; car un Cheual de courage qui a esté long-temps sans porter de caueçon, ny sans estre mis au pillier, se pourroit mettre en colere, si le Caualier premierement ne luy faisoit connoistre de pas doucement.

Ayant donc cheminé de pas, il doit le leuer à courbettes, puis luy ayant respondu & l'ayant carressé, il doit commencer par vue courbette, & apres rassermir l'ay de des deux talons, soustenant ferme de la main luy faire faire vue capriolle, puis laschant la main & le chassant en auant, luy faire faire vu pas, & retenant la main & aydant des deux talons, comme dit est, l'animant de la voix, luy faire faire encores vue capriolle, & ainsi faisant sui-ure ses ay des iusques à deux ou trois; s'il respond, le carresser fort & reprendre encores vue fois de mesme, sinon faire suiure vu homme auec vu poinçon pour secourir le Caualier

qui:

TROISTESME PARTIE. 142

qui sera dessus, & s'il respond le renuoyer au logis; S'il ne respond selon le desir de l'homme & qu'il nese transportast, on sera la leçon suiuante.

Dixiesme leçon pour un pas & un saut.

CHAPITRE XIV.

I le Cheual respond à la leçon precedente, tant mieux, sinon il le faudra attacher entre les deux pilliers & leuer à courbettes, & lors qu'il aura obey, le carresser; puis leuer vne courbette, & auec le poinçon l'homme le soustenant de la main & auec les talons, luy faire faire vn saut, car estant attaché il ne se pourra transporter en auant; & ainsi continuant auec douceur & iugement sans ennuyer le Cheual, on luy pourra bien-tost donner cette cadence, de laquelle estant asseuré, y allant librement dans la main & par l'ayde des talons, il se laissera apres facilement conduire par le droit & sur les voltes, estant desia dressé à captiolles, comme j'ay dit cy-deuant, sinon & que ce fust yn Cheual que l'on youlust com-

mencer de cét air-là sans le mettre à capriolles, il faudra suiure toute la mesme methode des capriolles, & n'y a rien de different pour le faire venir au but, sinon qu'il luy faut donner la cadence d'vn pas & vn sault; car pour le moyen de l'adjuster, c'est toute la mesme chose.

De l'air des Balotades.

CHAPITRE XV.

Es Balotades est vn air qui approche fort prés des capriolles, & n'en differe sinon qu'aux capriolles, comme i'ay monstré, le Cheual estant en l'air espare & nouë l'esquillette, (comme on diten commun langage) & aux balotades, le Cheual s'esleue aussi haut qu'aux capriolles; mais au lieu d'esparer entierement, il ne le fait qu'à demy. Voila la difference qu'il y a de l'vn à l'autre, car le temps en estaussi lent que des capriolles, & les ay des pareilles; Le chemin pour y faire venir vn Cheual est le mesme que celuy des capriolles; mais

il faut que le Cheual naturellement prenne cét air, car on ne luy peut pas donner.

De l'air des Groupades.

CHAPITRE XVI

Es Groupades est vn air qui est la mesme Les Groupaues et la chose que les balotades: Il n'y a difference aucune à la hauteur, car le Cheual s'esseuc autant à l'vn comme à l'autre: & s'il s'y enpeutremarquer quelqu'vne, c'est qu'aux balotades le Cheual espare à demy & monstre les fers de derriere; & aux groupades, le Cheual se trousse les jambes de derriere sous luy, comme s'il vouloit les retirer dans le ventre, & retombe presque les quatre pieds ensemble, ayant le temps plus court que celuy des balotades ; toutesfois & l'vn & l'autre se nomment balotades; auquel air, comme i'ay dit, il faut que le Cheual s'y mette naturellement, & l'ayant pris, il se peut acheminer à la iustesse par la voye cy-dessus.

Apres auoir fait voir ce que i'ay estimé à propos, & ce que i'ay creu qui se pouuoit dire

pour l'instruction de ceux qui ayment l'exercice duquel ie parle, & asseure derechef, comme cy-deuant i'ay fait, que le Cheual obeyssant en ce point, estoit capable d'obeyr à tout, sile Caualier trauailloit auec patience, iugement & resolution: l'ay pensé que pour n'ennuyer pas le Lecteur de trop de langage, il sussissif seulement de luy monstrer ce qui est le plus necessaire au Caualier & au Cheual, qui sont les aydes sans lesquelles ny l'yn ny l'autre ne peuuent rien faire qui vaille, ny de bonne grace, si elles ne sont données par le Caualier & receuës par le Cheual, delasorte que ie dessire; qui est,

Que le bon & bel homme de Cheual ne fçauroit faire trop peu d'action du corps ny des jambes pour l'ayder, & doit fuir tant qu'il pourra la mauuaise coustume de ceux qui à tous les temps branslent les jambes; de telle sorte qu'ils ennuyét les regardans par leur mauuaise grace: Ie desire donc que le Caualier soit placé en la bonne posture que i'ay cy-deuant dite, la cuisse & la jambe bien estenduë & prés du Cheual, asin que les aydes en soient plus proches; & s'il trouue son Cheual endormy

les prenant auec trop de patience, comme souuent il arriue (principalement à ceux qui les souffret trop par inclination, ou bien à ceux qu'il y a fallu endormir par vn long-temps pour leur faire endurer, & mesme les pincer à tous les temps pour les obliger à les prendre grossierement) il est besoin que le Caualier sentant le Cheual en cette paresse, ou endormissement, luy donne de fois à autre de bons coups des deux esperos ou d'vn selon le besoin, puis qu'ils'affermisse les jambes & presse fort les cuisses toutes les deux ensemble, ou l'une plus que l'autre, selon ce qu'il iugera; & lors qu'il aura mis le Cheual en cette apprehension & qu'il sentira presser les deux cuisses, ou l'vne plus que l'autre, il maniera pour la peur & fera paroistre l'homme auec peu d'action, qui est comme ie le desire, & portera cette leçon tel profit à celuy qui la voudra bien considerer, qu'elle luy fera voir & connoistre veritablement que les talons sont les derniers ay des que nous ayons pour faire manier nos Cheuaux.

Tellement que si le Caualier peut premierement faire manier son Cheual par la seule peur; puis comme il voudra s'alentir, trouuer vne

ayde dans la cuisse qui le releue; & encores apres vne autre plus ferme au gras de la jambe, il sera plus à propos de suiure cette methode & garder les talons pour le dernier, puisque par cette voyele Cheual ira plus long-temps, & le Caualier paroistra en meilleure posture que s'il commençoit par vn grand temps de jambes & parl'ayde des talons, qu'il doit conseruer au besoin, & pour la sin de l'haleine de son Cheual, n'y ayant rien de plus certain qu'vn homme expert en cét art & qui entendra bien les aydes, peut faire manier plus long temps vn Cheual de quelle sorte d'air que ce soit, qu'vn autre qui aura moins de pratique, & qu'au lieu de le bien ayder, l'incommodera par ses mauuaises ay des.

Voila donc ce que i'ay à dire pour le maniement des Cheuaux, & pour la bonne posture du Caualier, auec les moyens les plus briefs & les moyens perilleux pour arriuer à la fin qu'on desire, & pour esuiter mille hazards qui serencontrent en la suitte de cét exercice: Que si ieneme suis expliqué si clairement que ie l'aurois desiré, on remarquera ce que j'ay dit cy-deuant, que ie n'ay point parlé, sinon des moyens

ordinaires, pour mettre les Cheuaux à la raison par nostremethode; d'autant que si auois voulu particulariser & exprimer par le menu toutes les leçons desquelles nous nous seruons, il m'auroitesté impossible, pource que nostre façon de trauailler n'estant conduite que selon les occasions, il me seroit bien mal aysé de la mettre au net, en ce que les actions de l'entendement sont tres-difficiles à exprimer par escrit. Or est-il, que nostre methode consiste au iugement à faire la guerre à l'œil, changer de moment en moment d'action selon le besoin, & trauailler plustost la ceruelle du Cheual que les jambes : C'est pour quoy si ie ne m'exprime si bien par les discours, comme ie pourrois en faisant voir l'effect, que les paroles ne peuuent monstrer; Ceux qui prendront la peine de lire ce que i'ay escrit, se contenteront, s'il leur plaist, de remarquer, que mon intention n'a esté que de declarer les principales regles de nostre methode, & faire connoistre que c'est le moyen de reiissir auec facilité, & auec briefueté de temps, à la perfection de cét exercice, que la pluspart cherchent auec vne silongue peine, au peril de leur vie, & à la ruine de leurs Cheuaux.

Qu'il ne faut point trauailler son Cheual à autre chose qu'au maneige, dés l'heure que l'on l'a commencé.

CHAPITRE XVII.

IL y en a qui desireroient se seruir de leurs Les faire dresser toutensemble; ce qui toutesfois se pourroit faire à la longue,, mais ce seroit aucc grande difficulté, pour plus sieurs raisons, en ce que premierement ie desire que tout ce que les Cheuaux font, s'execute auec gentillesse, gaillardise & courage, ausquelles choses le trauail par paysest fort contraire, d'autant qu'il les appesantit, les lasse, & y employent la pluspart de leur force & de leur gaillardise. Tellement que reuenant apres à l'escole, tout ce qu'ils font est à regret & par contrainte; dauantage, allant par pays, il est difficile que le maistre du Cheual, s'ille sent se presenter sous luy à faire quelque chose de gayeté, ne l'anime à passer outre, & ne le: taste iusques au bout pour prendre du plaisir de ce qu'il sçait; & en arriue delà, que s'il n'est!

TROISIESME PARTIE. 157

n'est homme du mestier, il le desbauchera pour plus de deux mois, & peut-estre le rebutera du tout; ce qui me sait conseiller à ceux qui ont de bons Cheuaux ausquels ils veulent saire apprendre le moyen de les seruir, de donner pour vn temps tresues à toutes sortes d'exercices, tant pour esuiter aux accidens cy-dessus, que pour les saire plustost arriuer à la fin qu'ils desirent d'eux, à leur contentement & de celuy qui en aurala charge.







LA PRATIQUE

CAVALIER

OV L'EXERCICE de monter à Cheual.

QVATRIESME PARTIE.

Qui enseigne à bien coure la Bague, rompre en lice, coure au Quintan, & combattre à Cheual.

De l'exercice de coure la Bague & des moyens qu'il faut tenir pour faire de belles & bonnes courses.

CHAPITRE PREMIER.

N E des plus belles actions & des plus agreables à voir & à pratiquer à Cheual, est celle de bien coure la Bague; mais aussi ie la tiens vne des plus difficiles, pource qu'en tous exercices de plaisir qui se

Sij

font en public, les hommes qui ont du courage desirent y paroistre auec de la bonne grace, & chacun auec ambition de faire le mieux, laquelle extréme enuie emporte quelquefois l'esprit; de sorte qu'il ne songe à maintenir toutes les parties du corps dans la iuste-&bonne posture requise, particulierement aux courses de Bague. La raison principale est, que cét exercice se fait pour donner plaisir aux Dames, & est le seul de tous, pour lequel elles donnent prix; Si bien que pour leur plaire, chacun tasche auec passion à se rendre agreable à toutes en general, & à quelques-vnes en particulier, & a gagner le prix, pour auoirla gloire de le demander & le receuoir auec honneur, comme le mieux faisant de la compagnie, peut-estre de celle qu'ils honnorent le plus, ou si cen'est d'elle, à tout le moins en sa presence. Tellement que cette extreme enuie portant tous les mouuemens de son esprit à contribuer à ce dessein, est cause que le plus souuent la bonne posture se perd, cedant sa place à quantité de mauuaises; car mesme dans l'eschole où elle se doit apprendre, le desir de bien-tost s'y rendre parfaits, pour jouyr du

QVATRIESME PARTIE. 161

contentement que ie viens de dire, porte l'escholier dans l'oubly de ce que celuy qui l'enseigne luy aura dit, executant tant de mauuailes actions pour le desir extreme qu'il a de s'adjuster à emporter la bague, que ie conseille à toute sorte de galands hommes de ne pratiquer cét exercice en public, qu'ils ne soient tres-asseurez auparauant, afin que les Dames & particulierement les belles (qui sc semble, ont plus de loy de se moquer que les autres) ne le fassent à son preiudice : La premiere chose qu'il faut donc que le Caualier fasse, est de donner ordre d'auoir vn bon Cheual qui ayt toutes les qualitez requises à l'exercice duquel ie parle; puis d'vne lance proportionnée selon sa taille, pource que sans ces deux choses il ne peut rien faire qui vaille, quelque expert qu'il puisse estre.

Sar lesso trope of the first transport of

Quelles qualitez il faut que le Cheual de Bague aye pour bien seruir le Caualier sur la carriere.

CHAPITRE II.

E Cheual de Bague ne doit estre ny trop grand ny trop petit, mais de moyenne & de legere taille. Les Genets & les Barbes, sont les meilleurs, s'il est possible, que le poil en soit beau & rare; que les jambes, les pieds & les reins en soient bons, qu'il ait bon appuy & iusteà la main, qu'il soit patient au party qu'il coure, tride & aysé, qu'il arreste sans incommodité, & sur tout qu'il coure & arreste seurement, pour ce que de toutes les cheutes qui se font au Cheual, celles qui arrivent en courant sont les plus dangereuses, & beaucoup dauantage que quand il se renuerse; d'autant qu'ense renuersant, il se trouue volontiers en l'air & ne tombe pas droit sur le dos, si celuy qui est dessus ne luy contraint absolument; mais à la course, la cheute est si precipitée, que le plus souuent le Cheual fait yn tour ou deux sur le Caualier.

QVATRIESME PARTIE. 163

Quant à la lance, sa proportion doit estro selon la taille du Caualier; à vn grand homme, vne petite lance fort foible & courte n'auroit pas bonne grace, comme à vn petit, vne grosse lance, longue & grande, luy seroit tres malseante en la main; c'est pour quoy le Caualier de bon iugement pourra s'approprier de cette arme à la bien-seance & à sa commodité, ou plus longue, ou plus courte, ou plus grosse,

ou plus menuë, selon sa taille & sa force...

La premiere chose qu'il faut que le Caualier fasse, estant muny d'vn bon Cheual & d'vne bonne lance, est de prendre garde à sa bonne posture, à bien adjuster ses estrieux & ses rennes dans la main, enfoncer son chappeau, en sorte qu'il ne tombe dans la carrière, (qui est vndes accidens plus messeant qui luy puisse arriuer, & qui rend sa course nulle) puis estant bien adjusté dans la selle, il prendra la lance de la main d'vn Escuyer ou d'vn Page, & la tenant, la maniera & la fera tourner dans sa main de bonne grace & auec facilité, pour monstrer aux regardans qu'il n'est point embarrassé de cette arme; puis en cheminant; la mettra sur le plat de sa cuisse droite, en pre-

nant garde que le coude ne soit point trop proche du corps, ny celuy de la bride non plus: En apres, il mettra la poincte de la sance vn peu panchée en auant, la poincte vers l'oreille gauche du Cheual, la tenant tousiours en cette saçon, soit arresté, soit en marchant de pas, de trot & de gallop, sans faire paroistre aucune contrainte; car en cette action il semble que l'on n'excuse pas si volontiers les mauuaises postures, qu'aux autres qui s'exercent.

Les raisons pourquoy on n'excuse pas si-tost les mauuaises actions du Caualier en courant la Bague, qu'en faisant manier vn Cheual de force & vigoureux.

CHAPITRE III.

A raison pour quoy on n'excuse gneres la mauuaise grace de ceux qui courent la Bague, est que les Caualiers qui paroissent sur la carrière le sont tout exprez & auec dessein de se rendre agreables aux Dames qui les regardent; se promettans, qu'ils ne peuvent rien faire que de bon en leurs presences, & particulierement

QVATRIESME PARTIE. 265

culierement en cét exercice, où il y a fort peu de peine & d'incommodité, estant sur vn bon Cheual qui court rondement, & qui est aisé au partir & à l'arest: Tellement que si par hazard le Caualier fait paroistre quelque geste qui ne soit de bonne grace, soit auant la course, duranticelle, ou apres, la risee s'en fait generale parmy elles, qui presuposent auec raison, que personne ne se doit presenter sur la cariere ny dans la lisse, pour leur donner du plaisir, qui n'execute gentiment auec hardiesse & de bonne façon, tout ce qu'il entreprendra, sans demeurer court, estant certain que les belles & gentilles prennent dauantage de plaisir à voir vn galand Caualier, commencer, continuer & finir vne belle course, sa lance ferme dans la main par vn beau dedans, que de considerer vn mauuais gendarme mal placé sur son Cheual, mal partir, sa lance tousiours branlante & vacillante le long de la cariere; & au lieu d'vn beau dedans, brider la potence : Car aux autres exercices de Cheual, soit terre à terre ou à capriolles, ses maneiges se faisant auec furie, & les Cheuaux en les executant plains de fougue, celamet en apprehention les pauurettez,

de crainte que le Caualier ne se fasse mal, laquelle apprehention les empesche de rechercher quelque occasion qui les puissent faire rire: Ne pouuant estant en cette crainte, femarquer si exactement les mauuaises postures de l'homme; & si par hazard il y en auoit aucune, la rudesse du maniment du Cheual seroit vne exeuse legitime en leur endroit; ce qu'elles ne font nullement en l'exercice de courre la Bague; tellement qu'il faut estre bien asseuré en l'execution de ce qu'on veut entreprendre, auparauant que de se presenter deuant elles pour cét effet; car si par hazard quelqu'vn manque au moindre point, & qu'il commette vne seule faute, iamais il ne l'a peut reparer, & demeure tousiours en mauuaise reputation en leur endroit.

in the plant of the country and the

Harry Coult 4 1

provide the providence of the

Bourquoy il faut porter la lance vers l'oreille gauche du Cheual.

CHAPITRE IV.

Es maneiges releuez, n'estoient pas anciennement en vsage, comme ils sont auiourd'huy: Et en ces temps, les plus frequents exercices que les Roys & les grands Princes faisoient à Cheual, estoient de rompre des lances en lisse les vns contre les autres, pour s'accoustumer à faire la mesme chose en la guerre & aux combats pour ce mesme effect: Les Capitaines des Gens-d'armes & de Caualerie, si exerçoient dans leurs garnisons, afin de rendre eux & leurs Cheuaux experts en cét exercice pour s'en seruir au besoin; mais pour cequ'il y a grande peine, & quelquefois du peril de coure si souuent les vns contre les autres en lisse, & encores dauantage en camp ouuert (qui est dans la campagne, sans aucune lisse) ils s'auiserent, pour esuiter cette peine & peril, de prendre vn anneau de la hauteur d'vn hommeà Cheual, & le mettre du costé que

pouvoit venir leur ennemy, qui est le gauche, puis armez de toutes pieces: Ils s'accoustumoient eux & leurs Cheuaux à courre iuste, & leur portoit cela tel prosit, qu'ils s'adjustoient aussi bien que s'ils eussent couru l'vn contre l'autre, n'y ayant rien qui adjuste tant le gendarme à bien manier salance, & en faire tout ce qu'il desire, que les frequentes courses de bague, s'estant veu dans ses derniers temps vne exemple si signalée pour prouver cette verité, que personne apres n'en sçauroit douter aucc raison.

Ce que ie veux dire, est le combat des sieurs de Mariuault & de Marolles, qui se sit durant le siege de Paris, le lendemain de la mort du Roy Henry III. lequel combat s'executa au milieu de l'armée du seu Roy Henry IV. &

celle de la Ligue.

La veille du combat, le sieur de Marolles ayant veu le sieur de Mariuault auec vn habil-lement de teste à grille, dit à ceux qui estoient aupres de luy; si demain il se presente deuant moy la teste armée de la sorte, asseurement il y perdra la vie, se sentant tellement seur de son dire par le long vsage des courses de bagues ar-

mé; Que le lendemain, le sieur de Mariuault se trouuant auec le mesme habillement de teste, il ne manqua pas de luy donner iustement au lieu où il auoit dit, le portant par terre roide mort sur la place.

l'ay allegué cét exemple pour faire connoifire comme quoy l'exercice ordinaire de la bague, outre ce qu'il est agreable à voir, est necessaire pour ceux qui se veulent seruir d'une lance: Et que la raison pour laquelle elle se doit porter un peu panchée, la pointe sur l'oreille gauche du Cheual, est que l'ennemy vient tousiours de ce costé-là.

Ce qu'il faut que le Caualier fasse, lors qu'il esten bonne posture sur son Cheual, salance bien placée sur la cuisse

CHAPITRE V.

I L faut qu'en conservant cette bonne grace, qu'il chemine vers le commancement de la cariere, & que lors il s'areste le dos tourné vers la bague, & que là il demeure iusqu'à ce qu'elle soit adjustée: Puis il doit leuer sa lance de des-

s'en apperçoiue, & laissera à l'instant prendre vne demie volte terre à terre à son Cheual, à maindroite en entrant dans la cariere: Puis sera quelqu'vne des belles actions de la lance en partant, que ie diray cy-apres, & continuera la course de bonne grace iusqu'à l'arest, qu'il executera auec la mesme gaillardise & gentillesse, & se remarquera qu'il n'y a que trois principales choses pour acquerir la reputation d'estre beau & bon gendarme, qui sont la grace & l'air de la lance au partir, la descente douce & ferme tout le long de la course, & la meste me grace vigueur & gentilesse à l'arest.

De quelle longueur il faut que soit la cariere, & de qu'elle hauteur la bague doit estre mise & adjustée.

CHAPITRE VI.

A longueur de la cariere doit estre mesurée selon la vistesse & la force du Cheual, si le Cheual est fort viste, la cariere doit estre plus longue, si moins viste, plus courte; mais

pour les Cheuaux les plus vistes, cent pas de course, iusqu'à la bague suffisent, & trente pas d'arest; & pour les Cheuaux de bague qui courent tride & n'auancent pas tant, quatre-vingts pas de course suffisent, & vingt pas d'arest.

La hauteur de la bague doit estre iustement vn peu au dessus du sourcil gauche, d'autant que les Cheuaux se baissent tousiours en courant: c'est pourquoy il l'a faut laisser vn peu plus bas; car qui l'a mettroit au dessus de la teste, elle se trouveroit trop haute en courant, & ne se pourroit on pas si facilement adjuster.

Pourquoy il est plus à propos de tourner à main droicte, en entrant en la cariere; es la raison pour laquelle il saut plustost commencer sa course, en prenant la demie volte à main droicte qu'aresté.

CHAPITRE VII.

Ly a plusieurs Gens-d'armes qui disputent à quelle main il faut faire tourner le Cheual en entrant dans la cariere; mais moy ie ne trouue nulles raisons en leurs disputes, & conclus

hardiment qu'il faut tousiours tourner à main droicte; parce que la pluspart des Cheuaux s'essoignent ordinairement de la muraille, & quasi tous partent auec impatience, qui est cause que d'eux-mesmes, tournant à main droicte, ils se jettent au dedans vers la muraille : Que si on tournoit en partant à main gauche, l'impatience jetteroit asseurement le Cheual trop en dehors, esloigné de la muraille & de la piste de la cariere, qui rendroit la course fausse & demauuaise grace, cstant trop essoignée de la bague: Les raisons qui m'obligent à conseiller au Gendarme de commencer sa course en tournant, sont deux. La premiere, quisetrouue fort peu de Cheuaux qui ayent accoustumé de coure, qui puissent demeurer en patience dans la cariere, la teste vers la bague, tant l'inquietude d'acheuer leur course les presse de commencer, laquelle inquietude il est tresmal-aisé d'empescher & de disputer auec son Cheual sur la cariere, la lance en la main & prest à partir; car outre qu'ils auroient tres mauuaisé grace; celane se pouroit faire, sans que l'hommesortit de sa bonne posture, qui rendroit son partir des-agreable & sa course mauuaise: L'autre

l'autre, que partant en tournant, outre que ses accidens sont esuitez; cela tesmoigne plus de vigueur au partir, & donne plus d'air au Caualier, que non pas de commencer de sang froid.

Qu'il se peut faire plusieurs actions de la lance au partir, & de quelle sorte le gend'arme doit commencer sa course.

CHAPITRE VIII.

My desia dit qu'il faut auparauant que commencer sa demie volte à main droite, leuer
la lance de dessus la cuisse de deux doigts, sans
que personne s'apperçoiue qu'elle soit hors de
sa place: A present, ie vous diray qu'il se pratique quatre sortes d'actions de la lance au
partir, desquelles chacun se peut seruir selon sa
fantaisse & selon le besoin; car encores qu'vne
action au partir, peut sussire au gend'arme
pour faire vne belle & bonne course: Neantmoins la diuersité qui n'est point fausse, ny contre les regles des belles & bonnes courses, est
tousiours bien-seante, & fait estimer celuy qui

execute choses differentes auec liberté & sans contrainte, sçauant en l'exercice duquel ils se melle.

La premiere action de la lance.

CHAPITRE IX.

A premiere action s'execute en cette sorte, _c'est qu'en mesme temps que le Cheual fait le premier essan dans la carriere pour commencer sa course, le gendarme doit leuer sa lance du mesme endroit qu'elle est, tout d'vn coup, auec vigueur, sans qu'il remuë autre chose que le bras, & doit placer sa main vis à vis de son oreille droiete, prenant garde de n'escarter pas tant le poing, que la lance fust trop esloignée du visage, ny aussi de le serrer si prés que la face fust couverte, suffisant seulement que le gendarme se voye sans qu'il y aye d'internalle entre sa lance & son visage; puis la lance estant placée en cét endroit, l'y laisser dix ou douze pas dans la carriere auant que commencer à l'abaisser; apres laisser descendre tout doucement, en ramenant le poing en sa

place, proche l'arrest de la cuirasse, & en s'adjustant à la bague; laquelle passée, il faut leuer
la poincte droite en l'air, escartant vn peu le
bras en dehors, en leuant, mais si peu, qu'il n'y
paroisse, & du mesme air & vigueur que le
partir; puis arrester le Cheual de bonne grace
iuste & droit sur la carriere, & arresté, remettre la lance sur sa cuisse, ou la donner à vn escuyer ou page, pour la rapporter proche du
partir.

La seconde action de la lance.

CHAPITRE X.

A seconde est presque semblable à cette premiere, la disserence qu'il y a est, que quelques-vns trouuant de la dissiculté à ramener le poing en sa juste place de l'arrest de la cuirasse, en mesme temps que la pointe de la lance baisse, ce moyen est propre pour leur faciliter la course en cette sorte. Lors que la lance est au point du partir que j'ay dit cy-dessus, à l'instant mesme & presque d'vn temps, il faut remettre le poing en la place de l'arrest do

la cuirasse, sans toutessois laisser tomber la poincte de la lance que le poing ne soit placé, puis on acheue la course & l'arrest de la mesme sorte cy-dessus.

La troisiesme action de la lance.

CHAPITRE XI.

A troissesme n'est pas si difficile que la premiere, & se fait pour s'en seruir en deux occasions; sçauoir est, quand on court par vn grand vent, ou quand on rompt en lice, elle s'execute en cette façon; entrant dans la carriere au lieu de leuer la lance, il faut escarter vn peu le tronçon sans gueres bouger le poing de sa place, & le passer pardessus l'arrest de la cuirasse (ou à l'endroit auquel il doit estre si on court desarmé) sans faire plus grande action qu'vn petit demy cercle, pour mettre seulement le tronçon de la lance sur l'arrest sans qu'il y touche, faisant le mesme partir quand on court par vn grand vent, pource qu'en pareil temps il y auroit crainte que leuant la pointe de la lance haut, le vent la pre-

nant, la portast trop en dedans ou trop en dehors, ou la fist renuerser en arriere: Toutes lesquelles choses seroient tres-mal seantes, la lance estant donc sur l'arrest, au lieu que cydeuant on ne commençoit à baisser que dix pas en la carriere, & que iusques-là, la poincte demeuroit serme, à celle-cy il saut commencer à laisser tomber la pointe dés que la lance est en sa place, asin qu'en rompant en lice on soit plustost prest & adiusté pour rompre, & qu'en courant la bague par vn grand vent, qu'il n'oste la lance de sa place, si elle demeuroit tant soit peu en l'air sans baisser.

La quatriesme action de la lance.

CHAPITRE XII.

A quatriesme est la plus difficile à bien executer, mais aussi estantbien faite, elle a meilleure grace qu'aucune des autres; & asin de la donner mieux à entendre, il faut considerer en premier lieu la lance sur la cuisse; puis quand le Chual est prest à prendre sa demie volte à main droite, & la lance leuée de deux

doigts, comme cy-deuant est dit, le Cheuali ayant pris vn quart de volte & monstrant le costé droit dans la carriere, faut laisser tomber le poing le long de la cuisse & la lance en son contrepoids dans la main, la pointe tousiours sur l'oreille gauche du Cheual; puis dés qu'il met la teste dans la carriere, faut eslargir le poing de la lance, en montant & eslargissant: d'vn mesme temps à bras estendu, faire vn demy cercle, & placeriustement la mainproche: de l'oreille droicte au mesme lieu du premierpartir, sans que pour tout cela la lance sorte de: la iuste ligne, qui tombe droictement à l'oreille gauche du Cheual. Le reste de la course s'acheue comme la premiere & l'arrest semblable; car ie ne conseille point à l'arrest de faire comme beaucoup, lesquels ayans passé la bague au lieu de leuer la lance en haut, ils font le contraire & baissent le poing, comme s'ils vouloient donner vne estoquade à la fesse de leur Cheual; laquelle chose, outre qu'elle est de tres-mauuaise grace, est du tout fausse, pource qu'il en peut arriuer accident, qui obligeroit la compagnieà rire & qui desplairoit à celuy. auquel il seroit aduenu; qui est qu'en retirant

ainsi le bras en arriere auec sorce, si par hazard mettant vn dedans il n'estoit du tout franc, & qu'il n'y eust que le bout de la pointe de la lance dans la bague, en la retirant auec sorce en arriere: Il n'y a nul doute que la bague tomberoit, & par consequent le dedans perdu pour le gend'arme; ce qui ne seroit arriué, leuant la lance en arrestant, comme ie l'ay cy-deuant dit.

Tout ce qu'ilest ne cessaire au gend'arme de pratiquer pour bien commencer, continuer & finir sa course, afin d'estre estimée belle & bonne.

CHAPITRE XIII.

Placé dans la selle, ny de bien porter sa lance au partir, durant sa course, & à l'arrest; mais il faut qu'il songe à faire en sorte que l'enuie de gagner le prix ne luy fasse perdre sa bonne posture du corps & des jambes: Du corps en portant l'espaule droicte en arrière, & le visage de trauers, ce qu'on nomme faire l'albalestrier: au contraire, faut le porter droit &

ny de la bouche, ne branler & ne baisser la teste en passant sous la bague, ne battre son Cheual pendant la course, mais tenir ses jambes sermes & non essoignées; bref, estre juste, droit & libre sans affectation.

Quel est l'exercice de rompre en lice, & de quelle sorte d'armes il faut que le Gend'arme soit armé.

CHAPITRE XIV.

Aciennement les Caualiers rompoient des lances dans la campagne à camp ouuert sans lice, mais il en arriuoit tant & de si
grands accidens, soit par la perte de la vie des
hommes & des Cheuaux, que pour esuiter à
ses maux, on a inuenté premierement vne haute lisse, qui couure le Cheual & l'homme iufques à l'arrest de la cuirasse; puis on trouua les
basses lices de la hauteur du gras de la jambe
du Caualier, qui seruent pour empescher que
les Cheuaux sur lesquels on a souuent rompu
des lances & qui craignent le choc, ne s'escar-

tent

tent de la carriere; & pour autant que les hommes, nonobstant toutes ces choses, ne laissoient souvent de se faire mal par les grands coups qu'ils receuoient dans leurs habillemens de teste, qui mettoit souvent leur vie en hazard, on trouua moyen de s'armer contre ces perils: Premierement, d'arrester la salade au deuant & au derriere de la cuirasse, auec deux bons auis, puis vn plasteron tout d'vne piece, qui couure le deuant de la cuirasse; sçauoir est tout le costé gauche & l'espaule iusques au gantelet & le costé droit iusques à l'arest, laisfant le bras de la lance libre & la salade, iusques à l'endroit de la veuë: Tellement que l'homme armé en la sorte est hors de ces dangers, mais aussi il ne peut hausser, baisser, tourner la teste, ny remuer l'espaule gauche; seulement il luy reste le mouvement depuis le coude, pour pouuoir arrester son Cheual; & sert cette sorte d'armes, à ce que les coups de lance donnez à l'endroit de la gorge & au dessus, ne sçauroient renuerser la teste atrestée par les deux auis, & par ce plastron que les gens d'armes noment la haute piece, laquelle garde aussi que les coups portez ne puissent nuire au Caualier armé de la sorte. X

Comme quoy il faut que le gendarme monte sur son Cheual.

CHAPITRE XV.

IL seroit bien difficile au gendarme armé de la sorte de pouvoir monter sur son Cheual, si onn'y auoit pourueu: C'est qu'aux triomphes & aux tournois, où il est question de rompre des lances, il y doit auoir aux deux bouts de la lice vn échaffaut de la hauteur de l'estrieux, sur lequel eschaffaut y aura vne celle, ou deux ou trois personnes peuuet tenir; sçauoir est le gendarme, vn armurier pour l'armer, & quelque autre pour luy ayder, estant necessaire en ces actions perilleuses que l'armurier soit tousiours proche pour armer les combattans, afin que rien ne manque & que tout soit iuste; puis l'homme estant armé, on luy amenera son Cheual proche de céteschaffaut, sur lequel il se peut facilement placer pour commencer sa course: Car il est à remarquer que pour rompre des lances en lice, il ne faut pas commenser sa cariere en tournant, pour deux raisons:

La premiere, qu'estant pesamment & incommodément armé, le gend'arme pourroit se
des-adjuster de sa bonne posture, qui luy porteroit grand preiudice au rencontre furieux de
son ennemy: La seconde, qu'il faut partir tous
deux ensemble, asin de se rencontrer au milieu
de la lice, ou d'ordinaire se placent, tous vis à
vis le Roy, la Reyne, les Princes & Princesses
& les plus Grands; ce qui ne se feroit pas iustement, si on commençoit sa course par vne demie volte: C'est pourquoy il faut que les Cheuaux pour faire cét exercice, soient grandement patiens au partir & accoustumez de demeurer arrestez, la teste dans la cariere, & sans
inquietude, tant qu'il plaist au gendarme.

Quels Cheuaux sont les plus propres à cété exercice.

CHAPITRE XVI.

Leurs & ceux qui font receuoir le plus grand choc, pour ueu qu'ils soient assez forts de reins & de jambes pour les soustenir, qui

me fait estimer les forts coursiers, ou les Cheuaux d'Allemagne, ou de taille pareille; Les plus propres qui ne se rebutent pas si tost des rudes rencontres que les Cheuaux d'Espagne & les Barbes, qui ne pourroient porter le gendarme si pesamment armé.

Ce qu'il faut que le gendarme fasse pour bien executer sa course, lors qu'il est bien armé sur son Cheual & la lance en la main, prest à la commencer.

CHAPITRE XVII.

J'Ay desia dit qu'il estoit besoin que les deux gendarmes partissent ensemble pour se rencontrer au milieu de la cariere; & partant, ie veux qu'ils fassent la quatriesme leuée que j'ay cy-deuant declarée dans les courses de bague, & qu'en mesme instant ils posent l'arest de la lance sur l'arest de la cuirasse, & au lieu de laisser tout doucement tomber la pointe de la lance, i'entends qu'elle soit tout à fait à la place pour rompre, vingt pas auant que rencontrer son ennemy, asin d'auoir plus de loisir de s'ad-

juster & donner au lieu que l'on desire, pour rompre de bonne grace, & de prendre garde de ne serrer pas la lance dans la poignée, afin qu'elle ne blesse la main qui se trouveroit serrée; ce qui arriue assez souuent à ceux qui ne sçauent pas ce secret : Il suffit seulement que la mainserue pour soustenir la lance sur l'arest de la cuirasse; puis la lance rompue, si elle se brise prés de la poignée, il faut faire son arest de bonne grace, en leuant le reste du tronçon, qui demeure dans la main; & l'arest fait, le ietter hors lalice dans le camp; mais si la lance se rompoit dans la poignée, il faut en faisant son arest de bonne grace, hausser la main & secouer le gantelet, pour monstrer aux regardans que l'on n'est pas estonné du choc.

ກາວຖຸວ່າກວງ ກາວຢູ່ຍວໄກນ້ານ ພາວໃ aboremies i a jun Lucientali

The real triple triangle and all the sale

CONTRACTOR AND ASSESSMENT OF THE BELLINGS OF THE

En quel endroit il faut que le Gendarme rompe son bois, pour faire mieux paroistre sa course.

CHAPITRE XVIII.

E vray endroit pour rompre de bonne grace, est de rompre depuis la veuë iusques à l'espaule du costé gauche, mais les meilleurs coups sont dans la teste.

Quels sont les deux arests, celuy de la cuirasse?

CHAPITRE XIX

Arest de la cuirasse est une petite piece de ser longue de demy pied & large de deux doigts, attachée à deux bons aius au costé droit de la cuirasse quatre doigts au dessus de la ceinture, qui auec une charnière se plie pour n'incommoder le bras du Caualier hors des lices, lequel arest le gendarme abaisse quandil veut courre. Celuy de la lance

cst vne forte couroye de cuir, large d'vn bon doigt, qui fait deux tours à l'entour du tronçon de la lance, proche le derriere de la main; auquel lieu elle est clouée de bons cloux tout autour, & sert cét arest pour poser au dessus de celuy de la cuirasse, d'autant que sans cela la main ne seroit assez forte pour rompre de grosses lances de guerre, & si par hazard quelque mauuais gendarme manquoit de faire tenir l'arest de la lance sur celuy de la cuirasse lors du rencontre, il n'y a nul doute qu'il seromproit le poignet de la main.

Ce que c'est que l'exercice de rompre des lances à la quintaine, pourquoy & comme quoy il se pratique.

CHAPITRE XX.

Velquefois les Caualiers se lassent de faire vne mesme chose, de rompre en lice les vns contre les autres, ils y treuuent trop de peine & quelquefois du mal pour le continuer si souvent: De courre la bague, ils y prennent bien plaisir & peu souvent s'en lassent, mais ils

n'estiment pas cét exercice assez martial; C'est pourquoy les plus inuentifs ont trouué vn milieu, qui est vne figure d'homme qu'ils placent au mesme endroit que celuy qui courroit en lice contr'eux, & de la mesme hauteur; & la armez, ils rompent leurs lances, s'adjustans contre cette figure d'homme qu'ils nomment quintan, tout aussi bien que contre vn gendarme naturel; & en cette sorte ils rencontrent vns milieu entre la furie de rompre en lice les vns contre les autres, & la gentillesse de la course de bague: L'endroit pour rompreest dans la teste, les meilleurs coups sont au dessus des yeux dans le front, les moindres au dessous; & si quelque mauuais gendarme donnoit dans vn escu, que le quintan porte au bras gauche, il tourne sur vn piuot & frappe volontiers celuy qui s'est si mal seruy de sa lance, lequel courant en partie est mis dehors, & perd ses courses, pour punition de sa mauuaise action. On peut à cét exercice faire celle qui plaist le plus des quatre leuées que j'ay dites cy-deuant, pour les courses de bague, pource que les lances desquelles on court contrele quintan sont foibles & se pequent rompre sans arests, mesme le plus souuent on s'y exerce en pourpoint.

Quel est l'exercice de combattre à Cheual dans les grands tournois & triomphes qui se font en la presence des grands Roys, & comme quoy il se peut entreprendre.

CHAPITRE XXI.

Pour faire cét exercice comme il est requis, il est besoin que le Cheual l'entende & que le Caualier le sçache mener de bonne grace; car plusieurs se trouuent, lesquels sont rire la compagnie par leurs gestes ridicules, de sorte qu'il vaudroit mieux à telles gens demeurer dans leur logis, que d'entreprendre ce qu'ils n'entendent pas, acquerant par ce moyen reputation d'ignorans & d'imprudens tout ensemble.

Ce qui est requis au Caualier & au Cheual pour bien faire.

CHAPITRE XXII.

TE diray premierement que sans vn bon Che-Lual qui aye toutes les parties requises en cette action, le meilleur Caualier du monde & le plus adroit n'y sçauroit acquerir que de la honte; Il faut donc qu'il soit de taille assez forte, & non trop foible, proportionnée à celle du Caualier, & qui le puisse franchement porter armé, qui soit patient & vigoureux, se laissant conduire de la main & des talons, au gallop, à toute bride, arrestant iuste & ferme, maniant terre à terre vigoureusement sur les passades furieuses, sur les demies voltes & sur les voltes, faisant toutes ces actions à toutes les fois qu'il plaist au Caualier, soit large ou estroit, long ou court, sans se mettre en colere, pour la bride, pour les talons, ny pour quoy que ce soit, & sans auoir peur des trompettes, tambours, des armes, ny d'aucuns instrumens de guerre.

Quant à l'homme, il faut toussours qu'il soit droit & bien placé dans la selle, auec liberté & sans aucune affectation, soit en faisant partir son Cheual de la main, en le faisant manier ou en l'arrestant. Bref, ie veux qu'il paroisse aussi libre dans ses armes, comme s'il estoit en pourpoint, & qu'il fasse toutes les actions du combat auec la mesme liberté, n'imitant pas quantité de personnes qui marquent de la teste, du corps, des bras & des jambes, tous les temps que font leur Cheual, soit au gallop, soit terre à terre, haussant le bras de l'espée à contretemps, ou le laissant immobile, criant perpetuellement ou parlant à leurs Cheuaux, en pourpoint il est quelquefois, permis d'animer le Cheual de la voix, aux combats de la guerre le Capitaine peut faire le semblable à ses compagnons, mais à ceux qui se font sur la carriere pour le plaisir; le Caualier ne doit parler ny à son Cheual ny à son ennemy, ains doit songer seulement à commencer, continuer & finir de bonne grace ce qu'il a entrepris, afin de remporter auec applaudissement des regardans, l'honneur & la gloire que merite celuy qui s'en acquitte dignement.

Quand les Caualiers experts ont de bons Cheuaux & bien adroits, ce qu'ils doiuent faire pour bien combattre de bonne grace.

CHAPITRE XXIII.

L faut qu'ils se placent au lieu marqué pour le combat, qui doit estre entre la lice & l'eschaffaut du Roy; que là ils se mettent à quarante pas de distance l'vn deuant l'autre, l'espée en la main, en mesme possure que cy-deuant j'ay dit, qu'il faut tenir la houssuye estant arresté & demeurant ferme, attendant le son des trompettes pour partir, lequel signe ne doit plustost commencer, que chacun serrant les deux talons à son Cheual, baissant la main de la bride de trois doigts & haussant lebras de l'espée, doit eschapper furieusement, passer le plus prés de son ennemy que faire se pourra, & en passant donner vn coup d'espée, non sur la teste à plein, de crainte que ne rencontrant l'homme on blessast le Cheual, mais sur le deuant de la face, tirant vn peu vers le costégauche; puis du mesme endroit d'où son

Cheual est party prendre vne demie volte à courbettes; car c'est-là, comme cy-deuant j'ay dit, ou les belles passades releuées sont ne-cessaires, asin que si quelqu'vn des deux acheue de tourner le premier, qu'il attende que son ennemy aye fait le semblable, son Cheual demeurant en vne place en la belle action des courbettes, & estant tous deux tournez repartir en mesme temps, se rencontrer, se donner encores chacun vn coup d'espée & continuer de la sorte iusques au troissesme rencontre.

Ce qu'il faut que fassent les combattans à ce troissesme rencontre.

CHAPITRE XXIV.

L faut que les deux combattans soient d'accord au troissesseme rencontre, qu'au lieu de passer outre pour aller prendre la demie volte, de demeurer & tourner tous deux sur les voltes vis à vis l'yn de l'autre, se donnant continuelloment) en s'attendant, asin de ne s'embroüiller) des coups d'espée, auec vne action surieuse, & continuer iusques à la troissesseme volte;

puis ayant iustement la teste du costé qu'ils sont entrez, chacun s'en doit retourner furieusement d'où il est party, faisant mine d'aller reprendre vne demic volte, au lieu dequoy deux autres au mesme instant rempliront la place & feront le semblable.

Voila comme quoy les Caualiers doiuent combattre au grand tournois & triomphes, pour se faire estimer; car en ces rencontres ils se peuvent donner de si grands coups d'espécs, que celuy qui n'est bien adroit à les receuoir court bien souuent fortune d'acquerir de la honte au lieu d'honneur; & pour prouuer mon dire, Monsieur le Connestable de Montmorency n'estant encores que Mareschal de France nomme le Mareschal Danuille a donné deux coups d'espée en pareille occasion de tournois & detriomphes, sirudes, que du premier il reuuersa vn Prince sur la croupe de son Cheual; & de l'autre, il porta par terre hors de la selle vn Seigneur de qualité, qui auoit reputation d'estre vn des meilleurs hommes de Cheual de sontemps.

Le premier coup sut donné à Bayonne, quand la Reyne d'Espagne y sut trouuer le Roy

Charles son frere; & l'autre en cette ville de Paris aupetit Iardin, qui est derriere le Louure, aux combats qui furent faits du temps des
nopces de seu Mosseur de Ioyeuse & tous deux
en presence du Roy, de la Reyne sa Mere, &
de tous les Princes, Princesses, Seigeurs &
Dames de la Cour; Aussi deuons nous cette
louange à sa memoire, en disant de luy que ç'a
esté le plus adroit à Cheual & à tous exercices
d'honneur & de vertu de tous ceux qui se sont
rencontrez de son temps.

Fin de la quatriesme Partie.

THE YORK OF SECULOR STREET In the agreemental Bush on the other sand flower to Railda Black and proper and an arranged the Transport time of the configuration and the first of a reputation of a are the self probable to self Committee of the second of the



LA PRATIQUE

DV

CAVALIER.

OV L'EXERCICE

de monter à Cheual.

CINQVIESME PARTIE.

Qui declare quelles sont les emboucheures les plus propres pour les Cheuaux, auec les considerations necessaires pour s'en bien seruir.

Des emboucheures les plus propres pour les Cheuaux.

CHAPITRE PREMIER.



Ant d'excellens Caualiers ont parlé de la sorte, qu'il falloit emboucher les Cheuaux, & particulierement le Seigneur Pietre Antoine Ferare, Gentil-homme

Napolitain, en a escrit si dignement & auec tant de soin & de jugement, qu'il est impossi-

Z

ble de faire mieux : C'est pour quoy ceux qui seront curieux de voir grand nombre d'emboucheures de diuerses façons, pourront ietter l'œil (si bon leur semble) sur ce qu'il en a mis en lumiere. Pour moy, ie me contenteray de dire, que la meilleure qui se puisse rencontrer est celle qui ne fait point de mal dans la bouche du Cheual, conduit par la bonne main du Caualier & par la bonne escolle qu'il luy donnera; car de croire (comme il y en a plusieurs) que la bride seule soit celle qui asseurela teste du Cheual & qui le fasse aller & tourner au gré du Caualier : Ce sont des contes trop absurdes, car tout ainsi que la diuersité des esperons, soit piquants ou mornez, ne font pas manier les Cheuaux s'ils ne sont placez aux talons de quelques-vns qui s'en puissent bien seruir: Tout de mesme, la diversité des brides n'accommode pas la teste ny la bouche des Cheuaux, si la main de celuy qui s'en sert n'est experimentée en l'exercice; neantmoins, il est necessaire de donner de la commodité & du plaisir au Cheualle plus que faire se pourra, estant certain qu'il y a des emboucheures qui peuuent seruir aux vns, qui ne seroient pas propres aux

CINQUIESME PARTIE. 199

la bouche leur apporteroir de l'ennuy. Pour cette cause, ie dis que le principal effect du mors consiste en la branche longue ou courte. slacque ou hardie, l'œil haut ou bas, droit ou renuersé.

Comme pour exemple, si le Cheual porte le nez trop haut, faut que l'œil soit vn peu haut, le bas de labranche iettée en auant; ce qui s'appelle hardie, qui est propre pour ramener la teste du Cheual; si au contraire le Cheual porte la teste trop bas, il faut que la branche soit flacque, iettée en arriere & l'œil bas; mais si naturellement il porte bien sa teste, il sera besoin que les branches soient iustes par ligne droite, depuis le banquet iusques au touret de l'anneau de la renne: Quant à l'emboucheure, la pratiquem'a appris qu'vne douzaine au plus, suffisent pour toute sorte de Cheuaux: sçauoir vn Canou simple, montant peu ou beaucoup ou auec vne pignatelle; c'està dire que le pas d'asne tresbuche en arriere, qui ne peut offenser le pallais de la bouche du Cheual; la seconde, vne escachcà pas d'asne, tresbuchant de mesme; la troissesme, vne escache à deux

petits melons à couplet, montant garny d'annelets rayez; estant à noter que tous les pas d'asne en doiuent estre garnis, pour donner plaisir à la langue du Cheual; la quatriesme tout de mesme, excepté que l'escache doit estre de la forme d'un petit bâtonnet, & les melons vn peu plus hauts, comme balotes; la cinquiesme, deux melons auec deux petits anneaux derriere à pas d'asne, tout d'vne piece; la sixiesme, deux poires fort estroites auec deux petites balotes prés du pas d'asne, quitresbuche des deux costez; la septiesme des poires coupées à pas d'asne; la huictiesme, deux poires renuersées à la Pietro Antonio, le pas d'asne prenant entre la branche & la poire; la neufiesme, vne pluuinelle, qui est l'emboucheure toute d'vne piece à peu prés, comme vne simple genette; la dixiesme toute semblable, sinon deux petites balotes fort estroites, enchassées dans l'omboucheure; l'vnziesme, vne bastarde qui tient de la genette & de la françoise, qui est de l'ouuerture, & non point le pas d'asne, la gourmette estant tout d'vne piece, de façon qu'elles soustient iuste le mors ; la douziesme, vne genette, que j'estime estre propre pour les

CINQUIESME PARTIE. 201

haquenées, Cheuaux de pas ou de chasse, pource que cela les rend plus legers à la main; mais pour bien ordonner vn mors à vn Cheual qu'on veut emboucher, il faut sçauoir connoistre ce qu'il a besoin pour sa commodité & celle du Caualier.

Premierement, que le Cheual ayt la commodité de la langue qui luy est necessaire, que l'emboucheure porte iustement sur le coin des gensues; puis si la leure est trop grosse, la separer d'auec la gensiue auec les annelets, y avant quantité de Cheuaux qui mettent la leure sous l'emboucheure; & par ce moyen ostent l'effet. En apres, il faut bien approprier les branches à l'emboucheure, courtes, longues, flacques, ou hardies, l'œil haut ou bas, selon quele requiert la forme de l'encolure & la posture de la teste du Cheual, prendre garde aussi sur toutes choses que la gromette porte & repose en sa place, quiest le petit ply sous la barbe du Cheual; & si par hazard le crochet de la gourmette pinsoit la leure, il le faudra fort courber en haut vers la branche du mors, ce qui arriue fort souuent; principalement quand l'emboucheure est vn canon, à cause de sa rondeur, qui enfle & releue la leure.

Considerer en outre si la bouche est beaucoup senduë, & en ce cas luy mettre du ser dauantage dedans, ou bien mettre la tranche sille plus haut prés de l'œil de la branche, voire dans l'œil mesme s'il est besoin: Si aussi la bouche est peu senduë, luy saudra mettre peu deser dedans, & s'il est besoin oster la tranche fille du tout; sile Cheual ouure la bouche par trop, le pas d'asne à la pignatelle luy sera plus propre, pource qu'il tresbuche en arriere sur la langue, ayant esté inuenté tout exprés pour cét esset, & pour n'offenser le pallais de la bouche du Cheual, si il tourne la bouche en façon de si-seaux deçà & delà.

Les emboucheures d'vne piece sont les meilleures & necessaires pour empescher cette action mal-seante, & a tels Cheuaux serrer fort la muserolle; toutes lesquelles choses sont si necessaires d'observer soigneusement, que manquant en la moindre partie, la bouche du Cheual & la main du Caualier ne peuvent auoir leur commodité parfaite.

Voila donc en termes generaux ce que ie iuge pour emboucher toutes sortes de Cheuaux, tant pour la proportion des branche, que du

dedans de la bouche du Cheual, en y adioustant ou diminuant, auançant, reculant ou changeant quelque piece de l'emboucheure; car pour la gourmette, encores qu'il s'enfasse de plusieurs façons, ie ne meserts que de l'ordinaire bien proportionnée, excepté quand le Cheual à la barbe desliée, tendre & fort sensible, il y en faut approprier vne de cuir, iusques à ce qu'il soit du tout ferme de teste, estant tresnecessaire de bien adiuster cette piece, principalemeut à ceux qui n'ont que la peau sur la barbe, & point de petit ply pour tenir & empescher qu'elle ne monte pas trop; ce qui se rencontre quelquefois en beaucoup de beaux & bons Cheuaux; mais pour y remedier, il faut tenir les crochets de la gourmette vn peu longs & courbez, & par consequent, les mailles ou anneaux plus courts; & s'il est besoin, mettre vn petit annelet au dessus de chacun des deux crochets dans l'œil de la branche du mors, qui empeschera le crochet de se sousseuer & le contraindra de demeurer tousiours bas en saplace, que ie trouue estre le plus grand secret pour adjuster la gourmette.

Quant à la mesure & proportion des mors,

204 LA PRATIQUE DV CAVALIER,

tant des branches que des emboucheures, il ne s'en peut parler qu'en general, pource que chaque Cheual portant la iuste mesure de sa teste, desabouche, desa bonne ou mauuaise posture & de son encolure, c'est au prudent & iudicieux Caualier d'approprier l'emboucheure & la branche selon ce qu'il connoistra estre expedient pour la commodité de luy & de son Cheual. Voila donc ce que j'ay creule plus necessaire pour emboucher les Cheuaux, & ce qui m'empeschera que ie ne m'estende dauantage en cette recherche, joint qu'ayant esprouué le peu de profit que la quantité d'emboucheures apporte, cela m'a obligé de m'arrester à ce que j'ay trouué le plus vtile, pouuant dire auec verité n'auoir iamais veu de Cheuaux, qui auec la bonne escolle, ne se soient accommodez & demeurez en bonne action auec l'vne des emboucheures cy-dessus nommécs.

Ce que i'estime estre necessaire de pratiquer pour instruire les Cheuaux en ce bel exercice.

CHAPITRE II.

Pres auoir parlé des moyens de reduire les Cheuaux par nostre methode, que j'estime, comme j'ay desia dit, la plus aisée, la plus certaine, la plus briefue & la moins perilleuse pour les hommes & pour les Cheuaux, j'ay creun'estre pas hors de raison si ie dis aussi ce qu'il me semble pour instruire ceux qui ont

desir d'apprendre ce bel exercice.

Ayant obserué que la pluspart de ceux qui l'enseignent parlent beaucoup à leurs escoliers, ie puis dire auec verité que j'ay reconnu par la pratique & par la raison qu'il faut faire tout le contraire; ce qui me porte à dire hardiment qu'on peut plus dresser d'hommes en parlant peu & quand il est temps, qu'en criant à toutes heures, comme plusieurs de ceux qui enseignent ont accoustumé, ne croyant pas (beaucoup y a il) estre dignes d'estre appellez est

Aa

206 LA PRATIQUE DV CAVALIER,

cuyers, si de momens en momens ils n'vsoient de menaces & d'iniures, & quelquefois de coups à leurs escoliers, & le tout sans raison; car il n'en peut reussir aucun bon effet, en ce que l'homme ignorant estant dessa assez estonné dese voir sur vn Cheual qui l'incommode, & duquel les extrauagances le mettent en crainte; Si parmy tout cela celuy qui l'enseigne va augmenter son apprehension par ses menaces, sans doute il continuera long-temps cette methode auant que rendre son escolier sçauant, pource qu'il fait tout le contraire de ce qu'il conuient, mettant en crainte celuy auquel il est besoin de l'oster & luy donner l'asseurance, ce qui se doit nommer vne pure ignorance; car puisque la vraye & parfaite science est d'arriuer bien-tost à la fin que l'on desire, & que par cette voye on n'y peut jamais atteindre, ceux qui suiuent le contraire se peuuent à bon droit nommer ignorans; & pour soustenir mon opinion, ie dis que si l'escolier qui commence à apprendre commet quelque faute, soit en son action, ne gardant la bonne posture qu'on luy aura enseignée, soit en la conduite de son Cheual, il faut considerer s'il est à propos

CINQVIESME PARTIE. 207

dele reprendre; & pour le connoistre, il faut iuger le sujet qui le fait faillir; Si c'est manque de tenuë, si c'est estonnement, ou si c'est faute d'esprit ou manque de memoire qui l'ait empesché de retenir ce qu'on luy aura dit; si c'est manque de tenuë, ce seroit vne folie bien grande de reprendre vn homme de sa mauuaise posture, & de manquer à la conduite de son Cheual, lequel est si empesché à se tenir, qu'il ne fonge à autre chose. Il faut donc auparauant que d'en venir à la reprehension, luy apprendre à se tenir ferme; au semblable si c'est quelqu'vn qui s'estonne, on profiteroit foit peu durant cét estonnement de censurer ses fautes, parce qu'il n'a rien deuant les yeux qu'vne continuel le apprehension, qui le rend sourd à tout ce qu'on luy peut dire. Il est besoin premierement d'oster cette crainte pour luy rendre l'vsage de la raison & la facilité de bien conceuoir ce que l'on luy enseignera; si c'est faute d'esprit (ce qui est le plus fascheux) car il est tres-difficile d'en donner à ceux qui n'en ont point; Neantmoins, les reprehensions aigres & les tourmens ne luy en donneroient pas dauantage; au contraire, elles estoufferont ce peu qu'il en aura;

A a ij

208 LA PRATIQUE DV CAVALIER,

de telle sorte qu'elles le rendront incapable de quoy que ce soit, il y faut plustost aller par douceur, pource qu'il n'y a que la longue pratique qui luy puisse faire apprendre ce qu'on desire, à quoy il faut trauailler doucement pour resueiller cette grande stupidité, plustost que d'assoupir tout à fait vn esprit qui ne l'est

desia que trop.

C'est ce qu'il faut que celuy qui enseigne considere de prés, asin d'apprendre quand il est
temps de parler, & quand il se faut taire; En
vn mot, il faut asseurer parfaitement l'homme
sur le Cheual, auparauant que de le reprendre,
& lors qu'il est asseuré, il est besoin de luy enseigner à se sentir; car il y en a plusieurs qui faillent faute de sentir ny eux ny leur Cheual; &
pour preuue, tel pensera la croupe de son Cheual trop dans la volte, qu'elle est trop dehors:
Tellement qu'il est besoin de connoistre quand
l'homme se sent & ce qu'il fait, asin de luy monstrer distinctement le moyen, en cas qu'il ne
le sçeust; ce qui ne s'execute pas en criant ny
en menaçant.

De plus, il faut laisser faillir l'escolier au commencement, asin (s'il est possible) qu'il remar-

CINQVIESME PARTIE. 2007

que & qu'il se corrige tout seul de sa faute, apres toutes sois l'en auoir fait apperceuoir vne fois ou deux, afin qu'il ne s'attende pas qu'on luy parle tousiours, & qu'il ne s'endorme l'entendement en cette attente. C'est pourquoy ie laisse quelquefois gourmender & battre vn Cheual sans sujet à vn escolier que ie connois manquer de resolution, afin qu'il prenne de la hardiesse; car apres on corrige sans difficulté les desfauts qui viennent par trop de resolution, & bien plus aisément que ceux qui sont causez par trop de crainte, aymant beaucoup mieux qu'vn escolier entreprenne trop que peu, puisqu'il n'y arien plus agreable à voir que la diligence & la resolution à l'homme & au Cheual en maniant, ny plus desagreable que la lenteur & la molesse. Voila donc la maniere que ie serois d'auis de tenir pour enseigner les hommes, & les raisons qui doiuent obliger ceux qui instruisent de se servir de la douceur; car puisque ie veux, s'il m'est possible, dresser mon Cheual par toutes sortes de voyes douces, il est bien plus raisonnable que i'exerce la mesme douceur enuers les hommes,

lesquels outre qu'ils sont susceptibles deraison, ils n'ont pour but que le desir d'apprendre la vertu.

Fin de la cinquiesme Partie.





TRATTE

DES MOYENS

POVR EMPESCHER LES DVELS, Et pour bannir les Vices qui les causent.

SIXIESME PARTIE.

Pres auoir cy-deuant enseigné bien au long la pratique de dresser les Cheuaux pour les rendre capables de seruir la Noblesse dans la guerre & dans les triomphes, tournois

& autres magnificences qui se font en la prefence du Roy & de tout le peuple, auec grand appareil & ceremonie, & d'auoir aussi parlé de la maniere d'instruire la jeunesse des meilleures maisons du Royaume en ce bel exercice, j'ay creuestre obligé de tascher à conseruer la vie de tant de genereux Gentils-hommes, que les duels rauissent si souvent à l'Estat, & de-clarer les moyens que i'estime les plus asseurez

pour les empescher.

Pour cét effet, ayant remarqué que les Roys. qui ont regné par tant de siecles dans cette Monarchie, & qui durant ce long espace de temps se sont maintenus en cette grandeur, augmentéleur Estat, & porté leurs Armes vi-Aorieuses ou bon leur a semblé, malgré tous les efforts de ceux qui se sont voulu opposer à leurs desseins, ont encores prudemment & sagement reconnu que le principal moyen qui les a conseruez, & qui a par plusieurs fois fait reuffir leurs genereuses entreprises, a esté lavaleur extréme que toute leur Noblesse leur a fait: paroistre en ses occasions. La preuve de cette verité se peut faire par l'exemple que nous. en auons en la personne du tres-victorieux Prince HENRY LE GRAND, lequel das les. guerres qu'il a euës dans son regne, assisté de ses inuincibles courages, a remply l'Uniuers de tant d'admiration par ses inimitables actions, qu'il a luy-mesme donné cette louange à ses nobles cœurs, de dire que leur ay de auoit esté

POVR EMPESCHER LES DVELS. 213

la cause du restablissement de son Estat, pour auoir si genereusement hazardé leur vie en toute sorte delieux, sans regarder à quoy ils l'employoient, pourueu que l'execution du dessein reussist au contentement de leur Roy. Ce qui a obligé plusieurs fois ce bon Prince, voyant l'affection de cette genereuse Noblesse, de dire qu'il s'estimoit heureux, non pour estre Roy d'vn si florissant Royaume, mais pour estre Capitaine d'vn si grand nombre de vaillans hommes, par la valeur desquels il esperoit de conquerir non seulement vn Estat comme cettuy-cy, mais encores tout le monde si l'enuie luy en eust pris, ne croyant rien capable de resister à ses armes, quand il les eust employées, qui fait que les causes de nos regrets sont si iustes, qu'il me seroit impossile de les exprimer, à moins que de representer toutes ses vertus, lesquelles pour les mettre par ordre, les meilleures plumes de l'Uniuers n'y sçauroient donner atteinte. Ie ne veux seulement faire remarquer icy que celle de son bonnaturel & de son grand iugement; de son bon naturel, en ce que ses plus grands delices ont tousiours esté de recompenser tous ceux qui l'ont fidelement

seruy, & non contant d'auoir donné la recompense meritéeà ceux-là, il a fait voir clairement qu'il n'a point fait de mal à ses ennemis quand il en a eu le pouvoir. Toutes lesquelles choses ne le satisfaisoient encores, disant que de donner du bien aux hommes qui le meritoient, c'estoit l'ordinaire des Princes genereux; voulant que tout ainsi qu'il estoit hors du commun de tous les autres Princes, ses actions fussent aussi reconnuës plus rares, que les autres ne donnoient qué des biens, & que luy, vouloit donner la vieà mille & mille Gentilshommes que les combats particuliers luy rauissoient, lesquels il vouloit conseruer pour s'en seruir en de plus iustes occasions; Entreprise certes digne d'vn grand Monarque comme il estoit, & à laquelle tous ses predecesseurs auoient manqué.

Pour la commencer, il eut besoin de se seruir de son iugement, qui le sit considerer qu'vne maladie inuenterée ne se peut guarir tout d'vn coup, & que les courages François estoient si chatouilleux aux offenses, que rien que la seule vengeance ne pouvoit arrester ce seu: Il sit comme le bon Medecin, quine dessend pas à

POVREMPESCHER LES DVELS. 21;

fon malade la qualité de la viande qui luy nuit, mais bien la quantité: De mesme, il ne leur desnia pas les combats, mais illeur en dessendit l'entreprise sans permission; laquelle estant demandée, ceux qui auoient l'autorité de la donner auoient aussi commandement de la resuser, sinon en toute extremité de faire satisfaire l'ofsensé de telle sorte, qu'il eut occasion de se contenter, esperant par-là espargner la vie de tant de Noblesse, que l'imprudence assistée de colere conduisoit tous les iours au tombeau; ne croyant pas qu'il y eut gueres de disserens, que des personnes d'autorité & de iugement ne peussent terminer par la douceur.

Voila en verité vn beau dessein & digne d'estre entretenu, mais ie voy aujourd'huy tant de mescontement parmy la pluspart de la Noblesse courageuse, qui dit qu'on les veut mettre au Pair par ce moyen auec les lasches courages, desquels il faut qu'ils endurent, & que plussost que cela soit, ils ayment mieux e laisser est veu & s'en voit assez souuent des tesmoignages. Car de croire que la punition

Bb ij

ignominieuse du mort ny du vif arreste le cours de cette furie, c'est ce que ie ne pense pas, bien en pourra-t'elle retenir quelques-vns, mais quelques autres emportez de ce feu ne s'empescheront iamais de faire quelque coup de desesperez. Il me semble que i'entends aussi quantité de plaintes en cette Cour de ceux qui sont offensez, disant qu'on leur deffend bien de tirer raison de leur offense, mais qu'on ne leur donne pas sujet de contentement, en ce que se plaignant & demandant le combat on ne leur veut accorder: & si on ne les fait pas satisfaire auec la promptitude requiseau ressentiment qu'en a l'offensé; car il s'en est treuué qui ont supporté vn démenty par longues iournées, premier que d'en auoir eu la satisfaction requise (à leur grand desplaisir) disant que si il leur eust esté permis se seruir de leurs armes, leur contentement eust esté plus brief, n'y ayant rien si doux à vn braue courage, que de repousser vne iniure receuë, ny plus ennuyeux, que de voir son ennemy sans luy oser riendire.

Ceux qui ont encores plus d'occasion de se douloir sont ceux qui sont dans les Prouinces, disant qu'on leur commande l'impossible

POVREMPESCHER LES DVELS. 217 quand on leur ordonne de se plaindre à Messieurs les Mareschaux de France, Gouverneurs & Lieutenans de Roy; chose tres difficileà cux, d'autant que la pluspart des Mareschaux de France, Gouverneurs & Lieutenans de Roy, ne sont presque iamais dans leurs Gouvernemens: Tellement que de les venir chercher à la Cour oùils font leur demeure plus ordinaire; Il est impossible à vn pauuie Gentilhomme qui trauaille assez, à viure de son mesnage en sa maison, d'entreprendre vn voyage de silongue haleine pour y despendre tout son bien; & qu'ainsi il ayme autant perdre la vie en se vengeant, que de viure apres auoir esté chercher vne satisfaction du tout à saruine. Que de plus, nous sommes en vne saison où la pauure Noblesse est tellement mesprisée, au prix de ceux qui portent le clinquant, que si vn pauure Gentil-homme venoit de la Campagne habille, modestement, demander le combat contre quelques vns plus releuez en biens & en fortunes que luy, il n'y a nul doûte que la pluspart de ceux qui ne passent leur temps qu'à rire du mal-heur d'autruy, luy feroient vne huée & le contraindroient

peut-estre de s'en retourner (les rieux n'estant de son costé) crainte de receuoir vn affront, ou bien s'il venoit à vn accord, se seroit auec tant d'inegalité & mespris de sa partie, qu'il n'y a nul doute que sentant son courageaussi bon que celuy qui aura plus de bien que luy, il se retirera auec tant de desplaisir, que si pareille occasion se presentoit. Il est certain qu'il se resoudroit plustost à perdre la vie auec tout ce qu'il possede, & endurer encores toutes sortes de supplices, que de se sousmettre à d'autre satisfaction que celle que luy doneroit son espée. Tellement que cela estant, & suiuant tousjours la voye de la rigueur, sans donner des voyes plus faciles aux offensez de tirer raison de leurs offenses, ce n'est pas l'inuention de couper cette racine, au contraire il en peut arriuer du mal-heur, carfaisant ressentir les rigueurs de l'Edict à ceux qui le transgressent, c'est desobliger toute la famille de celuy qui aura receu l'ignominie; de telle sorte qu'encores qu'ils ne fassent semblant pour l'heure d'en auoir du ressentiment, neantmoins il faut croire qu'ils ne sont pas insensibles, puis qu'ils sont nés François.

POVR EMPESCHER LES DVELS. 219

En disant ces choses, ie n'entends pas parler contre les Edicts si sagement ordonnez par ce tres victorieux Prince HENRY LEGRAND; au contraire, mon intention n'est que d'en faciliter l'execution, sans que personne aye nulle occasion de mescontentement, quand on apportera toutes sortes de rigueurs pour les faire obseruer, m'asseurant que les Peres mesmes seroient les luges de leurs Enfans; & pour paruenir à ce but, ie feray voir deux moyens fort aysez & necessaires, de suiure comme ie croy, mais aupara-uant ie diray.

Qu'il faut que l'Edict soit entretenu en toutes ses parties, & plustost mesme en augmenter les peines, que de les diminuer; d'autant que c'est vne chosé qui fait tort à l'autorité Royale, que de commander sans estre obey; en ce que de la desobeyssance, toutes les licences mauuaises prennent leurs origines, & vaudroit beaucoup mieux à vn Prince ne commander rien & ne faire point de loix que de n'estre obey, & ne les faire pas obseruer, mais pour faciliter la voye aux offensez de se saire faire sans trauail ny sans inquietude.

Le premier moyen est, que ceux de la Cour & qui la suiuent d'ordinaire, ont Messieurs les Mareschaux de France si proche d'eux, que s'ils manquent à obeyr aux Edicts, ils meritent de seruir d'exemple plustost que les autres. Pour ceux qui sont dans les pays, il y a vne voye fort facile, qui est qu'en chaque Prouince il pleust au Roy de nommer trois Gentils-hommes & leur donner Commission, portant pouvoir de connoistre des querelles & d'en doner le jugement en l'absence des Gouverneurs & Lieutenans duRoy, aufquels Gentils-homes, les offensez ayant fait leur plainte, auroient le pouuoir de leur faire dessenses de passer outre, & leur ordonner de se trouuer aux lieux plus commodes qu'ils esliroient pour entendre leurs differends; & si le Gouverneur & Lieutenant de Roy estoit dans le pays, j'entens que l'assignation soit prise deuant celuy qui y sera, afin que l'autorité qui leur est acquise par leurs charges d'ordonner des querelles, leur soit conseruée, & qu'ils prononcent le iugement qui en sera fait auec l'aduis de ceux qui seront commis par le Roy en leur absence pour faire cet Office, ausquels ils feront l'honneur de leur demander,

POVR EMPESCHER LES DVELS. 22F

der, & les appeller en pareilles occasions pour leur rendre assistance: Mais si l'vn & l'autre n'estoient dans le pays, ils pourront iuger l'affaire selon qu'ils aduiseront; & si l'vne des parties n'agreoit leur iugement, il seroit permis à celuy quine seroit content, d'appeller par deuant le Roy & Messieurs les Mareschaux de France: Mais incontinent son appel formé, il faudroit qu'il fut contraint auant que d'y estre receu, de donner argent entre les mains de Messieurs les Deputez, afin qu'ils depeschassent promptement vers mesdits Seigneurs les Mareschaux de France, auec le sujet de leur querelle escrit bien au long, & leur iugement donné là dessus; & où le Roy, assisté de Nosseigneurs les Mareschaux de France, trouueroit l'affaire bien iugée par le premier iugement, sa Maiesté auroit agreable de condamner l'appellant à telle punition qu'elle verroit bon estre, afin de chastier son insolence d'auoir esté si imprudent d'appeller pour la seule vanité d'estre iugé par la bouche de sa Maiesté, y en ayant de si vains & de si glorieux, qu'ils formeroient exprés des querelles, pour auoir l'honneur de paroistre deuant le Roy, & tas-

TRAITE DES MOYENS

cher par ce moyen à luy donner vne bonne opinion de leur courage, quoy que peut-estre il s'y trouuast du manque: C'est pourquoy sa Maiesté connoissant cette gloire, pourroit outre le chastiment qu'elle leur feroit ressentir, les condamner auec les frais du voyage à vnegrofse amande, qui seroit employée à ce que ic diray cy-apres. and wrantenant stall!

Mais si le Roy auoit la bonté, comme ie viens de dire, de vouloir prendre la peine, vn ou deux jours chaque mois, de se faire rapporter deuant luy les sugemens qui auroient esté donnez dans les Prouinces par les Gouverneurs, Lieutenans de sa Maiesté, ou les trois Gentils-hommes députez pour cela, desquels il y auroit appel, pour fur iceux donner tels iugemens qu'il auroit agreable. Cette bonté extréme & cette tendresse que le Roy tesmoigne roit à toute sa Noblesse, de vouloir prendre soin des affaires qui regardent leur honneur, & de les juger elle-mesme lors qu'ilenseroit be soin, toucheroit st sensiblement le cœur des Gentils-hommes (voyant cette extreme bonté & faueur de leur Prince) que iene croy pas que tous ne se resolussent aysément à cette

obeyssance, puisque c'est vne chose connuë de tout temps en ce Royaume, que la Noblesse se retient bien plus facilement dans l'obeyssance, par les faueurs que les Roys leur tesmojgnent, en prenant soin d'eux, que par toutes les peines les plus rigoureuses; & ainsi le Roy s'interessant en cette cause & faisant l'honneur à toute sa Noblesse d'y vouloir donner de son temps, cela porteroit vne crainte generale par tout l'Estat, qui empescheroit beaucoup de maux: Et d'autant qu'il faut éuiter de tout son pouvoir de donner du travail à l'esprit de sa Maiesté, toutes les affaires dont ie parle poutroient estre mises en si bon ordre, que (comme ie viens de dire) le temps d'vn iour par mois suffiroit pour estre rapportée deuant elle.

Les raisons pour quoy ic desire que dans chaque pays il y aye ce nombre de Gentils-hommes ordonnez, pour faire cét Office sont quatre. La premiere, que cela approche plus prés de la forme, que la Noblesse a accoustumé de tenir quand ils ont quelque different, en ce qu'ils nomment chacun vn ou deux de leurs amis, au iugement desquels ils se sousmettent d'obeyr. La seconde, qu'il est tout certain que

la faueur ne regne iamais gueres en vne iustice où les Officiers sont changez tous les ans. C'est pourquoy ceux qui seront luges vne année, & qui verront que celle d'apres il faut qu'ils acquiescent au dire d'autruy, & peut-estre à celuy de quelques-vns de ceux à qui il auroit fait iniustice, qui luy pourroit rendre, cela les obligera de regarder de prés à suiure la droite voye, joint aussi que si on leur faisoit quelque reproche apres qu'ils seroient hors de charge, ce leur seroit vne tache d'ignominie qui les empescheroit d'estre employez en quelques autres affaires de plus grande consequence pour le service de leur Prince. La troissesme raison est, que cette nomination estant faite tous les ans, cela donnera de l'émulation à toute la Noblesse de tascher de se rendre capable d'atteindre à cét honneur, d'estre estimez propres à seruir leur patrie à vne si belle action. La quatriesme raison est, que la pluspart de la Noblesse qui demeure en la Campagne, & qui n'a iamais frequenté la Cour ny les Grands, pour leur peu de moyens, qui ne leur a peu permettre faire cette despence, se sentant obligez d'aller demander le combat à Messieurs les

POVR EMPESCHER LES DVELS. 225

Marcschaux de France, Gouverneurs ou Lieutenans du Roy, il n'y a nul doute que ne les rencontrant sur les lieux, ils aymeront mieux se mettre au peril de perdre leur vie & se vanger, que de vendre leur bien pour s'aller plaindre; & si par hazard ils sont dans les pays, ils se trouueront si estonnez pour n'auoir accoustumé la frequentation des personnes d'autorité, que plusieurs, plustost que se presenter deuant eux, se resoudront à tirer la raison de leurs offenses, auec les armes; ce que ie croy qu'ils ne feroient, si la forme que j'ay ditecstoit suivie, parce qu'ils ne trouueroient pas si estrange de se presenter deuant ceux qu'ils auroient accoustumé de voir, que deuant gens qui ne seroient de leur connoissance, & desquels ils redouteroient les jugemens.

De plus, il en arriveroit encores vn autre grand bien, c'est que la pluspart des querelles estant sondées sur des procez, on pourroit par mesme moyen accorder beaucoup de disserends, qui causent aujourd'huy la ruine de la pluspart de la Noblesse, & s'il se trouvoit quelque querelle si dissicile à accorder l'offense,

C c iij

estant telle qu'ellene se peust reparer que par le sang de celuy qui l'auroit faite, ou par la seule autorité Royale; en ce cas, les Gentilshommes nommez par le Roy pour terminer ses differends dans les Prouinces, pourroiene renuoyer les parties deuant sa Maiesté pour iuger ce que bon luy sembleroit, sur vne ample relation qui seroit enuoyée de leur different; & ainsila Noblesse ayant les voyes ouuertes pour auoir satisfaction de leurs offenses par l'accord ou par les armes, ne deuront plus attendre qu'vne seuere punition, en cas qu'ils se trouuent contreuenir aux Edicts du Roy.

Le second chemin queie iugerois à propos detenir, ne sembleroit pas estre bon ny Chrestien; mais quoy que ce soit, il est fort politique & mesmese peut, comme ie croy soustenir, en ce que l'on dit qu'il est permis de souffrir vn peu de mal pour empescher vn tresgrand mal; qu'il est permis de hazarder vn homme pour sauuer toute vne armée: Tout de mesme, i'estime qu'il seroit sans offense de consentir vn combatou plusieurs selon le besoin, pour éuiter quantité de combats, & croy que qui en accorderoit quelquefois & mesme

POVR EMPESCHER LES DVELS. 227

à ceux qui tesmoignent en auoir tant d'enuie, qu'apres peu se presenteroient à en demander imprudemment; & s'est veu vn exemple à ce propos, lors que feu Monsseur le Mareschal de Brissac estoit en Piedmont, il sut vn temps qu'en l'armée où il commandoit; ils se faisoit souvent des combats, nonobstant ses deffenses, à quoy il ne trouva meilleure inuention pour éulter ce mal, que de permettre de tirer raison de son offense par les armes, pourueu qu'on luy demandast; & vnpeu apres accorda le combat à deux qui tesmoignoient le desirer auec passion, depuis lequel, personne ne se presenta pour luy requerir; & par cette voye, il chassa les duels d'auprés de luy. On me pourra objecter là dessus; que si les combats sont consentis si facilement à qui les demandera, qu'il n'y aura homme de bien en France asseuré de sa vie, & que nous auons veu le temps, que lors que quelque jeune homme estoit nouveau venu des pays Estrangers, où la pluspart apprennent à tirer des armes. Il ne pensoit pas estre estimé galand homme, s'il ne s'estoit battu en duël & s'il n'auoit attaqué quelque braue courage pour se

signaler (se persurdant par la bonne opinion qu'il auoit conceue de son adresse, que les plus vaillans ne pouuoient subsister deuant luy) & pour cette occasion, on a veu par le passé des querelles prises par ses ieunes gens contre des personnes esprouuées, sur si peu de fujet, que si on n'y auoit l'œil, la permission des combats seroit pour en venir encores-là. Mais à cela, on peut facilement respondre &: dire, lors queses esprits bouillans alloient inconsiderement fascher les plus sages, pour rendre à leurs despens tesmoignage de leun hardiesse, ils faisoient ses entreprises sans congé; mais à cette heure qu'il faut demander le consentement, j'entends qu'on ne le donne à personne qu'aucc connoissance de cause; pource que si les imprudens se veulent auantager sur l'honneur de quelque Caualier sage: & courageux, & le fascher de gayeré de cœur pour l'obliger à demander le combat lors qu'il fera la demande: Il faut sçauoir la cause & si les Iuges connoissent que sans sujet celuy qui se pleint a esté offensé, il est besoin que celuy qui sera si osé d'offenser inconsiderement, pour se signaler aux despens d'autruy, soit chastié si exem-

POVR EMPESCHER LES DVELS. 229

exemplairement, que les autres ayent apprehension de la rigueur que luy aura produit sa presomption; estant mon opinion que celuy qui attaque vn autre sans cause, merite plustost de perdre la vie, que celuy qui auec cause. legitime a recours à ses armes pour repousser l'iniure, bien que contre les Loix, que selon mon aduis les combats estant quelquefois permis, apporteront beaucoup de pacification aux querelles; car il est tout certain que la plus part croyent, que quoy qu'ils fassent, & quelque sujet d'offense qu'ils donnent, on n'accordera iamais le combat à ceux qui auront cause: de le requerir; si bien que par cette voye les poltrons ont gagnéleur procez, & ne se soucient de quereller (sur cette asseurace) les plus gens de bien. Mais s'ils voyoient le chemin ouuert de se satisfaire auec la pointe de l'espée, cela feroit qu'ils retiendroient leurs langues, changeant leurs actions glorieuses & insupportables en de plus douces.

La troissesseme voye & la plus asseurée pour déraciner cette maladie de si longue main inueterée parmy les plus braues courages, est d'en oster la cause, & l'estousser dés sa naissance; car il ne sussit pas de faire des dessenses que l'on ne commette point de vice, & mesmes ordonner des peines pour les mal-faicteurs: Mais il faut faire en sorte qu'il n'y ait point de delinquants, ou que le nombre en soit si petit, qu'il ne se connoisse pas parmy une si grande multitude; chose fort aisée à faire & mesme dans cét Estat, où les esprits sont si naturellement inclinez à la vertu, qu'ils ne se portent iamais au vice, sinon par accident, qui fait qu'ayant connoissance que la ieunesse d'aujourd'huy s'y laisse comme insensiblement transporter par faute de bonne nourriture, & que leur nature se forme aubien ou au mal, depuis l'âge de quatorze ans iusques à vingt.

Pour éuiter aux mal heurs qui en arriuent tous les iours, toute la France au ec moy doit tres-humblement supplier le Roy de trouuer bon l'aduis que ie luy donne, de fonder quatre Colleges d'Armes ou Academies en cét Estat, l'vne à Paris, la seconde à Tours, la tierce à Lyon, & la quatriesme à Bordeaux, & y commettre en chacune vne personne de qualité & de suffisance, digne d'en auoir la conduite, leur donnant commoditez pour cela, asin que

POVR EMPESCHER LES DVELS. 23F

par le moyen de cét ay de ils puissent faire meilleur marche des pensions, & qu'ainsi les pauures Gentils-hommes y soient aussi bien receus que les riches; d'autant qu'il n'y a aujourd'huy que ceux qui ont quantité de biens qui puisfent faire instruire leurs enfans aux bonnes mœurs, en ce que pour faire instruire vn ieune homme, il faut pour la pension de luy & d'vn lacquais pour le seruir, cinq cens escus par an, sans conter les habits & autres choses necessaires; & si encores ceux qui tiennent les escholles ne peuuent à ce prix-là faire les choses que ie diray cy-apres, ny s'acquitter si dignement de cét Office qu'ils desireroient; mais estant un peu secourus du Roy, ils pourront mettreles pensions à mille liures ou moins, s'il se trouue qu'ils y puissent subsister; & ainsi se sera ouuris la porte aux pauures, qui n'ont pas le moyen aujourd'huy defaire vne si grande despense pour la nourriture de leurs enfans.

Que si on me repart qu'il y en a en France qui ont fait de pareilles entreprises sans auoir sécours que de celuy qu'ils peuvent pratiquer parleur labeur, ie respondray que plusieurs à Paris se sont efforcez d'arriver à ce but,

mais peu ailleurs, & point du tout ny à Paris ny aux autres endroits, qui puissent splendidement faire cette affaire. La premiere raison est, qu'il n'y a point de gens de qualité en cét Estat (ou fort peu) qui se messent de cét exercice, & que la pluspart de ceux qui y vacquent n'ayant autre but que leur profit particulier, il est impossible que par cette voye ils puissent biens'acquitter de leur deuoir; estant tout certain que les affaires domestiques ont tousiours nuy & nuiront aux publiques. Mais qui voudra nettement & en conscience faire quelque chose qui luy apporte de l'honneur, il faut qu'il aye vn fond duquel il soit asseuré, afin qu'il ne soit point forcé à vser de compliment & d'attraits enuers ses escoliers, pour les retenir ou pour en attirer d'autres (que le vulgaire nomme propremét charlatannerie) & ce de crainte que manque d'escoliers la charge de son équipage luy demeure sur les bras, sans autre recours que ce qu'il pourra retirer de son bien, ce qui n'est pas raisonnable; car il n'y a nulle apparance qu'vn homme vertueux & de bonne qualité, despende son bien pour faire du bien aux autres; occasion qui m'oblige de representer le besoin qu'il a de quelque peu d'ay-

POVR EMPESCHER LES DVELS. 233

de pour faire ce que ie propose.

Et d'autant que la grandeur de la chose pourroit faire naistre de la difficulté, & faire croire à plusieurs que les grands desseins ne se menent gueres à sin, qu'auec vne grande despence qu'il faut éuiter en ce temps de tout son pouvoir, & qui est tellement apprehendée en cét Estat, que le plus souvent les actes vertueux ont esté enseuelis dans l'oubly, par faute de faire cas des personnes qui les pouvoient mettre au iour, j'ay creu estre obligé de leuer ce doute, puisque la connoissance que j'en ay m'en donne le moyen.

Ie dis donc qu'il est besoin à celuy qui veut entreprendre la conduite d'une escole de vertu, telle que ie la representeray cy-apres, d'auoir un logis grand & spacieux pour loger les Gentils hommes qui luy seront mis entre les mains. Dauantage, il luy faut au moins vingt Cheuaux d'abord, gens pour les penser, Officiers & Seruiteurs pour son affaire, Tireur d'armes, Maistre à danser, Voltigeur, Mathematicien, homme de Lettres, pour faire les leçons que ie diray: Toutes lesquelles personnes il faut payer & nourrir, soit qu'il y ayt

D d iij

Tellement qu'estant vne chose certaine, qu'il faut tousiours auoir moyen d'entretenir cét équipage, & incertaine d'auoir tousiours nombre sussifiant d'escoliers pour subuenir à à ses frais; c'est la raison pour laquelle il faut vn sonds pour la faire reüssir & durer perpetuellement, au grand prosit & vtilité de l'Estat.

Pour faire connoistre particulierement l'ordre qui se tiendroit dans les escolles que ie propose, ie diray ce qui est de mon aduis & quelle seroir mon intention. Premierement, toute la matinée seroit employée pour l'exercice de la Caualerie & pour courre la Bague. L'apresdisnée, sçauoir le Lundy, Mercredy, Vendredy & Samedy, pour les exercices de tirer des armes, danser, voltiger & les Mathematiques, & pour les deux autres apresdinées du Mardy & du leudy, il seroit à propos que celuy lequel cy-dessus i'ay qualifié homme de Lettres, traitast, en presence de cette jeunesse assemblée, de toutes les vertus moralles, ensemble des exemples qui se tirent des Histoires, tant anciennes que modernes, pour les esclaire-

POVR EMPESCHER LES DVELS 135

pend des mœurs, passer à la politique, comme partie la plus necessaire; & la dessus leur monstrer la forme qu'il faut tenir pour gouuerner les Prouinces, les Villes & les Places qui leur seroient consiées entre les mains, comme il se faut maintenir aux Armées, soit pour commander, soit pour obeyr; comme quoy seruir le Roy en Ambassade, ou en quelque autre affaire particuliere. Bref, tascher par cé moyen de les rendre capables de bien seruir leur Prince, soit en paix ou en guerre.

Dauantage, considerant qu'il y a plusieurs qui se messent demener des Cheuaux & de porter vne espée, qui se trouveroient sort estonnez s'ils se voyoient à Cheual armez de toutes pieces: cela fait que ie desirerois tous les mois choisir vn iour de Feste, & apres le service Diuin ayant nombre suffisant de Noblesse, les faire armer, soit pour courre la Bague, pour rompre en lice, ou pour sortir à la Campagne, afin de leur apprendre la maniere d'aller au combat, le moyen d'attaquer vn escadron, la forme de se retirer. Bres, tout l'ordre de la guerre, & saire ses combats

tantost à Cheual, tantost à pied, en faisant faire des forts de terre pour les atraquer, &: dessendre à cette jeunesse (selon leur force) afin de leur enseigner à bien attaquer vne place & la bien deffendre, donnant les commandemens alternatiuement aux vns & aux autres, pour les rendre tous dignes de bien commander & de bien obeyr.

Iene doute pas que si le Roy entre en consideration de ses choses, qu'il ne juge facilement que l'execution de cette entreprise produira de si bons effects dans son Royaume, qu'il pourra dire auoir receu plus de bien de sa Maiesté seule, que de tous les Roys ses predecesseurs, & marqué son regne d'vne si belle marque, que ses louanges en seront publiées eternellement dans cette Monarchie; d'autant que par ce moyen il en aura banny tant de vices qui sont si communs.

Premierement, le peu d'amour & de respect à Dieu & à son Prince, la desobeyssance à ses commandemens, d'où s'en est ensuiuy autrefois des revoltes des Coniurations, & mille autres crimes qui en despendent. La rancune contre son prochain, l'ambition d'entrer en fortune,

POVR EMPESCHER LES DVELS. 237

fortune au preiudice d'autruy, des ligues & des partialitez dans les Prouinces, mille voleries, empoisonnemens, assassinats, gourmandises, paillardises, blasphemes contre Dieu, & le plus souuent contreson Prince. Les querelles & les duels si frequents en ce temps, & quantité d'autres desordres que i'aurois horreur de nommer, lesquels ne prennent leur source que du manque que leurs esprits ont de bonnes occupations en leur ieunesse, faute desquelles ils se laissent aller insensiblement dans ce labyrinthe de vices; d'où puis apres ils ne se peuuent retirer; car c'est vne chose toute connuë que la nourriture a plus de force sur les esprits des hommes, que leur naissance & leur inclination naturelle, & les exemples que nous en voyons tous les iours nous en donnent tant de certitudes, qu'il n'en faut entrer en doute, en ce que ceux qui se remarquent parmy nous, non seulement nous font voir cette verité, mais aussi ceux qui se rencontrent parmy les plus barbares & infidelles Nations dela Terre.

Pour m'esclaireir dauantage, il ne faut que considerer la nourriture qui se fait par le soin

du grand Seigneur, des enfans qu'il prend sur les Chrestiens par tribut, desquels il est si cu-rieux de la nourriture & de l'instruction, qu'appres les auoir fait apprendre à luy rendre du service, il ne consie pas seulement ses Places en leur sidelité, mais sa personne mesme, n'y ayat rien plus vray que sans leur assistance ceux qui ont tenu cét Empire, cussent perdu beaucoup de sois la vie & l'honneur tout ensemble.

Par là on peut tirer vne consequence certaine, que si des enfans sortis de Peres Chrestiens, & rauis par force d'entre les bras de leurs parens, par le commun ennemy de la Religion en laquelle ils sont nez; nonobstant, toutes ses considerations portent (en recompense de la bonne nourriture) leur vie contre leurs plus proches, pour soustenir les interests de celuy qui les a esseuez: Que des Gentils-hommes vrayement nez François & Chrestiens la porteront bien plus franchement pour leur Prince naturel & pour leur bien-facteur, si l'obligation qui les y astreint par la Loy diuine & humaine, est fortisiée d'vn soin particulier de les faire tous instruire en la connoissance de la vertu & de toute sorte d'honnestes exercices

POVREMPESCHER LES DVELS. 259

de l'esprit & du corps, n'y ayant point de thresors ny de biens qui puissent tant obliger vn braue courage, qu'vne bonne instruction, qui fait que ie ne m'amuscray point particulierement'à dire les fruicts que le general ressentiroit de la bonne nourriture de ceux qui passeroient par de si bonnes escolles, j'en laisseray la consideration aux personnes de bon esprit & de bon iugement: Iene parleray non plus du contentemét & du profit que le Roy receuroit en l'execution d'vn si beau dessein, seulement ie supplieray tres-humblemet sa Maiesté de considerer que les grandes conquestes & l'institution des bonnes Loix ne s'estant iamais faites que par la force, l'industrie, & la bonne nourriture des hommes, celuy qui assujettira leur courage dés leur premiere ieunesse, infusant les bonnes mœurs, & ployant leur nature au bien, aura auec raison plus de pouuoir de conquerir les Monarchies, & de faire observer ses commandemens,s'il peut rendre à sa deuotion ceux qui font ou deffont les Royaumes.

Et d'autant que la proposition que ie faits de fonder ses escolles vertucuses, & donner moyen à ceux qui seront choisis pour y commander,

de s'en acquitter si dignement, que la reputation en puissé voler par toute la Terre. Ie n'ay pas declaré quelle despense feroit besoin pour cela, j'ay iugé à propos de faire voir qu'elle est si petite pour le grand bien qui en prouiendra à l'aduenir, qu'asseurement tous ceux qui sont profession de l'honneur joindront leurs prieres à mes tres-humbles supplications, puisque la charge est de si peu de consequence, & laquelle encores le Roy peut trouuer, sans qu'il luy couste, ny sans que le public & le particulier en soit interessé.

Le fonds que ie desiren'est que de soixante milliures par an, lequel se pourra partager en quatre, à Paris trente mil, pource que l'abord estant plus grand en cette Ville, tant pour la demeure de la Cour des Ambassadeurs, que de toute sorte d'Estrangers, il est necessaire que l'escholle y soit plus grande & plus splendide qu'ailleurs; puis les trente mil qui restent, les diuiser esgalement à Tours, Bourdeaux & Lyon, à chacun dix mil: Laquelle somme de soixante mil liures se pourra prendre sur le sond des pensions & entretenemens que le Roy donne tous les ans à sa Noblesse;

POVR EMPESCHER LES DVELS. 241

d'autant que cette petite somme retranchée sur le total, chaque particulier s'en ressentira si peu, que tous seront contens de cette ouverture; & nes'en trouuera point, ny mesme de ceux qui sont des meilleures Maisons, qui n'ayent des enfans ou des parens, lesquels par faute de bonne nourriture se plongent tous les iours dans les vices, m'asseurant qu'il n'y en a aucun de tous ceux qui tirent des gratifications du Roy, qui n'aymast micux n'en auoir iamais eu, que voir son fils, sor nepueu, ou son parent, en hazard d'estre ignominieusemet traité de la Iustice, comme ont esté ceux qui conduits de la furie ont cy-deuant transgressé les Edicts & perdu l'honneur & la vie tout ensemble; ce qui ne seroit arriué, si du commencement ses imprudens cussent esté esseuez en des escolles semblables à celles que ie propose; lequelfonds le Roypourra dans peu de temps faire retirer si bon luy semble, & au lieu de cette petite somme y affecter des Benefices, comme ils vaqueront, ou des pensions sur iceux. Dauantage, i'ay cy-deuant dit que ceux qui prendroient des disputes inconsiderement & qui seroient condamnez à quelques aman-

E c iij

242 TRAITE DES MOYENS

des par Messieurs les Deputez Commis dans les Prouinces, ou par Nosseigneurs les Mares-chaux de France, que i'entendois que ses deniers fussent affectez pour l'auancement & augmentation de l'Accademie de la Prouince, ou celuy qui la deuroit seroit sa demeure.

Et où il y auroit quelqu'vn si inconsideré cyapres, qui (nonobstant les desfenses & les moyens que ie propose pour assoupir les disserends) transgresseroit les Edicts & seseruiroit de ses Armes sans la permission de ceux qui auroient le pouvoir de la luy donner, il seroit à propos qu'en ce cas, confiscation eust lieu par tout le Royaume, & que le bien des delinquans fust confisqué & affecté à l'entretenement & augmentation de ses Colleges d'armes & de vertu, afin que peu à peu le reuenu y croissant, ce fust vn moyen à l'aduenir queles pauures Gentils-hommes, y peussent estre nourris, sans payer pension, ny sans qu'il leur coustast, sinon vne eternelle obligation qu'ils auroient à leur Prince; & me semble estre vne chose tres-iuste, que si vn Gentil-homme vient à faillir par imprudence, manque d'auoir esté biennourry en son basaage, & que son bien

POVR EMPESCHER LES DVELS. 243

soit confisqué, que l'esmolument qui viendra de la confiscation soit employé à donner ordre que la ieunesse (& peut-estre les parens des coupables) soit diuertie par vne bonne instruction à ne tomber pas en vn pareil accidents car par là, se sera empescher que tous les Gentils-hommes, ny mesmes les plus proches des criminels, ne se pourront offenser legitimement, puisque le bien ne sera appliqué qu'au profit de tout le corps de la Noblesse, & à l'éleuation aux bonnes mœurs de ceux qui sont de la mesme qualité, lesquels se voyans esteuez dans ses escolles de vertu, fondées des biens confisquez sur les infracteurs des Edicts du Roy, & suceant en cette nourriture le sang de ceux quiont desobey, sans doute cela leur seruira d'exemple tres-sensible, pour les empescher de tomber en pareil crime.

Mais pource que dans l'establissement de ses belles escolles d'honneur & de vertu il s'y pourroit commettre quantité d'abus, en ce que beaucoup de personnes incapables voudroient entreprendre de leur seul mouuement & sans approbation ny permission, de tenir des Accademies dans les meilleures Villes du

Royaume, pour la seule esperance de gagner del'argent, i'estime estre tres à propos que celuy qui aura soin de faire vne pareille entreprise en quellicu que ce puisse estre dans cétEstat, qu'il ait premierement à s'addresser à Monsieur le grand Escuyer, pour faire preuue en sa presence de sa suffisance & capacitéen l'exercice de monter à Cheual, & en tous les autres qui s'enseignent dans les Colleges d'Armes; en suitte, qu'il luy donne connoissance de sa vertu & de sa naissance, afin que nul ne soit admis à auoir la conduite de ces belles Escolles, que premierement il n'aye esté nommé au Roy par legrand Escuyer de France, comme estant le seul Officier de la Couronne, auquel est deu cét examen & cette nomination; car ayant le commandement sur toutes les Escuries du Roy, sur les Escuyers & Officiers d'icelle, qui ont le soin de la nourriture & instruction des enfans de bonne maison, qui ont l'honneur d'y estre esleuez, il est tres raisonnable que ceux qui seront commis pour la nourriture de la Noblesse de France, soient sous sa charge, & despendent absolument de luy, afin qu'il en puisse respondre au Roy, & par ce moyen pouruoir

POVR EMPESCHER LES DVELS. 245 pouruoir à tous les desordres qui pourroient arriuer en ses Escolles, par la faute de ceux qui en auroient la conduite.

Voila donc les meilleurs remedes qui se connoisse pour guarir la pernicieuse maladie qui a perdu tant de Gentils-hommes depuis tant d'années, lesquels ie n'eusse pas esté si temeraire de mettre à la fin de cét ouurage, que ie prends la hardiesse d'offrir au Roy; Mais ne doutant pas que sa Maiesté ne se porte auec vne affection extréme à la conservation de sa Noblesse, j'ay creu qu'elle n'auroit point desagreable que ceux qui sont nez Gentils-hommes trauaillassent à en faciliter les moyens.

FIN.






TABLE DES CHAPITRES Contenus en ce present Liure.

PREMIERE PARTIE.



E quelle sorte de Cheuaux nous auons plus communément en France pour nous seruir. Chapitre premier, page 1. De la nature des Cheuaux en particulier: Premierement du Cheual d'Espagne. Chap. 2. pag. 3.

Du Cheual d'Italie. Chap. 3. pag. 4. Du Cheual d'Allemagne. Chap. 4. pag. 5.

Des Cheuaux d'Auuergne & de Gascogne. Chap. 5.

pag. 6.

Des Cheuaux de Lymousin. Chap. 6. pag. 7. Des Cheuaux de Poictou. Chap. 7. pag. 8.

Des Cheuaux de Poictou. Chap. 7. pag. 8. Des Cheuaux de Normandie. Chap. 8. pag. 9.

Des Cheuaux de Bretagne. Chap. 10. pag. 10.

Des Cheuaux du Comté de Bourgongne. Chap. 11.

La maniere de choisir vn Cheual qui soit propre pour contenter le Caualier au Maneige, & quelles qualitez il faut qu'il aye. Chap. 12. pag. 14.

Des moyens qu'il faut tenir pour commencer vn Cheual. Chap. 13. pag 17.

Quelle taille est la plus aduantageuse pour estre bon homme de Cheual.

Chap. 14. pag. 20.

me de Cheual. Chap. 14. pag. 20. Quels ornemens & habits font les plus propres pour la

bien-seance & pour la commodité de l'homme de Cheual, pour paroistre sur la carriere. Chap. 15. pag. 21.

Ce qu'il faut necessairement que le Caualier acquierre pour atteindre à la perfection de l'exercice duquel ie parle. Chap. 16. pag. 24.

Du moyen & de l'action que doit tenir l'homme pour monter sur son Cheual quand il iuge estre temps. Chap. 17.

pag. 34.

Des moyens qu'il faut tenir apres que le Cheual a obey à cette leçon. Chap. 18. pag. 40.

Pour commencer à mettre vn Cheual dans la main.

Chap. 19. pag. 44.

Seconde leçon pour tousiours aduancer le Cheual pour le mettre dans la main. Chap. 20. pag. 47.

Comme il faut mettre le Cheual dans le talon. Chap. 21. pag. 48.

Seconde leçon pour mettre vn Cheual dans le talon.

Chap. 22. pag. 50.

Pour mettre dans la main & dans les talons tout ensemble. Chap. 23. pag. 51.

Contre ceux qui blasment l'vsage des pilliers. Chap. 24.

pag. 54.

Les facilitez que le Caualier & le Cheual treuuent en l'vfage des pilliers. Chap. 25. pag. 38.

Du colere impatient & meschant tout ensemble. Chap. 26. pag. 59.

Du leger, gentil, & de bonne nature. Chap. 27. pag. 62. Du lasche & paresseux. Chap. 28. pag. 63.

Du pesant & malicieux. Chap. 29. pag. 64.

Du desesperé de bouche. Chap. 30. pag. 66.

Les raisons pourquoy il faut que l'homme soit intelligent dans la science, auant que de le faire monter sur vn Cheual ignorant. Chap. 31. pag. 70.

Qu'il se peut quelquesoismettre vn homme ignorant sur

vnieune Cheual non dressé. Chap. 32. pag. 73.
Comme l'experimenté Caualier peut connoistre la portée de l'homme & du Cheual, & par ce moyen éuiter les accidens qui peuuent arriuer, faute de cette connoisfance. Chap. 33. pag. 74.
Que la patience & la resolution sont les choses les plus necessaires en cét exercice. Chap. 34. pag. 75.

SECONDE PARTIE.

Es moyens qu'il faut tenir pour commencer d'adjuster vn Cheual. Chap. I. pag. 77 Seconde leçon pour adjuster vn Cheual. Chap. 2. pag. 80 Troisiesme leçon pour adjuster vn Cheual. Chap. 3. pag. 91 Quatriesme leçon pour adjuster vn Cheual. Ch.4.pag. 93 Cinquiesme leçon pour adjuster vn Cheual. Ch.5. pag. 94 Sixiesme leçon pour adjuster vn Cheual. Ch. 6. pag. 95 Septiesme leçon pour adjuster vn Cheual. Ch. 7. pag. 96 Huictiesme leçon pour adjuster vn Cheual. Ch.8. pag. 97 Neufiesine leçon pour adjuster vn Cheual. Ch.9. pag. 99 Dixiesme leçon pour adjuster vn Cheual. Ch.10. pag. 101 Vnziesme leçon pour adjuster vn Cheual. Ch. 11. pag. 102 Douziesme leçon pour adjuster vn Cheual sur les passades Chap.12. pag. 103. releuées. Treziesme leçon des aydes, pour les rafiner & les faire prendre au Cheual plus delicates. Chap. 13 pag. 106.

TROISIESME PARTIE.

V'il y a de diuerses sortes d'airs, & pourquoy on appelle l'action que le Cheual fait en maniant air.
Chap. 1. pag. 111

Que c'est que les Caprioles, & le moyen d'y acheminer vn Cheual. Chap. 2. pag. 114

Seconde leçon pour les Caprioles. Chap. 3. pag. 120 Troisiesme leçon pour les Caprioles. Chap. 4. pag. 121 Quarriesme leçon pour les Caprioles. Chap. s. pag. 122 Cinquiesme leçon pour les Caprioles. Chap. 6. pag. 124 Sixiesme leçon pour les Caprioles. Chap. 7. pag. 135 Septiesme leçon pour les Caprioles. Chap. 3. pag. 140 Huictiesme leçon pour les Caprioles. Chap. 9. pag. 141 Neufiesme leçon pour les Caprioles. Chap. 10. pag. 142 Dixiesme leçon pour les Caprioles. Chap. 11. pag. 144 Vnziesme leçon pour les Caprioles. Chap.12. pag.145 De l'Air d'vn pas & vn sault, & le moyen d'y acheminer vn Cheual. Chap. 13. pag. 147 Deuxiesme leçon pour vn pas vn sault. Chap. 14. pag. 149 De l'air des Balotades. Chap. 15. pag. 150 De l'air des Groupades. Chap. 16. pag 151 Qu'il ne faut point trauailler son Cheual à autre chose qu'au maneige, dés l'heure qu'on l'a commencé, Chap.17. pag. 156.

QVATRIESME PARTIE.

E l'exercice de courre la Bague, & des moyens qu'il faut tenir pour faire de belles courses. Ch.1.pag.159
Quelles qualitez il faut que le Cheual de Bague aye, pour bien seruir le Caualier sur la carriere. Chap. 2. pag. 162
Les raisons pour quoy on n'excuse pas si-tost les mauuaises actions du Caualier en courrant la Bague, qu'en faisant manier vn Cheual de force & vigoureux. Ch.3. pag.164
Pour quoy il faut porter la lance vers l'oreille gauche du Cheual.

Chap. 4. pag.167
Ce qu'il faut que le Caualier fasse, lors qu'il est en bonne posture sur son Cheual, la lance bien placée sur la cuisse. Chap. 5. pag. 169.
De quelle longueur il faut que soit la cartiere, & de qu'elle

hauteur la Bague doit estre mise & adjustée. Chap. 6.

pag.170.

Pourquoy il est plus à propos de tourner à main droite en entrant dans la carrière; & la raison pour laquelle il faut plustost commencer sa course, en prenant la demie volte à main droitte qu'arresté. Chap.7. pag.171

Qu'il se peut faire plusieurs actions de la lance au partir, & de qu'elle sorte le Gend'arme doit commencer sa course.

Chap. 8. pag. 173.

La feconde action de la lance.

La feconde action de la lance.

La troisiesme action de la lance.

La quatriesme action de la lance.

Chap. 10, pag. 176

Chap. 11, pag. 176

Chap. 12, pag. 177

Tout ce qu'il est necessaire au Gend'arme de pratiquer, pour bien commencer, continuer & finir sa course, afin d'estre estimée belle & bonne.

Chap. 13, pag. 179

Chap. 13, pag. 179

Quel est l'exercice de rompre en lice, & de quelle sortes d'armes, il faut que le Gend'arme soit armé. Chap. 14.

pag. 180.

Comme quoy il faut que le Gend'arme monte sur son Cheual. Chap. 15. pag. 182.

Quels Cheuaux sont les plus propres à cet exercice.

Chap. 16. pag. 183.

Ce qu'il faut que le Gend'arme fasse pour bien executer sa course, lors qu'il est bien armé sur son cheual, & la lance en la main, prest à la commencer. Chap.17. pag.184 En quel endroit il faut que le Gend'arme rompe son bois.

Chap 18. pag. 186

Quels sont les deux arrests, celuy de la cuirace & celuy de la lance. Chap. 19. pag. 186.

Ce que c'est de rompre des lances à la quintaine; pourquoy, & comme quoy il se pratique. Chap. 20. pag. 187

Quel est l'exercice de combattre à Cheual dans les grands tournois & triomphes qui se font en la presence des

grands Roys, & comme quoy il se peut apprendre.

Chap. 21. pag. 189.

Ce qui est requis au Caualier & au Cheual pour bien faire. Chap. 22. pag. 190

Quand les Caualiers experts ont de bons Cheuaux & bien adroits; ce qu'ils doiuent faire, pour bien combattre de bonne grace. Chap. 23. pag. 192

Ce qu'il faut que les combattans fassent à ce troissesme rencontre. Chap. 24. pag. 193.

CINQVIESME PARTIE.

Es emboucheures les plus propres pour les Cheuaux. Chap. 1. pag. 197 Ce que l'estime estre necessaire de pratiquer, pour instruire les hommes en ce bel exercice. Chap. 2. pag. 205.

SIXIESME PARTIE.

Raicté des moyens pour empescher les Duels, & pour bannir les vices qui les causent. Pag. 211.

Fin de la Table.





51379.00320 Çi. - oyss

